

# পাণ্ডব পতাকা

পৌরাণিক নাটক

শ্রীরাম রমেন্দ্র ভট্টাচার্য্য বিরচিত

৮৯ং মহেন্দ্র বসু লেন, শ্যামবাজার, কলিকাতা

“সত্যপ্রিয় সম্মিলন” হইতে

এম্বকার কর্তৃক প্রকাশিত ।

মুদ্রণাঙ্ক :—

পৌষ, ১৩৩৯ ।

## পরিচয়

বৈচিত্র্য যাহা হইবার নয়, তাহার সহস্র উপাদান থাকিলেই বা কি ? একই ঘটনা ( মুক্তিপথে ও পাণ্ডব পতাকা ) রকমারি ভাবে সাজাতে গিয়ে না চলিয়ে বসে থাকি, কিম্বা চিত্ততৃষ্টি সাধতে গিয়ে না শাস্তি হানি ঘটিয়ে থাকি । নূতনত্ব নাই, পৃথকত্ব নাই, চমৎকারিত্ব নাই, সূক্ষ্মত্ব নাই ; তথাপি প্রয়োজনীয়তা বোধ হইলে, অভিনেতার সাভিনিবেশ দৃষ্টি, বুদ্ধি, প্রয়োগ-কুশলতা আকর্ষণ করিলে বুঝবো—সে তাঁর অনুসন্ধিৎসারই ফল, রসঅষ্ট্বেই পরিচয় । এও এক দুঃসাহসিক ।

সিধে পথে চলবে না যে

বাঁকাই তাহার গতি,

এযে সত্য অতি ;

তবে প্রস্তুরেও শিল্পী মূর্তি অঙ্কিত করে, এই যা । অলমিতি

বড়দিন, ১৩৩৯,  
কলিকাতা ।

এম্‌কারন্ত

ভালি

নাটোমোদীকেই—

বড়দিন,  
হলিকাতা ।

প্রমুকার ।

## नायक—नायिका ।

### पुंल्लव ४—

महादेव, कृष्ण, धर्म (सूर्य्य ँ यम्क), युधिष्ठिर, भीम  
( बल्लड ), अर्जुन ( ब्रह्मला ँ नारायन ), नकुल,  
सहदेव, दुर्य्योधन, भीष्म, विदूर, श्रीदाम,  
शिखण्डी, विरजापुत्र, जयद्रथ, उद्वर,  
सैकव, बक्रवाहन, ब्राम्मण,  
अहरीद्वय ँ दम्प्य ।

—x\*x—

### स्त्री :-

पार्वती ( सती ), राधा, तंसखीगण, विरजा,  
द्रोपदी ( सैरिद्धी ), सुदेष्णा, अम्बा,  
बनाधिष्ठात्री, दुःशला ँ उलुपी ।

—x\*x—

# শাণ্ডব পতাকা ।

## প্রথম অঙ্ক ।

প্রথম দৃশ্য ।

বনভূমি ।

যুধিষ্ঠির ও সূর্য্য ।

যুধিষ্ঠির । সর্পস্বাস্থ আমি দিবাকর !  
আমি জ্যেষ্ঠ, সংসারের  
যাবতীয় ভার আমারই উপর ;  
আমারই যে দোষে  
সাধের খাণ্ডবপ্রস্থ দিয়া বিসর্জন  
চারি ভ্রাতা—সহ দ্রৌপদী মহিষী  
আসিয়াছি রিক্তহস্তে গভীর অরণ্যে ।  
কুক্ষণে ধরিয়াছিগ্ন করে অক্ষয়—  
যে করেতে ছিল রাজ্যভার ।

সূর্য্য । কি করিবে, লয়েছ যখন—স্বৈচ্ছাবশে  
করিয়া বরণ, ত্রয়োদশ বর্ষ বাস  
ত্যজি রাজধানী ? প্রীত হ'য়ে আমি  
দিতে পারি স্থানী এক,  
পূর্ণ যাহা অপূর্ণ ভোজ্যেতে র'বে  
সতী নারী দ্রৌপদীর ভোজন অবধি ।

যুধিষ্ঠির । এর চেয়ে কি সৌভাগ্য আর  
প্রার্থনা করিব দেব ! চরণে তোমার ?  
ভ্রাতাগণ দীননেত্রে দাঁড়াবে যখন,  
তখন যে ক্ষুধার্ত জনেরে

হুঁটা অন্ন দিয়া প্রীতি অক্ষয় রাখিব  
এই মোর আশাতীত ফল । আমি জানি—  
জগতের একচক্ষু তুমি নারায়ন,  
তোমা হ'তে জগত সৃজন, তুমি সাকী,  
পরাৎপর, বিশ্বস্বক, স্বভাবসারথি ।

( সূর্যের প্রস্থান ও পুনরাগমন )

সূর্য । এই লও সেই স্থানী,  
পূর্ণ র'বে ভোজ্যেতে সকলি ।  
(স্বগতঃ) এই ব্রাত্‌প্রীতি,  
অস্ত্রমে অনন্ত স্বর্গ করিবে প্রদান । ( প্রস্থান )

বুধিষ্ঠির । কথঞ্চিৎ আশ্রয় এখন ;  
কিন্তু অত্যধিক এই বিড়ম্বনা,  
বৈমাত্রেয় ব্রাত্‌ঘরও আমারি কারণ  
নির্কাসিত সাথে সাথে মোর । মাদ্রী ! মাদ্রী !  
স্বর্গীয়া জননী ! সহমরণ সময়ে  
জ্যেষ্ঠা করে দিলে গেলে পুত্রঘর তার,  
আমি তার যোগ্য মর্যাদা রেখেছি !  
দ্রৌপদী ! দ্রৌপদী ! রাজকন্যা ছিলে,  
পাও নাই কতু অযতন, যোগ্য বধু  
হ'য়েছিলে পাণ্ডব গৃহেতে । [ প্রস্থান ]

( ভীমের প্রবেশ )

ভীম । জ্যেষ্ঠ পূজ্য, দেবতা সন্থ,  
কিছু নাই অপ্রতুল তাঁহার প্রসাদে ;  
এ হেন সময়ে—বক ও হিড়িম্ব সখা  
কিন্মীর রাকস,—হিংসাবশে আক্রমিতে  
এসেছিল অবসর বুকে, উপযুক্ত  
পুরস্কার—লভিল সে প্রাণ বিসর্জন ।

উপদ্রব বিহীন এ বন, আসিরাছি  
 দ্রোণদৌ কারণ—পরিমলবাহী পদ্ম  
 আহরণে। রাজভোগে কাটায়েছে দিন,  
 সুখকোড়ে সারাটা জীবন,  
 এখন যতপি তার হয় ব্যতিক্রম  
 অক্ষমতা আমাদেরই করিবে ঘোষণা।

( নকুলের প্রবেশ )

নকুল। মধ্যম অগ্রজ !

এইমাত্র পরম্পরা করিনু শ্রবণ,  
 মৈত্রেয় নামেতে মূনি দিল অভিশাপ  
 আপনার হাতে হবে দুর্ঘোষন বধ  
 উরুভঙ্গে—ত্রয়োদশ বর্ষ অবসানে।

ভীম। ভাই ! আদরের কনিষ্ঠ আমার !  
 আহ্লাদেতে দাও পরিচয়  
 আশায় বাঁধিয়া বাঁধ, কবে হবে—  
 সে যে সেই দূর ভবিষ্যৎ।

নকুল। আরও এক কথা, তৃতীয় পাণ্ডব  
 পশুপতি সঙ্কট করিয়া, তাঁরি বরে  
 স্বর্গলোকে—অলৌকিক শক্তি আহরণে  
 গেছেন ফিরিব বলি—অচির মুহূর্তে।

ভীম। জানি সে কিরাতবেশী মহেশ্বর সনে  
 অপর্ধ্যাপ্ত করেছিল রণ, প্রসন্ন সে  
 ভগবান্—ভাগ্যবান্ করিল মোদের  
 পরাজয় স্বীয় শিরে করিয়া বহন।

( সহদেবের প্রবেশ )

সহদেব। এসেছেন স্বর্গ হতে মহর্ষি লোমশ  
 সংবাদ লইয়া তাঁর গঙ্কর সকাশে  
 তিনি—লভেছেন সর্ববিজ্ঞাপারদর্শী বশঃ।

ভীম । তোমরাও কি কম কৃতী ? পরিণতি  
বয়ঃক্রমে—দেখাবেও স্ব স্ব কৰ্ম্ম  
বিশ্ববিস্মায়ক ।

সহদেব । মূলে তার পূজ্য আশীর্বাদ ।

ভীম । বালক—অমৃতভাবী ! আশীর্বাদ করি—  
কর যশস্বীর সৌভাগ্য অর্জন,  
রবি শশী সাক্ষ্য দেয় যাছে চিরন্তন ।  
দেখেছ তো জ্যেষ্ঠের কি জনপদ প্রীতি,  
আসিবার কালে—চক্ষুদ্বয় করিয়া বন্ধন,  
তাজি লোকালয়—অপ্রশস্ত পথে, পাছে  
দেখে তাঁকে—অমঙ্গল হয় রাষ্ট্র মাঝে ।  
ভাগ্যবান্ অহুজ তোমরা,  
অহুদিন অহুসৃতি কর্তব্য মানিও ।

নকুল । আসি কৃষ্ণ দ্রুপদ সহিত,  
বলিয়া গেলেন রাজ্যলাভ হবে পুনঃ ।

ভীম । এমন যে স্কুমার অঙ্গের মাধুর্য্য  
কঠোরতা নিষ্পেষণে করিতেছি ম্লান,  
এমন যে স্মধুর স্মহান্ ভাব  
পবিত্রতা মাখানো নির্ম্মল—

সহদেব । বিলম্ব হইলে জ্যেষ্ঠ হবেন কাতর,  
আসুন সত্বর,—নিরন্তর গহন এ বন । [সকলের প্রস্থান]

( জনৈক ব্রাহ্মণের প্রবেশ )

ব্রাহ্মণ । এসেছি এ পথে, ল'য়ে যাই কিছু কুশ,  
জলভূমি অতিক্রমি আনিতে হইবে ;  
মহুদগু রাখি কোথা ? বৃক্ষেতে বাঁধিয়া ?  
তাই রাখি ; বছদিন এসেছে পাণ্ডব,  
উপদ্রববিহীন অরণ্য, কতিই বা কি ?  
( উত্তরীয় সহ মহুদগু বৃক্ষকঙ্কে সংরক্ষণ,  
বস্ত্রপ্রান্ত দ্বন্দ্ব উত্তোলনে কুশার্ধ গমন )



দ্বিতীয় দৃশ্য ।

হস্তিনা ।

দুর্যোধন ও দুর্কাসা ।

- দুর্যোধন । সন্তুষ্ট করিতে পারি—কি এমন  
দুর্যোধন—করিয়াছে শক্তি উপার্জন ?
- দুর্কাসা । সন্তুষ্ট পরম, বিধিमत চৰ্কা, চোষা,  
লেহা, পেয়ে—রসনাও বিশ্রান্ত, নিদ্রিত ।
- দুর্যোধন । এমন ?
- দুর্কাসা । রাজগৃহ, স্বীয় হাতে রাজা—করিতেছে  
অতিথি সংকার ; বিচিত্র কি বেশী আর ?  
প্রার্থনীয় যদি কিছু থাকে, কহ  
অসংঘমে—দুর্কাসা তা' পুরণে প্রস্তুত ।
- দুর্যোধন । এত যদি অনুগ্রহ অনুগত প্রতি—
- দুর্কাসা । কেন যে তোমারে বলে দুর্কিনীত লোক,
- দুর্যোধন । নহে লোক, পাণ্ডব কারণ তার ।  
(স্বগতঃ) শুনিয়াছি এই ঋষি কোপন স্বভাব,  
পাইলামও অধিকার অভীষ্ট মাগিতে ।  
(প্রকাশ্যে) ঋষিবর ! অনুগ্রহ এত যদি—বড়শক্তি  
সহস্র সংখ্যক শিষ্যে পরিবৃত হ'য়ে  
পাণ্ডব সকাশে হোনু অতিথি বারেক,  
আছে সেথা সূর্য্যদত্ত অপরূপ স্থালী  
অকুরন্ত মইশ্বর্য্য—যথেষ্ট সাধিকা ।  
(স্বগতঃ) অয়ে যদি দিতে পারি হানা,  
কে পায় আমারে, পাইয়াছি এইবার  
উপযুক্ত মহৌষধি—কাল উপযোগী ।
- দুর্কাসা । রাজ আজ্ঞা পাল্য সবাকার  
অবিচারে কর্তব্য সাধনে ।

( ভীষ্মের প্রবেশ )

ভীষ্ম । বিপরীত ফল ফলে,  
যদি থাকে নীচ উদ্দেশ্য অস্তরে ।

দুর্কাসা । আমি আসি ।

ভীষ্ম । দাঁড়াও মহর্ষি !—ক্রুদ্ধ অবতার ।  
রাজ্য রক্ষা তরে যদি হয় রাজ্য নাশ ?  
আশীর্বাদ করে যদি ধ্বংস অভিনয়,  
কে হইবে দায়ী তার ?

দুর্কাসা । প্রযোজ্য ও প্রযোজক বুঝিবে সে কথা,  
মন্ত্রী গেলে পদাতিকও শাসে রাজ্য ভার ।

( বিদুরের প্রবেশ )

বিদুর । ঘোড়ার কিস্তি, দাবা গেল ।

দুর্কাসা । হাত দাঁও কিরূপে ঘোড়ার,  
পড়িছে গজের কিস্তি, সরাসর ।

বিদুর । নৌকা দিয়ে হোক্ গতি রোধ ।

ভীষ্ম । তা হয় না বিদুর !  
ওটা যে ব'ড়ের মুখ, সঙ্গে সঙ্গে কিস্তি ।

বিদুর । তবে কি এ রাজ্যমাং ?

ভীষ্ম । হবেও বা ।

বিদুর । দুর্ঘোষন ! দুর্ঘোষন !

( দুর্ঘোষনের মাথায় হাত দিয়া উপবেশন ও দুর্কাসার প্রস্থান )

দুর্ঘোষন । ( ভীষ্মপদে করস্পৃষ্টে ) পিতামহ ! পিতামহ !

ভীষ্ম । আরও কু-অভিপ্রায় রয়েছে অস্তরে  
প্রচ্ছন্ন অনল থাকে স্তম্ভাবৃত যথা ;  
যোষযাত্রা ছলে—চাহ তুমি ঐশ্বর্য দেখাতে

সাথে ল'য়ে কুরুলক্ষ্মী কুলবালাগণে ।  
শোন দুর্ঘোষন ! রঘুপতি নারায়ন  
সেও পারে নাট সীতারে রক্ষিতে,  
গৃহত্যাগ—গণ্ডীত্যাগ এই কলঙ্কময় ।  
নিবারিলে তুমি তাহা  
শুনিবে না বেশ জানি, তথাপি—

বিহর । তথাপি রয়েছি শীর্ষে—

ভীষ্ম । না—না বিহর,  
একথা বলিতে আমি সাহস করি না ;  
তথাপি—  
কথঞ্চিৎ আশ্বাস রয়েছে,  
যুধিষ্ঠির আদি সেথা বিচ্যমান ।

( ভীষ্মের চক্ষু দিয়া জল গড়াইয়া পড়িল )

বিহর । কুরুদেব !

ভীষ্ম । কারে তুমি বলিছ এ কথা ;  
আমি দাস, রাজ্যের বাহক ; যতক্ষণ  
এ হস্তিনা—কোনরূপে ত্যজিতে পারি না ।  
তুমিও তো পারিলে না রহিতে বিহর !  
ত্যজি দূরে, বহি শিরে ঘোর অপমান ।

বিহর । দাসী পুত্রে অপমান কিবা ?

ভীষ্ম । বিহর ! বিহর ! এখনো জীবিত আমি,  
রক্তমাংসে গঠিত জীবন ; দুর্ঘোষন ! দুর্ঘোষন !

বিহর । দুঃখ এই, রাষ্ট্রচিন্তা পারিনি ত্যজিতে ।

ভীষ্ম । স্নেহসিক্ত ভাই ! কর্তব্য সাধনে  
তুমিও যে নাহি হবে পরাশ্রুত,  
বুঝেছি তা'এ প্রত্যাগমনে ; এস বিহর !

( উভয়ের প্রস্থান )

দুর্যোধন । ছাড়িবে না অনুরাগ পাণ্ডবের প্রতি,  
 অনুযোগ তথাপি নিয়ত ;  
 রাজ্যচ্যুত, গেছে বনবাসে,  
 তার তরে এতই কি ব্যথা ?  
 নিরস্তর—তোমারই সকাশে  
 কেহ যদি বার বার বলে একই কথা,  
 তুমি তাহা পার কি সহিতে ?  
 বতকর্ণ কর্ণ আছে সহায় আমার,  
 কোন চিন্তা পশিতে পারে না, বহুরূপে  
 করেছি প্রত্যক্ষ আমি বীরত্ব তাহার ।

( দুর্যোধনের প্রস্থান )

তৃতীয় দৃশ্য ।

বৃন্দারণ্য ।

দ্বারদেশে সমাগত রাধা ও তৎসখীগণ ।

রাধা । কেন, আমি কি কুৎসিতা,  
 ত্যজিয়া সান্নিধ্য মোর সমাগত হেথা ?  
 কে আছে, শীঘ্র দ্বার কর উন্মোচন ।

( করধৃতবেত্র শ্রীদামের প্রবেশ )

শ্রীদাম । কেন দেবী, কিবা হেতু সরোষ আহ্বান ?

রাধা । ত্যজিয়া অতৃপ্তা মোরে রাসমঞ্চ পরে  
 আসিয়াছে প্রভু তব অন্তরে সন্তোষে ?  
 যাও সখী, রাধা দিয়া দ্বাররক্ষা কাষে  
 শিক্ষা দাও সে রতি-লম্পটে ।

( শ্রীদাম অতিক্রমে সখীর অভ্যন্তরে গমন )

শ্রীদাম । দেখি নাই এমন তো ক্রোধ ;  
 রক্ত আঁধি, কুরিত অধর ,

কম্পিত শিরস্চূড়া, ঝলিত ওড়না,  
সরব নুপুর, বাক্য দ্রুত নিঃসরিত ।

রাধা । করিছ দালালী,  
শিথিয়াছ শৈলুষের কায ?

শ্রীদাম । (হস্তদ্বয়ে কর্ণদ্বয় চাপিয়া )  
ছি-ছি-ছি, কি অসংযম বাণী,  
কারে কি বলিছ দেবী ! আপনা পাগরি ?  
আমি যে কিঙ্কর, আজ্ঞাবাহী ।

রাধা । জান না কি, কতদিন গোলোক ত্যজিয়া  
আসিয়াছে পতি মোর—  
আমি চাই জানিতে এখনি  
কেবা সে বিরজা, কত রূপ তার,  
কিবা সে কুহক জানে,  
কোন্ মন্ত্রে রেখেছে আবদ্ধ ক'রে ।

( আদিষ্ট সখী প্রত্যাগত হইয়া )

সখী । সখী, দেখিলাম কেহ নাহি সেথা,  
ব'য়ে যায় শুধু নদী ! দীর্ঘ বিস্রাবিণী  
কুলু কুলু তানে শুনি শ্রুতি বিমোহিনী ।

রাধা । ভ্রষ্টা তুই, মিথ্যাবাদী,  
প্রলোভনে সত্য করিস্ গোপন ।

সখী । জুড় তুমি, হারায়েছ বিচার শক্তি,  
বিসদৃশ উক্তি তাই সকলেরই প্রতি ।

রাধা । পারিলি না চোর ধরিতে কোথায়ও ;  
আবার বলিস্ তুই মুখ ফুটে কথা ?  
চল শ্রীদাম, দেখি গিয়ে ।

শ্রীদাম । ( স্বগতঃ ) পলাইয়া গেলেন কোথায়,

পট পরিবর্তন ।

বিরজাতীর ।

কপোলকরলগ্ন কৃষ্ণ উপবিষ্ট ।

শ্রীকৃষ্ণ । প্রিয়ে ! প্রিয়ে ! ভীত হ'য়ে রাধিকা ভয়েতে  
দেহ ত্যাগে নদীরূপ ধরি,—সেই যে সে  
চলে এলে আমারে কাঁদায়ে, রহিলাম  
শোকমুহমান, মৃতপ্রাণ, জড় দেহ ;  
দেখা দাও, দেখা দাও সে অপূর্ব রূপ ।

( নদী হইতে দিব্যমূর্তি বিরজার আবির্ভাব )

বিরজা । শুনিলাম স্বামীর না কাতর ক্রন্দন ?

কৃষ্ণ । প্রিয়ে ! প্রিয়ে !

বিরজা । এই যে এসেছি স্বামী !

ছি, তীরে ব'সে করিছ ক্রন্দন ?

কৃষ্ণ । প্রিয়ে ! প্রিয়ে ! এ কি রূপ ? এ রূপের  
হয় কি তুলনা ? রাধা হ'তে কোথা হের ?  
জলমধ্যে করি বাস

ওজ্জ্বল্য যে শতগুণে বাড়ায়ে এনেছ ;

আর আমি ছাড়িব না, পারি নাই

সম্বলিত করিতে, অপূর্ণ আশ্বাদে দিছি

অকালে বিদায়—অর্দ্ধপথে, অকাতরে ।

( শিশু পুত্রের প্রবেশ )

পুত্র । মা ! মা !

বিরজা । ( ক্রোড়ে লইয়া ) পুত্র বুঝি প্রেমের নির্ঘ্যাস,  
প্রীতির নির্ঘণ্ট, সব চেয়ে বড় ।

কৃষ্ণ । (স্বগতঃ) পুত্র পেরে তুলে আছে দেখি,  
তবে আর রাধা প্রীতি তুলে থাকি কেন ?

( প্রহান

বিরজা । কেন বৎস ! আকুল এমন,  
সম্ভ্রান্ত—বিপন্ন সম কল্পিত অন্তর ?

পুত্র । মা ! জ্যেষ্ঠ ষষ্ঠ ভ্রাতা মোরে  
করিছে তাড়না ।

বিরজা । তাই বুঝি পলায়ে এসেছ ?  
কই, কোথা গেল প্রাণেশ আমার !

( চতুর্দিক্ অন্বেষণ )

পুত্র হ'য়ে বাধা দিলি আমারে যখন,  
লবণ সমুদ্র হ'য়ে থাক ধরামাবে  
অম্পৃশ্য ও অনাদৃত কল্লাস্ত অবধি ;  
অপর সম্ভান ষট্ স্বীয় শঠতার  
করুক তারাও বাস জম্বুদ্বীপে গিয়া,  
সপ্তদ্বীপা হটুক পৃথিবী,  
আমি থাকি স্বামী ধ্যানে—স্বামী পদে লীন ।  
স্বামী ! স্বামী ! তোমার আকাজক্ষা যত  
ডালি দিয়ে অবলার শিরে, চ'লে গেলে  
নিষ্কণ্টকে—তাজি ভার সমুদয় বুঝি ?  
স্বামী ! স্বামী !

( প্রস্থান )

[ পুত্রের সরোদনে অন্তর্দ্বান ও সমুদ্ররূপে প্রবহন ]

( সখীগণ সহ রাধা ও শ্রীদামের প্রবেশ )

রাধা । প্রতারণা করি—ছলিয়া আমারে যথা  
ব্যথা দিলি বিরহিনা বিষাদিনী প্রাণে,  
শঙ্খচূড় দৈত্য হ'য়ে লভিবি জনম  
কল্লাস্তরে নির্মম অধম ।

শ্রীদাম । দেবী, পুণ্য অমুঠানে  
যত শীঘ্র হয় নাই সাযুজ্য মিলন,  
সেবা ক'রে পাই নাই যে অচিন্ত্য ধন,

পাপে বুঝি হয় শীঘ্র ততোধিক ।  
 আমিও প্রত্যাঙ্কি করি—  
 মাহুঘী হইয়া তুমি লভহ জনম  
 আয়ানের পত্নী হ'য়ে,  
 জ্বলি দীর্ঘ শত বর্ষ বিরহ অনলে  
 কলঙ্কিনী রাধা নামে পৃথ্বীর গোচরে  
 ছাপরে বরাহ কল্পে যুগান্তাবতারে ।

রাধা । সখী ! সখী !

সখী । এর মূলে যে আত্মা প্রকৃতি,  
 বিধি মত সবই হবে ঠিক ।

রাধা । কৃষ্ণ ! কৃষ্ণ !

পট পরিবর্তন ।

দ্বারকা ।

( গাহিতে গাহিতে রাধার প্রবেশ )

( গীত )

রাধা । কে না জানে তুমি হরি !  
 আমি যে তোমারে দেখেছি নগরে  
 ঘুরিতে ফিরিতে ভিখারী !!  
 হরি নাম যদি হয়ে থাকে তব  
 সবাকার মন হরি' !  
 কেন তবে হয় চোর বদনাম  
 দ্রব্য করিলে চুরি !!

সবাকার সেরা যে ধন জগতে  
 তাই তুমি চাও ধরিবারে হাতে  
 তথাপি তোমারে হইবে পূজিতে  
 নিয়ে আয় তারে ধরি !  
 নীতি নামে যেবা অনীতি প্রচারে  
 শাস্ত্র শাসন গড়ি !!



বৃন্দা ! বৃন্দা ! খোঁজ পেলি কিছু ? • কতদিন  
হ'য়ে গেল, মধ্য পথে শ্রীদাম আমার  
শব্দচূড় দৈত্য হ'য়ে হইল উদ্ধার  
শ্রীকৃষ্ণের নামামৃত-পারাবার পানে ।  
আর আমি—কতদিন এসেছি এখানে,  
কতদিকে করি অন্বেষণ, এই পাই—  
এই ধরি, এই পুনঃ যায় পলাইয়ে,  
এই ভাবে করি লুকোচুরি ।

( শ্রীকৃষ্ণের প্রবেশ )

- কৃষ্ণ । স্বয়ং শঙ্কর হ'য়ে গোলোক চইতে  
এই ভাবে নিত্য লীলা প্রকাশি অদ্ভুত,  
ভূত ভব্য ভবদেব ভবাক্তিরগী !
- রাধা । তুমি যে কিসের যোগী, কিসের ভিথারী  
নারিলাম এখনো বুঝিতে ।
- কৃষ্ণ । আর কি সময় আছে ?  
কোরব পাণ্ডবে বাদ বেঁধেছে ভীষণ,  
প্রিয় শিষ্য ভক্তগণ সবে—অক্ষ পণে  
বনবাসে—সহবধু করেছে প্রয়াণ,  
লভিছে পরম দুঃখ গহন কাণ্ডারে ।  
ছঃশাসন করে সেই উগাঙ্গীকরণ,  
সভাস্থলে কেশ আকর্ষণ,  
দসুরও অধিক হয় কার্যা অনুষ্ঠানে  
কম্পিতা পৃথিবী, আকুল পার্থিব গণ ;  
পার্থকৃত শরাসুসন্ধান—শান্তি বিনা  
কিছুতে থাকে না মান, এমন ছদ্দিন ।
- রাধা । তবে আর রাসলীলা, কুঞ্জেতে গমন,  
নব নব শূদারাভিনয়, এই আছে—

এই নাই, যত পাই—ততই অভাব,  
স্বভাবে যে করে আরও আকিঞ্চন;  
আশা এতই ভীষণ ।

কৃষ্ণ। আশাই জীবন, আশাই সম্বল—সার ।

রাধা। ( চতুর্দিক অন্বেষণে ) বৃন্দা বৃদ্ধি  
অবসর বুঝে—করিয়াছে পলায়ন ?  
( নিমেষে পুষ্পোচ্চানে পরিনত )

এই কুঞ্জগৃহ—ফুল কুসুম কানন,  
এই হাসি—সুপ্রকাশ প্রেম প্রস্রবণ,  
এই স্পর্শ—সংমর্দন, সৌরভ-সুরভি,  
এই চির প্রীতির আধার—উপবাসে  
ব্যর্থ কাম, ব্যর্থ হবে বিনা আলিঙ্গনে ?  
শ্রীদাম ! শ্রীদাম !

কৃষ্ণ। ছি— ( হস্তাকর্ষণে )

( গীত )

রাধা। ভুল ক'রে কেন এসেছ এ পথে ফিরে যাও, ফিরে যাও ।  
বয়সের সাথে সকলি গিয়েছে  
আমার বলিতে যা কিছু হে কাছে  
ছিল যা অতীতে আদর মাখানো  
সাজান' বাগান সারি !  
হেলায় সে ধন জঞ্জাল হ'য়ে  
নিখিলের অঁাখি বারি !!  
ভুল ক'রে কেন এসেছ এপথে ফিরে যাও, যাও ফিরি ॥  
অঁাখি পালটিতে যে সুখ স্বপন  
সবাকারে দিত পুলক চেতন  
সে এখন জড়—যোগীর আসনে  
ক্রম্প, ভয় না করি !

তথাপি ফিরিছে কি যেন কি আশে  
 দ্বারে দ্বারে ধ্বতি ধরি !!  
 ভুল ক'রে কেন এসেছ এ পথে ফিরে যাও, যাও ফিরি ॥

চতুর্থ দৃশ্য ।

পাণ্ডব কুটীর ।

জয়দ্রথের প্রবেশ ।

জয়দ্রথ । এইখানে দেখেছি মে নারী,  
 অপূৰ্ণ প্রভায় তার উদ্ভাসিত দিক্ ।  
 এই যে কুটীর এক, এখানে কি থাকে ?  
 এও কি সম্ভব ? পারিজাত নন্দন ত্যজিয়া ?  
 আমি রাজা, সিন্ধু অধিপতি—যুগাক্ষরে  
 জানে যদি—হবে না কি করায়ত্ত মোর ?  
 অপেক্ষায় কিবা প্রয়োজন ? সঙ্গোপনই  
 বা কি কারণ ? বহু নারী,  
 রাজা করুণা ভিখারী—আতিথ্যে কি  
 আপ্যায়িত করবে না মোরে ?—দেখি অগ্রসরে ।

( দ্রৌপদীর অভ্যস্তুর হইতে আগমন )

দ্রৌপদী । এই যে, পথ ভুলে হেথা ?

জয়দ্রথ । এ যে দ্রৌপদী, বাঃ ।

দ্রৌপদী । আসন আনিয়া দিই ! ( আসনার্থ গমন )

জয়দ্রথ । হ'ল ভাল, স্থানও নির্জন,  
 অভাবেই বোধ হয় এত অভ্যর্থনা ;  
 স্তব্ধ স্তব্ধ ।

দ্রৌপদী । ক্ষুদ্র এ কুটীর, উটজেই দিলাম বলিয়া  
 মনে যেন অন্তরূপ হয় না সন্দেহ ! ( আসন প্রদান )

জয়দ্রথ ! তা' বনভূমি আলোকিত না করিয়া হেন  
 সিন্ধুদেশ অধিশ্বরী হ'লে—

দ্রৌপদী । পরিহাস ;—সম্পর্কে শালাজ কিনা ।

অয়ত্রথ । রূপ তাকে বলে,—

অভাবের পীড়ন যেখানে

নাহি ক'রে ম্লান মুখপন্ন কভু !

(প্রকাশে) দেখি না যে কারে, সম্বন্ধীরা গেল কোথা ?

এখানেতে আর কারা থাকে ?

দ্রৌপদী । কতিপয় ব্রাহ্মণ ও শ্যালকেয়া তব ।

অয়ত্রথ । সকলেই ব্যস্ত কায়ে, তা' হোক ; ( বস্ত্রাঞ্চল ধরিয়া )

করেছিল দুঃশাসন বস্ত্র আকর্ষণ,

এ বোধ হয় হবে না তেমন ?

দ্রৌপদী । ( সহসা সারিয়া গিয়া ) ও কি !

অয়ত্রথ । এমন কি ক্ষতি, সত্যই যত্নপি হয় ।

দ্রৌপদী । ছি— ( একপ্রান্তে দণ্ডায়মানা )

অয়ত্রথ । তাও কি হয় ? ( দ্রুত করবেষ্টন )

দ্রৌপদী । কোথা কৃষ্ণ, কোথা লজ্জানিবারণ !

কোথা স্বামীগণ, কোথা—

অয়ত্রথ । এ যে দেখি বালিকা : মত সব ;

ধ'রেছিল রাধিকাচরণ,

ক'রেছিল মানভঞ্জন শ্রীকৃষ্ণ ।

কি বলিছ, বনবাস -- বনবাস নয় ?

এও কি বিশ্বাস আজ হইবে করিতে ?

দ্রৌপদী ! দ্রৌপদী !

( ভীমের প্রবেশ ও আক্রমণ )

ভীম । বিশ্বাস করায়ৈ দিতে

এখনও জীবিত পাণ্ডব,

রথ ল'য়ে আসিয়াছ দেখি একেবারে ।

( যুদ্ধিষ্ঠিরের প্রবেশ )

যুদ্ধিষ্ঠির । কর কি, কর কি ভীম ! দুঃশলার স্বামী,  
প্রাণে বধ ক'রো না উহায় ।

ভীম । ভাৰ্য্যাপহারীকে দিব কি শাস্তি এমন  
অন্য যা'—যোগ্যতা খ্যাতি র'বে চিরসাথে ?

যুদ্ধিষ্ঠির । ভীম ! ভীম ! গেল প্রাণ, কর ত্যাগ  
অধম চণ্ডালে, কমা সম গুণ নাই ।

ভীম । অর্জুন ! অর্জুন !  
দেখ কি অন্তায় জোষ্ঠ-অনুরোধ ।

অর্জুন । ভীত ত্যজ্য সর্বথা, সতত ।

ভীম । অর্জুন ! অর্জুন ।

অর্জুন । শীর্ষদেশে পঞ্চ স্থান করিয়া মুণ্ডন  
সমুচিত—পরিত্যাগ অধমে এখনই ।

ভীম । কি করিব, সনাতনের এক মত তাই ;  
নতুবা এ প্রাণ ল'য়ে ষাইতে হ'ত না ।

( তথা করণ ও পরিত্যাগ )

জয়দ্রথ । প্রতিশোধ দিব এর,  
শূলপাণি করি আরাধনা । ( প্রস্থান )

যুদ্ধিষ্ঠির । বুঝিতেছি—শিষ্যগণ বেষ্টিত দুর্কামা  
এসেছিল পাণ্ডবেরে করিতে ছলনা ;  
আর্তবন্ধু শ্রীকৃষ্ণ আসিয়া—কোনরূপে  
রাখিল সে মান, শাক্য কনিকামাত্র  
স্বয়ং উদরে ধরিয়া তুষিল সমষ্টি,—  
ইচ্ছা নাহি হ'ল আর পশিতে এখানে ;  
এত পূর্ণ, অম্লোদগার হইতে লাগিল ।  
তা না হ'লে ক্ষুদ্র স্থালী হ'ত কি সক্ষম,  
সমকালে করিতে সন্তোষ—ষড়শীতি

সহস্রসংখ্যক এই স্বাগত অতিথি ?  
নিশ্চয়ই এ দুর্ঘোষন-কল্পিত ঘটনা,  
ঘোষণাত্মক হ'তে হ'য়ে অপমান  
প্রতিশোধ আশে এই অভিযান,  
জয়দ্রথ ও তারই অনুচর ।

অর্জুন । এই হয়—অপাত্রে ক্ষমিলে ।

ভীম । তবে পুনঃ জয়দ্রথে কি হেতু অর্জুন !  
বর্জিত বলিলে তুমি অপদার্থ জেনেও ?

অর্জুন । তুচ্ছ সে মধ্যম ।

ভীম । শত্রু—শত্রু, ধ্বংসই বিহিত ;—অগ্নিকণা ।

অর্জুন । নির্ঝাপিত ঘাহা, তাহা ভস্মে অভিহিত ।

যুধিষ্ঠির । তথাপি যে দুর্ঘোষন—সহজে পশিতে  
দিবে রাজধানী, বিশ্বাস না হয় ইহা ।  
একাদশবর্ষও অতীত,—

( কুশহস্তে দ্রুত ব্রাহ্মণের প্রবেশ )

ব্রাহ্মণ । রক্ষা কর, আমার গন্থনদণ্ড  
এক যুগ শৃঙ্গে ল'য়ে করেছে প্রয়োগ,  
বৃক্ষসঙ্কে রেখেছিহু তাহা ।

যুধিষ্ঠির । নকুল ! শীঘ্র যাও,  
ব্রাহ্মণের অভীষ্ট অর্পিতে  
যুগের পশ্চাতে হও প্রধাবিত ।

নকুল । যথাদেশ তাত । ( ব্রাহ্মণ সহ গ্রন্থান ও  
অগ্নাত্তোর অভ্যন্তরে গমন )

-----

পঞ্চম দৃশ্য ।

গন্ধমাদন ।

সম্মুখে সুপ্রশস্ত সরোবর ।

যক্ষ । আসে নিত্য পাণ্ডবেরা পদ্য আচরণে  
অধিকৃত রাজ্যে মোর বিনা অহুজ্জায় ।  
উদ্ধত ভীমের প্রতি দৃষ্ট ব্যবহার  
প্রতিদিন জানায় আমারে, অহুযোগ—  
নব নব আসি অহুচর ; শিক্ষা তরে  
পাতিয়া রেখেছি ফাঁদ—বিষাক্ত সলিল,  
স্পর্শমাত্র হ'তে হবে শমন অতিথি ।  
আসিতেই হবে—ব্রাহ্মণের মনুষ্যও  
মৃগরূপে করেছি হরণ । [ পক্ষতারোহণ ]

( নকুলের প্রবেশ )

নকুল । যুগের পশ্চাতে করি নিয়ত ধাবন  
তৃষিত জীবন মোর ; পড়ি'কিন্থা মরি—  
এমনই অবস্থা । বাঃ বাঃ, কি সুন্দর সরোবর !  
নীলাশ্বর করি পরিধান, মনে হয়  
রসাতল-উখিতা জননী—বক্ষে ল'য়ে  
স্বচ্ছ স্নেহ-সলিল অনন্ত,  
সস্তানে করাতে পান উৎফুল্ল অন্তর ।

যক্ষ । সাবধান, করি নিবারণ—  
বিনা প্রয়োক্তর দান, ক'রো না সলিল স্পর্শ ।

নকুল । পিপাসার বক্ষঃ ফেটে যায়,  
ওনিলে আদেশ তব  
শূণ্য দেহ লুটাবে ধরায় ।

যক্ষ । না ওনিলেও হবে একই ফল ।

নকুল । কি বলিছ অলক্ষ্যবিহারী !

যক্ষ । সত্য যা তা' না করি গোপন  
কহিছু সাক্ষাতে এবে বিচার্য তোমার ;  
বিনা প্রশ্নোত্তর দান—

নকুল । মিথ্যা কথা ; প্রশ্নোত্তর দিলেই সলিল  
স্পর্শযোগ্য হবে, অগ্ৰথায় বিপদের  
সম্ভাবনা, এও কি সম্ভাব্য ? না—না ।

( বাক্য লঙ্ঘনে সলিলস্পর্শে দেহ জলে ভাসিতে লাগিল )

যক্ষ । শূন্য প্রাণ—ভাসিল সলিলে,  
কি করিব আমি তার । [পুনঃ অন্তর্ধান ]

( সহদেবের প্রবেশ )

সহদেব । কেহেনি ব্রাহ্মণ, ফিরিল না সহোদর,  
জ্যেষ্ঠ ভ্রাতা আদেশিল তাই, অশ্বেষিতে  
বনে বনে পদাঙ্কানুসরি । কি বলিছ,  
বিনা প্রশ্নোত্তর দান—স্পর্শমাত্র  
করিলে সলিল, প্রাণ হানি হবে ?  
ওকি ! ভাসে জলে সহোদর দেহ,—  
তোমার বাক্যের ছলে বিলম্ব করিলে—  
[ ঝম্পপ্রদান ও তথাবৎ ভাসমান ]

( সহস্র ভীমের প্রবেশ )

ভীম । শুনিলাম ভাসে তারা সরোবর জলে ;  
এই সেই সরোবর, এও শুনিলাম—  
স্পর্শমাত্র এই জল সমদশা হবে ।  
কি বা প্রশ্ন, রাশি রাশি উত্তর প্রদানে  
যে সময় অপচয় হইবে আমার,—  
সত্যই যে ভাসে দেহ, নকুল, নকুল,

( ঝম্পপ্রদান ও তৎসম ভাসমান )



( অর্জুনের প্রবেশ )

অর্জুন । কে বলিয়া করে উপহাস, দেবজয়ী  
আসিছে অর্জুন ? একি, ভাসে জলে  
দেহ পরম্পরা ! ভীম সম ভাই, সেও  
মৃত, ভাসমান জলে ! একি বৈদ্যাতিক,  
কিছা কোন দৈবশক্তি—

( আবিভূত যক্ষের বাধা প্রদান )

যক্ষ । ক'রো না—ক'রো না স্পর্শ কিছুতে সলিল ।

অর্জুন । শুনিতেছি একই কথা বহুক্ষণ হ'তে,  
প্রাণ ল'য়ে তব সাথে—করি যদি  
বাক্ বিতণ্ডা নিয়ত --

যক্ষ । এ হেন আয়ত্ত বিদ্যা বার্থতার স্তরে  
কেন ডালি দেবে অবহলে বচন আমার ?

অর্জুন । নহে তথা হিতৈষিতা, চতুরতা তব ;  
এখনো হয়তো পাব ফিরাইয়া প্রাণ,  
এখনো অস্তিম শ্বাস হয়নি নির্গত : ( ঝলপপ্রদানোত্তম )

যক্ষ । অর্জুন ! অর্জুন ! কে শোনে কাহার কথা ।

( অর্জুনেরও ঝলপদান ও ভাসমানদেহ )

চারি দেহ পরম্পর ভাসে  
ধর্ম, অর্থ, কাম, মোক্ষ যেন ;  
কেবা এই চতুর্কর্গ অধিকারী ?

( যুধিষ্ঠিরের প্রবেশ )

শান্ত, সৌম্য, সত্যই অপূর্ব ।  
নরদেব !

যুধিষ্ঠির । কি আদেশ ?

- যক্ষ । কিছুতে দিব না যেতে—বিনা প্রশ্নোত্তর  
দান, অপঘাতে সম বলিদান ।
- যুধিষ্ঠির । কি উত্তর অর্পিব তোমার, চরিতার্থ  
যাহে কুতূহল ? বাহিরিছি ভ্রাতৃ-অশ্বেষণে,  
বিফলে ফিরিলে—সমুদয় ক্ষতি মোর ।
- যক্ষ । শোচনীয় সে ঘটনা দেখিবার পূর্বে  
শুনে কর কথঞ্চিৎ দৃঢ়তা সঞ্চয়,  
মৃত তারা স্ব স্ব কর্মফলে ।
- যুধিষ্ঠির । কি বলিছ, মৃত তারা ?
- যক্ষ । এস মোর সাথে. প্রত্যক্ষ হ'বার পূর্বে  
প্রশ্নোত্তর ল'য়ে করি আলোচনা, অস্ত্রে  
দেখা হ'লে হ'তে পারে তা'দিগের সনে ।
- যুধিষ্ঠির । তথাপি সন্দেহ ?
- যক্ষ । যত্নপি সন্দেহ হই—
- যুধিষ্ঠির । যত্নপি অক্ষম হই,
- যক্ষ । বিচারান্তে সাব্যস্ত হইবে, সমফল  
উভয়ত্র যত্নপি বিহিত ; তথাপি কি—
- যুধিষ্ঠির । উচিত সর্বতোভাবে চেষ্টা সাধ্যমত ।
- যক্ষ । তবে এস ।
- যুধিষ্ঠির । এখানেই শুনি তার কতক আভাষ ।
- যক্ষ । কি উপায়ে লোক বুদ্ধিমান হয়, কেবা  
গুরু—পৃথিবী অপেক্ষা, এইমত বহু  
প্রশ্ন আছে,—পার যদি দিতে সত্বত্তর,—  
ভ্রাতৃগণ—
- যুধিষ্ঠির । চলুন, যেথায় যেতে হবে ।  
( উভয়ের প্রস্থান, পরে আগমনমাত্র )

না না. আর নাহি পারি বিলম্ব করিতে,  
ভ্রাতৃগণ মৃত জেনে—

যক্ষ । সন্তুষ্ট হয়েছি, চাহ যার ইচ্ছা প্রাণ ?

যুধিষ্ঠির । একটি ফিরিবে ? এমন তো কোন কথা—

যক্ষ । চাহ অগ্রে, দেখ ফল তার !

যুধিষ্ঠির । তাই যদি হয়, দাও আগে নকুলের প্রাণ ।

যক্ষ । বিস্মিত করিলে মোরে, এও কি সম্ভব ?  
শিয়রে শমন যার—আসন্ন সমর,  
চাহে সেইজন প্রাণ বিনা ভীমাজ্জুন ?

যুধিষ্ঠির । যক্ষ ! যক্ষ ! মাদ্রীর গচ্ছিত ধন ;  
আমি আছি—কুন্তী দেবী রয়েছে সপুত্রা,  
কিন্তু মাদ্রী সন্তানবিহীনা, ষষ্ঠপিও  
লোকান্তরে তিনি, করে তর্পণ প্রত্যাশা  
পুত্রপাশে জলবিন্দু চির অপেক্ষায় ।

যক্ষ । ধার্মিকপ্রবর ! কি বলিব অধিক তোমারে,  
পরম সন্তুষ্ট আমি তব ব্যবহারে ।  
দেখ চেয়ে হে ব্রহ্মাণ্ডবাসী !  
রাজ্য হ'তে কত বড় মৃতের তর্পণ ।  
লহ ভ্রাতৃগণ—প্রত্যাগত জীবন সবার, ( পুনর্জীবিত )  
লহ সেই মনুদণ্ড—  
যার তরে এ বিচিত্র পরীক্ষা তোমার ।

যুধিষ্ঠির । কে আপনি দেবদ্যুতি মূর্তিমান্ন নেহ ?

যক্ষ । আমি এই প্রদেশের নগণ্য রক্ষক ,  
আরও বলি—আমারি প্রভাবে  
বিরাটে অজ্ঞাতবাসে কেহ না বুঝিবে—  
তোমরা পাণ্ডব, আছ কাল প্রতীক্ষায় ।

অর্জুন । কে আপনি অবাচিত হিতৈষী, বাকুব ?  
বুঝিলাম দৈবংল সর্বাপেক্ষা বড় ;

যক্ষ । কেন দেবজয়ী, এ ভ্রাস্তধারণা ?

ভীম । নিশ্চয়ই এ দুর্ঘোষন কৃত ।

যক্ষ । নহে দুর্ঘোষন কৃত,  
স্বীয় ঔক্বেয় পুরস্কার ।

নকুল । সত্য তাত ! করেছিলেন নিষেধ ইনিই,—  
বহুপক্ষে—শুনি নাই আদেশ তথাপি ।

সহদেব । এই সেই জন,—  
আমিও শুনেছি যঁার নিষেধ বচন ?

অর্জুন । জনে জনে নিবারণ করিয়া ইনিই,  
করিবে না কোন কাণ্ড; সহসা কদাপি—  
শিক্ষা দেন, এই তার জলজ প্রমাণ ।

## দ্বিতীয় অঙ্ক ।

প্রথম দৃশ্য ।

বিরাট ।

( সুদেষ্ণা ও করধৃতবস্ত্রপ্রাস্তা সৈরিক্ৰী )

সৈরিক্ৰী । দীনা, অতি দীনা, পশিতে সঙ্কোচ ;  
যত্নপি করুণা কণা অর্পিতে রূপণা  
না হন রূপাখী প্রতি—

সুদেষ্ণা । কিন্তু তব রূপ দেখে হয় না সাহস  
অস্তঃপুরে স্থান দিতে, অস্তঃপুরযোগ্যা  
হ'লেও এ দর্শনীয় রূপের মাধুরী ;  
বিপ্লব কি সাধ ক'রে ঘটাব না বুঝে ?

সৈরিক্ৰী । আদেশের ব্যতিক্রম কিছু না করিব,  
যতটুকু পাব অধিকার, সেইমত দাবী  
নিষে—র'ব রাজোচিত মৰ্যাদা রাখিবে ।

সুদেষ্ণা । লোভনীয় এইরূপ—

সৈরিক্ৰী । সৰ্ব্বথা গোপনে—অলক্ষ্যে রহিব আমি  
যাতে—কারও মনে না হয় উৎকণ্ঠা সৃষ্টি ;  
বিপন্ন বালিয়া এত কাতর মিনতি  
করিতেছি বার বার, করুণা আধার  
রাণী,—শুনি লোকমুখে যথার্থ এ বাণী  
সার্থক করুন আজ্ঞাও অভয় প্রদানে :

সুদেষ্ণা । কথা শুনে মনে জাগে করুণা অপার,

সৈরিক্ৰী । কাণ্ডাবলীও দেখাতে না কার্পণ্য করিব  
জানি বাহা চিত্তান্ত রাজপ্রসাধন ;  
শ্রীকৃষ্ণ প্রেমসী সত্যভামা পাশে,  
পাণ্ডব গৃহিনী প্রৌপদীরও বহুকাল  
বেশ, কেশ করিতে সংযত, পরিপাটী  
কুমুম স্তবকে করি চিত্ত বিনোদন,  
অনুগ্রহ লাভে যাহা হয় নি বঞ্চিত ।

সুদেষ্ণা । শুধু বাক্য পরম্পরা প্রয়োগই যেখানে  
সখী ব'লে আলিঙ্গনে বাঁধা দিতে চায়,—

সৈরিক্ৰী । দাসী চাহে দাসীত্বেরই মাত্র অধিকার ।

সুদেষ্ণা । অত্যজ্য এ আকিঞ্চন—বিনা সমাদর  
বিফলে ফিরিয়া যাবে, এও কি সম্ভব ?

সৈরিক্ৰী । সে আশঙ্কা করিতে হবে না, রাজা হ'তে  
র'ব দূরে,—দিব না বেদনা কোন মতে,  
যাহে এ সারল্যময় আশ্বাস বচন

ভাগ্য প্রবর্তনে না হ'য়ে সহায়,  
হস্তারক রূপে দেখা দিবে কালচক্রে ?  
নাহি হয় প্রীতির সৃজন,  
অপ্রীতি কে—গড়িয়া তুলিতে চাহে ?  
তবে আমি রহিব এখানে ?

সুদেষ্ণা । রাষ্ট্রদেৱ অধিকার দিতে না পারিলেও  
আমার উপরে পূর্ণ রাষ্ট্রত্ব স্থাপন  
দিলাম তোমার করে আজি হ'তে ভাই ।

সৈরিন্ধী । অনুগত—অনুগত সদা ।

সুদেষ্ণা । বাক্য হ'তে প্রেম, প্রেম হ'তে আত্মীয়তা ।

[ উভয়ের প্রস্থান ]

( বৃহন্নলার প্রবেশ )

বৃহন্নলা । অস্তঃপুরে অবাধ সঞ্চারণ, কার্য্য মোর  
উত্তরার গৃহশিক্ষকের পদ, নৃত্য-গীতও  
শিখাই যতনে, অন্ত্রাণ্ড কার্য্যনাগণও  
আয়ত্ত করিতে আসে রাজকন্যা সহ ।  
বালিকার নানাদিকে নৈপুণ্য দেখেছি,  
ধৈর্য্য, নীতি—একাধারে সকলের স্থিতি—  
স্পর্ধাসহ বিস্তুতি লভিতে, পাত্ৰোৎকর্ষ  
শুণাধার—প্রচারে অত্যাতিরিক্ত ফল ।  
বিরাতের সৌঃশ্রাতিশয্যও দেখিয়া  
প্রীত, মুগ্ধ. সঙ্কতজ্ঞ অস্তুর সর্কদা ।

পটক্ষেপণ ।

অস্তঃপুর মধ্যভাগ ।

কি যেন কি শব্দ আসে, কি যেন কি  
চলিতেছে পুনঃ পুনঃ রুদ্ধ অমুরোধ ;  
কি যেন কি অত্যজ্য প্রণয়, অমুল্লজ্য  
অমুরাগ—অসম্ভব আনিলেও

প্রতিবাদে কিছুতে না হ'তেছে সক্ষম ।

কি হওয়া সম্ভব, জাগিছে আকাঙ্ক্ষা মনে ।

[ অন্তঃপুরাভিমুখে গমন ]

( বেগে সুদেষ্ণার প্রবেশ )

সুদেষ্ণা । না—না, কিছুতে যা পারিব না তাই বলি  
কেমনে তাহারে গিয়া ? ভ্রাতৃ-অনুরোধ,  
হোক ভ্রাতৃ-অনুরোধ ; জানি আমি তাঁর  
করে সমস্ত নির্ভর, জানি আ'ম বৃদ্ধ  
রাজার সম্বল, রাজ্যের দক্ষিণ হস্ত—  
ভাই মোর অমিত বিক্রম ; তথাপি এ  
নিন্দনীয় ঘৃণিত প্রস্তাব—কেমনে বা  
তার পাশে করি, যারে জানি—  
পতিব্রতা শিরোমণি—রমণী সর্বস্ব ?  
আমি যে পালিকা, সে যে আশ্রিতা আমার ;  
আশ্রয় আশ্রিতে যদি এ প্রকার ঘটে,  
পৃথিবী কি উলঙ্গ হবে না ? রাজ্য, রাজ্য,  
তথাপি কি র'বে রাজ্য মোর ?

[ অন্তঃপুরাভিমুখে গমনোত্তম ]

( সৈরিকীর প্রবেশ )

করি তোমা ভগ্নী হ'তে অধিক ঘটন,  
কিন্তু—

সৈরিকী । কি হেতু সঙ্কোচ এত, আমি যে কিঙ্করী ;  
আসিয়াছি কতদিন, জানিতে হয় নি  
আজও—আছি পরবাসে, পর অনুগ্রহে ।

সুদেষ্ণা । ছিঃ, আজি কেন তবে নূতন করিয়া—

সৈরিকী । কেন তবে হ'তেছেন বলিতে কুণ্ঠিত ?  
বলুন এখনি, না বলিলে ছাড়িব না ।

- সুদেষ্ণা । এত যদি আকিঞ্চন—না—না,  
সে যে বোন্ ! বলিবার নয়; জিহ্বা দ্বিগু  
উচ্চারিতে—স্পন্দন যে জড় হ'য়ে আসে।
- সৈরিক্কা । পর বুঝি চিরদিনই পর।
- সুদেষ্ণা । না—না, দাঁলতেছি; ভ্রাতা মোর রূপ দেখে—
- সৈরিক্কা । সাজাইয়া দিই ব'লে ?
- সুদেষ্ণা । থাম্ ;
- সৈরিক্কা । স্পন্দা দিলে বাড়াইয়া এই মতই হয়।
- সুদেষ্ণা । আমার নয় রে, তোর; শোন্.—
- সৈরিক্কা । এখনি করুন গিয়া বারণ তাঁহারে ;  
এ কথা দ্বিতীয়বার উচ্চারিত হ'লে,—  
পঞ্চ জন গন্ধর্ক আমার স্বামী—ক্রুদ্ধ হ'য়ে  
আক্রমিবে পুরী, সব ষাবে—ভ্রাতার তো  
হবেই বিনাশ; সর্বনাশ হবে আজই।
- সুদেষ্ণা । ফের যদি বলিস্ আপনি,  
গাল টিপে দেব তোর।
- সৈরিক্কা । ও কথা এখন থাক; এখনি যাইয়া  
সাবধান না করিলে, হয়তো তাঁহার  
শ্রুতিমাত্র এখনি ছুটিয়া—
- সুদেষ্ণা । সত্যই, না পরিহাস ?
- সৈরিক্কা । প্রভু, ভৃত্য সম্বন্ধটাও উঠে ষাবে ?
- সুদেষ্ণা । ওলো ! আমার গা' ষে কাঁপছে।
- সৈরিক্কা । কাঁপ'বারই কথা, এতদিন মুন খেয়ে  
আমিও না বলি যদি—
- সুদেষ্ণা । আমি যাই, আমি যাই আগে।

[ প্রস্থান ]



সৈরিক্রী । বুঝিতেছি সম্মুখে বিপদ ; উত্তেজিত  
লালসারে বাধা দিতে পারে. কিম্বা শক্তি-  
প্রত্যাঘাতে বিনা প্রতিকারে র'বে  
এমন তো বোধ না'হ হয়, পৃথক হ'তে—  
ঐ যায় স্ব মী জানাহয় রাখি । [ অনুগমন ]

( সুদেষ্ণার পুনঃ প্রবেশ )

সুদেষ্ণা । ভ্রাতা মোর শু'নল না, তবুও না  
হলেন নিরস্ত ; প্রতিদিন স অতাজা  
আকুল আগ্রহ, নানা ছলে গৃহে তাঁর  
চেষ্টা করি পাঠানার সম্মুখে পরিয়া  
তিনি হেঁচ উন্মাদ, চাই— চাই এহ  
নারী । ঐ, ঐ তার আর্তনাদ, আজ বুঝি  
হ'য়েছেন—আক্রামতে উত্তত তাহারে ;  
গেল, গেল সব গেল মোর ।

( সৈরিক্রীর প্রবেশ )

সৈরিক্রী । আর আমি যাব না ওদিকে, প্রতিদিন  
থাকেন গোপনে, পরিহাস হ'তে আজ—  
ভাবিলেও ভয় হয় মনে ।

সুদেষ্ণা । তুই কেন শোনই না কথা ; পাঁচ স্বামী  
বলিস্ এদিকে—

সৈরিক্রী । যদি টের পান ? শুনেছেন সবই তো ।

সুদেষ্ণা । না—না, কাষ নেই, কাষ নেই ;  
বলেছিও তাঁরে, তবু যদি—

সৈরিক্রী । প্রতিদিন উৎপাত অপেক্ষা, আমি যদি  
রাজীই হই,—

সুদেষ্ণা । তুই যদি রাজী হ'স,

সৈরিক্রী । কিন্তু তাঁরা অন্তর্ধ্যামা,—

- সুদেষ্ণা । না—না, কায নেই, কায নেই ।
- সৈরিক্কা । তবে কেন আপনিও আজ  
দিগেন সাজায়ে মোরে ?
- সুদেষ্ণা । দেখ্‌দেখি রূপখানা বারেক দর্পণে ।
- সৈরিক্কা । পড়ি যদি রাজারই সম্মুখে ।
- সুদেষ্ণা । আমার উপর হ'তে  
প্রভুত্ব না হয় হলে রাজ্যের উপরে !  
(স্বগত) সত্যই আতঙ্ক হয় মনে ।
- সৈরিক্কা । কি ভাবছেন ? আমি আজ সজোপনে—
- সুদেষ্ণা । না—না, রাজার কাছে নয় ।
- সৈরিক্কা । তবে রাজ-শালকেরই কাছে ।  
রাণী নিয়ে কি হবে আমার ?
- সুদেষ্ণা । তা' যদি হয় ; কিন্তু তুই  
বলেছিস্—যে ভয়ের কথা !
- সৈরিক্কা । অন্ততঃ গোপনে যদি—
- সুদেষ্ণা । তা' যদি পারিস্, তা' যদি পারিস্ ।
- সৈরিক্কা । হ্যাঁ, রাণীত্বের হানি হবে না, তা' স্থির ।
- সুদেষ্ণা । ( স্বগতঃ ) আজ আমি পূজা দেব ঘোশো পচারে,  
যদি রাত ভাল রূপে কাটে ।
- সৈরিক্কা । মানত করেন বুঝি দেবতা সকাশে ?
- সুদেষ্ণা ! ( স্বগতঃ ) এও দেখি অন্তর্ধ্যায়ী !  
কায নেই, কায নেই ।  
(পশ্চাতের বাক্যটির বাধা সত্ত্বেও উচ্চ কণ্ঠে বাহির  
হইয়া পড়িল, রাণীর এইমত ভাব হইল—বেন গমনোত্ততা  
সৈরিক্কাকে সত্যই নিবারণ করিতে উঠিলেন )

সৈরিক্ৰী । আপনি যত্নপি মোরে বলেন এ কথা,  
করেন নিষেধ ধনঃ—

সুদেষ্ণা । ( হতবিস্মিত ভাবে তাই বা কেমনে বলি,  
ভ্রাতা যদি —

সৈরিক্ৰী । এখনো বলুন ।

সুদেষ্ণা । উভয় সঙ্কট ;

সৈরিক্ৰী । বলুন, বলুন ।

সুদেষ্ণা । একদিকে রাজ্যনাশ, অন্যদিকে রাজ্যরক্ষা—

সৈরিক্ৰী । বলুন, বলুন ।

সুদেষ্ণা । চল, ভেবে দেখি ।

সৈরিক্ৰী । না—না, আর ভাবা নয় ; বলুন, বলুন ।

সুদেষ্ণা । চল তো এখন ; জগদম্বে !—

[ সূচ্যাস্ত হইল, ক্রমে ক্রমে এককারে ভরিয়া উঠিল ]

( বল্লভের প্রবেশ )

বল্লভ । আজি নিশা নিদ্রিষ্ট সঙ্কত,  
চুপি সারে অঃপুরে পাশিতে হ'তেছে  
আশ্রয় দাতার সনে কারি প্রতারণা ;  
নিরুপায়—হইয়াছে সহোঃ ও অতীত ।  
কণিত শয্যায় আশি করিব শয়ন,  
কল্লিত ষা—যথাকালে ।

( সন্তুর্পণে সৈরিক্ৰীর প্রবেশ )

কোথা যাও, বেশও কি হ'য়েছে তেমন ! ( উল্লাসহাস্ত )

সৈরিক্ৰী । চুপ, হয়তো নিদ্রাও নেই চোখে ।

ঐ মুক্ত অর্গলের শব্দ, থাকি অন্তরালে ।

( চক্ষু মার্জনা করিতে করিতে বাতায়ন সম্মুখে স্তূদেষ্ণা )

স্তূদেষ্ণা । নিদ্রা নাই আমারও নয়নে,  
শয্যাও কণ্টক ব'লে হইতেছে বোধ ;  
কাষ নেই, বাতায়ন রুদ্ধ করি পুনঃ । ( তথাকরণ )

সৈরিক্ৰী । এখনো জাগ্রত রাণী ; আমি যাই,—  
সঙ্কেত করিয়া আমি, সঙ্কেতের  
অর্ধ ঘণ্টা পরে আসিবার কথা । ( প্রস্থান )

বল্লভ । নারীতেও বীভৎস গা সমভাবে থাকে ।

( সৈরিক্ৰীর পুনঃ প্রবেশ )

সৈরিক্ৰী । তুমি আর বিবেচ্য ক'রো না, চল ; কিন্তু  
নিরস্ত্র এসেছ ! নিদ্রা নেই, দেখিলাম  
সশস্ত্র তাহারে—ভ্রমে পাদচারে ।

বল্লভ । তার জন্ম কোন ভয় নেই ;  
কিন্তু ভয় ও ভাবনা—পরে কি যে হবে ।  
( সৈরিক্ৰীর অস্থগমন, অর্গল উন্মোচন শব্দ, পরক্ষণেই  
ভীষণ আর্তনাদ, সৈরিক্ৰীর করাকর্ষণে প্রহরীর প্রবেশ )

প্রহরী । তুই কালভূজঙ্গিনী, তোমাকেও যেতে  
হবে—তার সাথে জীবন্তে করিব দাহ ।

সৈরিক্ৰী । আমি কি করিব ?—আসিয়া গন্ধর্ষ স্বামী  
করিল নিহত,—আমি কি করিব তার ?

প্রহরী । ক'রো না চীৎকার, দাহকার্য্য শেষ হোক ;  
ভিন্ন পথে ল'য়ে গেছে উপকীচকেরা  
মৃতদেহ করিয়া বহন, তুই চল ।

( সস্তূর্ণপথে বল্লভের প্রবেশ )

বল্লভ । নিয়ে যাক্, নিয়ে যাক্ ; অর্ধপথে  
করিব সকলি শেষ ; আমি ভীম, পবননন্দন ।

প্রহরী । চল, চল ।

বল্লভ । আমিও চলেছি সাথে !

[সৈরিকী সহ প্রহরীর প্রস্থান, বল্লভের অনুগমন ]

( সুদেষার প্রবেশ )

সুদেষা । ভ্রাতা গেল শুধু কি আমরা,  
সঙ্গে সঙ্গে রাণী নামও হইল বিলুপ্ত ;  
কে আর দেখিবে রাজ্য, কে করিবে  
শাসন তাহার, বৃদ্ধ রাজা অপারগ,  
উত্তরও অক্ষয়—অক্ষয়পুরই যোগ্য তার ।

( দ্বিতীয় প্রহরীর প্রবেশ )

কি আর শুনাবে শেষ সংবাদ প্রহরী ! (বস্ত্রাঞ্চলে রোদন)

প্রহরী । উপকৌচকেরাও সব হয়েছে নিহত ।

সুদেষা । কি বলিস্ ?

প্রহরী । উপকৌচকেরাও সব হয়েছে নিহত ।

সুদেষা । রাজ্য কি বাহিনী শূন্য ? দূর হ'য়ে যা ।

[ প্রহরীর প্রস্থান ]

( সৈরিকীর প্রবেশ )

এখানে হবে না স্থান, অন্যত্র দেখগে' ।

সৈরিকী । আর ত্রয়োদশ দিন,

এতদিন রেখেছেন চরণে যখন— ( পদতলে পতন )

সুদেষা । আর তোর মিষ্টবাক্যে ভুলিব না আমি,

এই দণ্ডে এ ভূমি ত্যজিয়া

চ'লে যা'—চ'লে যা' তুই ।

দ্বিতীয় দৃশ্য ।

বিরাট প্রাস্ত ।

উত্তর । তুমি যে অভয় দিয়ে নিয়ে এলে মোরে,  
আমিও এলাম নেচে শোমার কথায়,  
তুমি কি করিবে যুদ্ধ ?—একি নৃত্য, গীত ?  
না—এ বিলাস কানন ? অন্তঃপুর ?—যাহা  
বলা যায় তাই মাথা পেতে নেবে,  
বিশ্বাস করিবে—প্রতিদ্বন্দ্বীতীন  
দিগ্বিজয়ী বীর মোরা ? অস্ত্র, শস্ত্র কই ?

বৃহন্নলা । অস্ত্র, শস্ত্রও চাই নাকি ? কেন, বাহু আছে,  
মুখ আছে, অন্তঃপুরে রুদ্ধ শত শ্রোতা,  
এত'তেও নাহি হবে বীরত্বের খ্যাতি ?

উত্তর । না, আমি যাব না ।

বৃহন্নলা । অস্ত্র, শস্ত্র পেলেও যাবে না ?

উত্তর । না ভাই, ভয় করে বড় ।

বৃহন্নলা । সে কি, এত আক্ষফালন—  
উত্তরা যে বলিয়া দিয়াছে, চির বস্ত্র  
ল'য়ে যেতে,—করিবে পুতুল খেলা !

উত্তর । আর তো বেশী দূরও নেই,  
আসিতেছি যতই নিকটে—

বৃহন্নলা । ভয় নেই ;  
আমি র'ব রথী হ'য়ে সম্মুখে তোমার,  
যদিও সারপি ব'লে এসেছি সেখানে ।

উত্তর । ও, তুমি নাম চাও ।

বৃহন্নলা । না—না, তুমিই ছিলে রথী করিও প্রচার ।

উত্তর । এতো মন্দ নয়, শস্ত্র ?

বৃহস্পতি । বাও ওই শমীবৃক্ষে, ফিরিয়া এস না,  
শব দিয়ে আবৃত বলিয়া—মনে  
নাহি ক'রো করিতেছি আমি উপহাস ।

উত্তর । বৃক্ষক্ষেত্রে না গেলে আমার,

বৃহস্পতি । তাও হয় রণ জয়, তবে অন্তরালে থেকে ।

উত্তর । হয় রণজয় ? তবে আমি নিয়ে আসি ।

( বৃক্ষের নিকটস্থ হইয়া )

উঃ, কি দুর্গন্ধ ! তবে যাত্রা মন্দ নয় ;

শুনিয়াছি গল্পে—মেয়ে মহলেতে,

বামে শব দরশন শুভ, সুলক্ষণ ।

( অস্ত্রাদি আহরণ, কতিপয় রাখিয়া কতিপয় গ্রহণ )

ওঃ, রাশি রাশি, কি হইবে এত ?

বৃহস্পতি । (গ্রহণ করিয়া ) বৃক্ষ অস্ত্রে ঠিক এইমত,  
রাখিতে হইবে পুনঃ যথা সন্নিবেশ ।

উত্তর । (স্বগত) দেখে কিন্তু বোধ হয় বীর ।

বৃহস্পতি । হও অগ্রসর ।

উত্তর । চল । ( বৃহস্পতির প্রশ্নান ও উত্তরের অনুগমন )

পট পরিবর্তন । অপর প্রান্ত ।

( দুর্যোধনের প্রবেশ )

দুর্যোধন । দেখে নেব কেমন বিরাট ;  
ভীষ্ম, দ্রোণ—না হয় দিলাম ছেড়ে,  
গোধন হরণে তারা ছিল পরান্মুখ ।  
কিন্তু কর্ণ—সেও গেল পলাইয়ে ?  
দ্রোণাচার্য্য বলেছেন ঠিক,  
নিশ্চয়ই অর্জুন, উত্তরে পশ্চাতে রাখি  
নিজেই হইয়া রথী রণে অগ্রসর ।  
দেখে নেব, করেছে প্রতিজ্ঞা ভঙ্গ

যেতে হবে পুনঃ বনবাস,  
ত্রয়োদশ বর্ষ—ত্রয়োদশ বর্ষ। (প্রস্থান)

উত্তর। পালায়, পালায়. ধর—ধর।

অর্জুন। যেতে দাও, করিয়াছে সৌমাস্ত বর্জন  
পরাজয় কলঙ্ক লেপনে, আর কেন ?

উত্তর। (ধনুঃ পরামর্ষণে) এ কি ধনুকের গুণ ?  
অথবা তোমার ?—আমি তো না পাই ভেবে !

অর্জুন। বিস্মিত হয়েছ বুঝি ?

উত্তর। কিন্তু করি জিজ্ঞাসা তোমারে, বৃদ্ধকালে  
সে অপূর্ব রথ এল কোথা থেকে ?  
সত্যই বিচিত্র, আমি তো না পাই ভেবে।

অর্জুন। ভাবনা যা' ছিল তাহা দূরীভূত এবে ।  
তুমি যাও, বিরাতে সংবাদ দাও—রণজয়  
হয়েছে মোদের, শত্রু ত্যাগ করিয়াছে  
সৌমাস্ত প্রদেশ, আমি যাত্তেছি পরে ।  
শোন—নহি আমি ক্লাব. নতি বৃহন্নলা,  
আমি পার্থ ; কঙ্ক নামে যেই সভাসদ,—  
তিনি জ্যেষ্ঠ—যুধিষ্ঠির ; বল্লভ যে ভীম—  
সূপকার বেশে, নকুল ও সহদেব  
অশ্ব—গৌরক্ষকরূপে রয়েছে বিরাতে ।

উত্তর। (স্বগতঃ) এতদিন জানিনি এ কথা ! হেন নীচ কার্যে  
রয়েছে আবদ্ধ ? পিতারে বলিব গিয়া  
এই গৃহে উত্তরার বিবাহ অর্পিয়া  
আস্বায় সম্বন্ধ সূত্রে হইতে সম্বন্ধ ।  
এ ঋণ অপরিশোধ্য ; বিনা ধনজয়  
সত্যই এ রণজয় ছিল অসম্ভব ।  
এও কি সম্ভব, আমি তো না পাই ভেবে ।



অর্জুন । তুমি যাও, বিলম্ব ক'রো না,  
উল্লসিত কর সবে সুসংবাদ দানে ।

উত্তর । মহত্ব, বীরত্ব বুঝি থাকে সগ পাশে ।

( পশ্চাদ্ধলোকনে বার বার দেখিতে দেখিতে প্রস্থান )

অর্জুন । বিরাতের গোধন সমৃদ্ধি—ঈর্ষা মূল  
প্রত্যেক রাজার, এ সম্পদ ত্রিজগতে  
তুলনা বিহীন, যতৈশ্বর্য্য, সুখকর ।  
কাচকে করিয়া বধ  
কৃতজ্ঞতাহীনতার যেই পরিচয়  
দিয়াছিল আশ্রয়েরে আশ্রয় লভিয়া,  
কথঞ্চিৎ উপশম—সান্ত্বনা এখন ।  
আশ্রয় আশ্রিতে যদি এতমত হয়,  
ত্রিভুবনে কেহ আর না দিবে আশ্রয় ;  
কিন্তু এই পরের কারণে—সমুদ্রম  
আত্মীয় বিনাশে, মার্জনীয় কভু কি তা' ?  
কৃষ্ণ ! কৃষ্ণ ! ক্ষমা কর, আশ্রয়ের  
সম্মান রক্ষিতে, পালিতে আশ্রিত ব্রত,  
সম্মোহন শক্তির প্রয়োগে—অসম্ভবও  
হল রণজয়, উত্তরার তুষ্টি তরে  
ভীষ্ম বিনা লইয়াছি করে, বহুমূল্য  
বস্ত্র খণ্ড—ভিন্ন করি' সর্ব অঙ্গ হ'তে ।  
সম্মোহন শক্তি দেখে কোরব তখন,  
বুঝিল—নিশ্চয় ইহা পাণ্ডবের কায ;  
হিংস্র দুর্ঘোষন—কুট বুদ্ধি বলে তার  
ভাবিছে উপায় বহু, কি জানি কি হয় ?

তৃতীয় দৃশ্য ।

বিরাট-রাজসভা ।

সিংহাসনারূঢ় যুধিষ্ঠির ।

যুধিষ্ঠির । উঠে গেল একে একে সবে ; বলদেব,  
বাসুদেব, ক্রপদ, সাতাকি—এসেছিল  
যে সমস্ত অন্যান্য নৃপতি—পাণ্ডবেরে  
করিতে সহায়ভূতি অনন্ত কাপটো,  
চ'লে গেল সব সমবেত অস্তুরের  
আশীর্বাদ দিয়ে—অনিবার্য রণ জয় ।  
ধনঞ্জয়ও আশ্বাস বচনে—দ্বৈতবনে  
বলো'ছিল আশ্ফালন সহ, সমাগরা  
পৃথিবীর—রাজা আম'ক'রিব তোমা'রে ।

( অর্জুনের প্রবেশ )

অর্জুন । এখনও ভুলিনি সে পণ, ধর্মরাজ!  
এখনও অকুণ্ঠিত কর্তব্য পালনে,  
এখনো নিভীক কণ্ঠে দৃঢ়তা সহিত  
কহিতেছি—যতক্ষণ রহিবে গাণ্ডীব,  
যতক্ষণ তপ্ত রক্ত বাহিবে শিরায়,  
যতক্ষণ কৃষ্ণ সখা, যতক্ষণ এই  
জ্যেষ্ঠ পদে মতি—ভক্তি অচলা আমার  
কিছুতেই বিস্মৃত হব না, বীরশোভা  
বসুন্ধরা, কীর্তিলাক রাজ্য—সিংহাসন ।

যুধিষ্ঠির । বুঝো'ছ তা' বিরাটের আজ আচরণে ;  
যে বিরাট সুখ্যাতি গুনিয়া  
করো'ছিল নামিকায় অক্ষের প্রহার,  
যে বিরাট সিংহাসনে উপবিষ্ট দেখে  
ক্রোধে, ক্ষোভে জালায়া উঠিয়া, রক্তবাস্প  
তীর দৃষ্টিক্ষেপে চেয়ো'ছিল মোর প্রাত ;

সে বিরাট আজি স্বয়ং ধরিয়া করে  
বসাইল সিংহাসনে সাধরে যতনে,  
বৈবাহিক সম্বন্ধেও পরম কৃতার্থে ।

অর্জুন । কিন্তু ধোমো পাঠানো কি উচিত হয়েছে ?  
যেইজন পরাজিত গন্ধর্ষ সমরে  
শৃঙ্খলিত করে দাঁড়াইয়া নত শিরে  
মেগে নিল মার্জনা আপন, তার পাশে  
পুনঃ ভিক্ষা আকিঞ্চন—

যুধিষ্ঠির । ছি অর্জুন, উপকার ক'রে আশ্ফালন  
নিন্দনীয়, গহিত, কলঙ্ক আখ্যাপক ।

অর্জুন । হে পূজ্য, আরাধ্য ! মুখর করেছে মোরে  
বামনের চাঁদ ধরা দেখে, শাসিত যে—  
যে যদি শাসক পদে হয় অধিষ্ঠিত.—

যুধিষ্ঠির । ( আলিঙ্গনে ) অর্জুন ! অর্জুন !  
জানি তুমি বিশ্বজেতা বীর, জানি তুমি  
পরমাধ্ব ধন-অধিকারী, জানি তুমি  
পূজারী কৃষ্ণের—কর্ষের, ধর্মের ; ভাই !

অর্জুন । পূজনীয় ?

যুধিষ্ঠির । এ গর্ষ কি ভুলবার মোর ?

অর্জুন । আশীর্বাদ কারণই যে জানি ।

( বিহুরের প্রবেশ )

বিহুর । ধর্মরাজ ! ধনঞ্জয় !

উভয়ে । পিতামহ ! পিতামহ !

যুধিষ্ঠির । কি সংবাদ ?

বিহুর । আমি বিতাড়িত, বহিস্কৃত রাজধানী হ'তে ।

- যুধিষ্ঠির । কারণ ?
- বিদুর । পাগুবীয় পক্ষ সমর্থন ।
- যুধিষ্ঠির । শুধু সমর্থনে ? আমি জানি—এই যুদ্ধে  
অনুগ্রহ পাব না কিছুতে, কিন্তু পাব  
অশীর্ষাদ—যার কাছে তুচ্ছ সিংহাসন ।
- অর্জুন । যত দিন ইচ্ছা—থাকুন মোদের সাথে ।
- বিদুর । সবাসাচী !—হয় না কিছুতে তাহা ।
- যুধিষ্ঠির । জানি তাহা, আস নাই আশ্রয়ার্থে হেথা ;  
আসিয়াছ মনোবেদনা জানাতে,  
আসিয়াছ স্নেহাস্পাদে বোঝা'তে কেবল  
অক্ষমতা, অস্বাতন্ত্র্য সন্ধির ব্যাপারে ।
- অর্জুন । কিন্তু মোরা এতই কি অপরাধী,  
না পাব মন্ত্রণা কণা—
- বিদুর । অর্জুন যে বাঁধা প্রিয় ! তোমাদেরই পাশে ।
- যুধিষ্ঠির । কোথা যাবে ?
- বিদুর । তীর্থ পর্যটনে ; যদিও নিশ্চিত জানি—  
তীর্থ মোর এই স্নেহ সমবায়,  
তথাপি—
- যুধিষ্ঠির । পিতামহ ! পিতামহ ! বলিতে সাহস—
- বিদুর । অসম্ভব যুধিষ্ঠির, তুমি নাহি ব'লো ।
- অর্জুন । পতঙ্গ বোঝে না কভু,  
অগ্নি তার মৃত্যুর কারণ ।
- বিদুর । ছি অর্জুন !  
অবাধ্যতা হ'তে পারে বেদনাদায়ক ।
- যুধিষ্ঠির । ধোম্যের পৌছানো দেখে—
- বিদুর । শুধু কি পৌছানো,

বিনা রাজ্য প্রত্যর্পণ  
সন্ধি সর্ত্তে সম্মত তাহারা ।

যুধিষ্ঠির । অমুগ্রহ যথেষ্টই ; ফল ?

বিহুর । বিষময় । পৃজনীয়া ব্যাসদেবও  
বোঝাইয়া সাধামত প্রত্য্যক্ত গৃহে ।

যুধিষ্ঠির । ব্যাসদেবও অমুরোধে উক্তত, এ সত্য ?

বিহুর । শুধু অমুরোধ নয় ভবিষ্যের ছবি  
উন্মুক্ত করিয়া দিয়' অন্ধেরও সম্মুখে—

যুধিষ্ঠির । ব'লো না—ব'লো না আব, বুঝিয়াছি—

বিহুর । কে বালাল—অন্ধ নাহি দেখবারে পায়,  
অন্ধ দেখে আপন জীবন, কর্মফল  
অব্যক্ত ভীষণ ।

যুধিষ্ঠির । পিতামহ ! পিতামহ !

অর্জুন । বুঝিলাম—সমাচ্ছন্ন কুঞ্জটিকা ঘোর ।

বিহুর । ভারতের বক্ষে ষাহা র'বে কল্লাবধি ।

যুধিষ্ঠির । অবশ্য সম্ভাব্য যাহা, তাহা অনিবার্য্য ।

বিহুর । যুধিষ্ঠির ! গান্ধারীর শতপুত্র—  
সকলই যে সম স্নেহের আধার । ( চক্ৰমার্জনা )

অর্জুন । দিন পদধূলি, এই অশ্রুই  
দেখাবে গম্ভব্যপথে আলোকের রেখা ।

বিহুর । গাণ্ডীবী ! গাণ্ডীবী ।

অর্জুন । পিতামহ !

( কৃষ্ণের প্রবেশ )

কৃষ্ণ । পিতামহ । আমি কি কেহই নয় ?  
তীর্থে যাবে, সঙ্গে কেন আমাকে নাও না ।

বিহুর। এখানেও তুমি !  
কতরূপে আছ বোপে তুমি বিশ্বপতি ।

কৃষ্ণ। পাণ্ডব যে পেলো আশীর্বাদ,  
আমি কি পাব না কিছু ?

বিহুর। তুমি ধর্ম, তুমি জ্ঞান,  
কর্মময় জীবনের পান,  
কর্ম অঙ্গে দিই যেন চরণে অঞ্জলি  
কর্মফল—যাহা কিছু আমার বলিতে ।

কৃষ্ণ। তীর্থে যাওয়া হবে না তাব'লে ;  
দুর্যোধন পাঠায়েছে চতুর্দিকে চর,  
নিরে যেতে সান্ন্যাস মিনতি বচনে ।

বিহুর। কিবা নাহি জান, কিই বা না কর ।

যুধিষ্ঠির। কৃষ্ণ ! তুমি যে আবার ?

কৃষ্ণ। একাই কি তোমরাই আশীর্বাদ নেবে,  
আমি যে পেলাম এই আশীর্বাদ—  
যেথা ধর্ম, সেথা জয় এই আবিষ্কারে ।  
ধর্ম । ধর্ম !

বিহুর। হে প্রণম্য নরনাথ, নরের সারথি,  
তুমি কি কেবলই বন্ধ পাণ্ডবের সনে ?  
সূর্য্যরূপে তুমি দাও সর্বত্র কিরণ,  
জীবরূপে তুমি কর সদা অবস্থান,  
বায়ুরূপে আছ বোপে নিখিলের স্তরে,  
প্রাণাপান নামে খ্যাত বিশ্ব চরাচরে ।  
তুমি আদি, তুমিই অনন্ত,  
তুমি স্থিতি, তুমিই বিলয় ।

অর্জুন। সখা ! সখা !

যুধিষ্ঠির। বিপদবারণ, শেষ সম্বল জীবের !

বিদুর । অভূতের সমাবেশ, অভূত মিলন !  
 যদিও ত্যজিতে ইচ্ছা না হয় তিলেক,  
 তথাপি—আমি আসি । ( একদৃষ্টে অবলোকন )

যুধিষ্ঠির । ততক্ষণে প্রীতি,  
 যতক্ষণ আত্মীয় সন্নিধি ।

বিদুর । মায়া, মায়া ।

( প্রস্থান ও সকলের অনুগমন )

চতুর্থ দৃশ্য ।

মহেন্দ্র পর্বত ।

তপশ্চরণ রতা অশ্বা ।

অশ্বা । শীত, গ্রীষ্ম উপেক্ষা করিয়া, মুখে জল  
 নাহি দিয়া, বসিয়াছি তপঃ আচরণে ;  
 কাশীরাজ গৃহ হ'তে করিয়া হরণ,  
 যে বীর অধম—বীরত্ব অর্জন করি  
 পুরুষের ভূমিকা গ্রহণে, পুরুষেয়ে  
 দিয়া বিসর্জন—একটা জীবন ব্যর্থ  
 কবিল আমার, বিনা বধ তার—  
 শাস্তি নাই, শাস্তি নাই, ইষ্ট কিছু নাই ।

( ছদ্মবেশী মহাদেবের প্রবেশ )

মহাদেব । কে বালিকা ?—জিঘাংসারে তপঃ তুমি বল ?  
 উগ্রতারে দিয়া বিসর্জন, কিবা ইষ্ট  
 চাহ বরাননে ?

অশ্বা । কি দেখিছ রূপের এখন ? জীবনের  
 শেষ সীমার আসিয়া,—আসিয়াছ  
 ইষ্ট দিতে আজ ? একমাত্র ইষ্ট মোর—  
 মৃত্যু—মৃত্যু, প্রতি পল এত জালাময় ।

মহাদেব । ইহজন্মে পারিল না, জন্মান্তরে পারিবে সে ?

অম্বা । এক জন্মে নাহি হয় শত জন্মে হব ;  
তথাপি না আক্রোশ ত্যজিব, পাছে পাছে  
নিয়ত ঘুরিব, বধিব—বধিব তবু ।

মহাদেব । বৃথা যুগে সকলই বিফল হবে ।

অম্বা । কোথা গেলে হবে, কার দ্বারে গেলে হবে,  
সত্রাস্তক রাম হ'লে বলবান্ কেবা ?  
কেবা শক্তিমান—ভীষ্ম হ'তে ভীষ্ম যেবা ?

মহাদেব । আমি যদি দিই সেই বর ?

অম্বা । তুমি ! তুমি দেবে ? চাহিনা জানিতে তুমি ;  
তাই আজ আমিত্তে জাগাতে—করায়ত্তে  
রাখিতে সকল—বসেছি কঠোর তপে ।  
আর আমি শুনিব না কাহারও বচন,  
আর আমি আসন ত্যজিয়া—পরে দেবে  
এই প্রত্যাশায়—র'ব না নিশ্চিন্ত হ'য়ে।  
আর তুমিই বা কি করিবে তাহার ?  
ভীষ্ম ও পরশুরামে কুরুক্ষেত্র পরে  
ত্রয়োদশ দিন ব্যাপি যুদ্ধ আরোজনে  
পৃথিবী, দেবভাগে কাম্পিত করিয়া  
যে বিরাট্ বিভীষিকা কালের বক্ষেতে  
সৃজন করিয়াছিল কল্লাস্ত আভাষ,  
যারে ল'য়ে এই বিবাদের সূত্রপাত,  
কেবা আমি জানিবারে চাও,—আমি  
সেই অম্বা, প্রত্যাখ্যাতা কাশীরাজ সূতা ।

মহাদেব । ইচ্ছা মৃত্যু—ইচ্ছা তার জাগাতে হইলে  
শত জন্ম কর যদি তুমিও তপস্বী,  
নারিবে করিতে স্পর্শ কেশাগ্র তাহার ।



অম্বা । কে তুমি আমার মনে ব্যর্থতা আগাতে  
আমার উদ্দামবৃত্তি নিরোধ করিতে  
অকুরেই মূল উৎপাটনে—কাল হ'তে  
কালান্তক—মহাকাল দাঁড়ালে সম্মুখে ?  
মুখে বুকে সম হলাহল, আর নাহি  
হবে ফল, ফিরে যাও—ফিরে যাও তুমি ।

মহাদেব । ( স্বমূর্তি প্রকাশ করিয়া )  
বুঝিয়াছি আত্মনাশ সঙ্কল্প তোমার ?  
কিন্তু শোন—নাহি হ'ল নারীরূপে আজ,  
না হবেও নররূপে নিধন কদাপি ;  
যদি পার—নপুংসক হ'য়ে ।

অম্বা । তাই,—তাই । ( দ্রুত অগ্নিতে আত্মাহুতি দান )

মহাদেব । কে বলিল—নারী শুধু কোমলতা সার,  
বিভীষিকাও থাকে সেথা সমভাবে ;  
অম্বা ছিল তেজস্বিনী নারী,  
তাই তার হ'য়েছিল আত্মার উদ্বোধ ।  
এই মত কত শত আত্মার অজ্ঞাতে  
হ'তেছে যে প্রকৃতির ক্ষুদ্র বিপর্যয়,  
বোঝে সে তখন—যখন সে চ'লে গেছে  
অতীতের পথে, দীন হ'য়ে—আশা ল'য়ে  
আপনারই হাতে গড়া অপূর্ণ গহ্বরে ।  
অম্বা ! অম্বা ! ক্রপদ গৃহেতে জন্ম  
হবে তব শিখণ্ডীর রূপে, কুরুক্ষেত্রে  
হবে বাহা স্মারক, জাগ্রত ।

পটক্ষেপণ ।

বনপথ ।

শিখণ্ডী ও ক্রীকষ্ণ ।

ক্রষ্ণ । কে তুমি বালক, কে তুমি বালক ?

শিখণ্ডী । ঋপদ নন্দন আমি ।

কৃষ্ণ । কি দেখিছ, কি ভাবিছ উদাস নয়নে ?  
কি পুনঃ নূতন আশে নূতন আগ্রহে—  
হিরণ্যবর্ষার কন্যা পাইয়া গৃহিনী,  
জনশ্রুতি শুনি চলেছ অনন্ত মনে  
উন্মুক্ত করিতে আত্ম-জীবনী বিচিত্র ?

শিখণ্ডী । কে আপনি সর্ব্ব অন্তর্ধ্যামী ?

কৃষ্ণ । প্রয়োজন হবে তোমা কুরুক্ষেত্র রণে ;  
ভীষ্ম সনে বাঁধিবে বধন রণ, বধন সে  
হৃষ্মদ, অপরাঙ্কয়ে ইচ্ছামৃত্যু রথী  
প্রতিদ্বন্দ্বী হ'য়ে রুধি পাণ্ডবের গতি  
দাঁড়াইবে শালপ্রাংশু সম অতিকার ।

শিখণ্ডী । কি হেতু নীরব দেব ?

কৃষ্ণ । যাও তুমি চলেছ যেথায়  
দিবে যক্ষ দেহ বিনিময়, পাবে পুংসু,  
আশা যাহা অন্তর নিহিত ।

শিখণ্ডী । কে আপনি—আপনা দেখিবামাত্র  
পূর্ব্বস্মৃতি—আত্মবোধ হতেছে আমার,  
আমার কি জন্ম তবে প্রতিহিংসা নিতে ?

কৃষ্ণ । পাবে পরিচয়, বধন সময় হবে ;  
এই মাত্র জেনে রাখ—তুমি আদরের,  
বড় আকাঙ্ক্ষার ঈপ্সিত অভীষ্ট সম । ( শিখণ্ডীর প্রস্থান  
এ বালক ছিল পূর্বে  
অম্বা নামে কাশীরাজ গৃহে,  
লভেছে ঋপদ গৃহে জন্ম পুনরা<sup>৩</sup> ।  
জানে সে ঋপদ নপুংসক ব'লে,  
জন্মাবধি রাখিয়াছে পুরুষের বেশে ।

হরেছে সে গুপ্ত রহস্য প্রকাশ,  
 তাই এ বালক— চলেছে একাগ্র মনে ;  
 এখনো রয়েছে সেই পূর্ণ একাগ্রতা ।  
 সেই দীপ্তি, প্রচ্ছন্ন অনল—প্রত্যাগতে  
 দ্রোণাচার্য্য পাশে—শিথিবে শস্ত্রাদিবিজ্ঞা,  
 কালে রথী নাম করিবে অর্জুন,  
 করিবে নিপাত ভীষ্মে,—বিস্মিত পৃথিবী ;  
 এরি জ্যেষ্ঠ ধৃষ্টদ্যুম্ন দ্রোণের সংহারী ।  
 এই দুই পুত্র, আর দ্রৌপদী কৃষ্ণারে  
 লভেছে ক্রপদরাজ বজ্রারক করি;  
 এই তিনই পাণ্ডবের প্রধান সহায় ।

[ প্রস্থান ]

( যক্ষানুচরের প্রবেশ )

( গীত )

বক্ষানুচর ।

আরনা দেখি কেমন জোর !

কেমন জেদ ও সাহস তোর !!

ধরবো বধন কোমর বেড়ে

থাকতে হবে গলা ধ'রে

অঙ্গে অঙ্গ মিলিয়ে যাবে

আমার আধা—আধা তোর !!

এই বে বসন উত্তরীয়ে

গেঁট বেঁধে দেয় নন্দ দিবে

সাক্ষী রেখে আগুন জলে

তোমার নোচেয়—আমার ওপর !!

পলে পলে অভিমান

কারণ বিনা অভিমান

হচ্ছে কলে দুটি প্রাণে

পান্‌সে ঝ'রে একেই তোর !!

হী

হ'ল ভাল, একজনে উপকার ক'রে ;

কলে, অভিশপ্ত হলাম প্রভুর পাশে—

স্বীকৃপে বিহর তুমি যাবৎ শিখণ্ডী ।

সত্য আমি মারামক্তি দিয়েছি তাহারে,

পুরুষ করিছি অর্পণ, তা'তো হ'ল.  
 কিন্তু অর্দ্ধাঙ্গিনী—বিরহিনী হ'য়ে  
 কেমনে যে এই দীর্ঘকাল—র'বে একা,  
 না যদি থাকিত এই দাম্পত্য বন্ধন ।  
 একে তো প্রথম হ'তেই অভিমান নিয়ে  
 কেটে গেল যৌবনের উদ্দাম প্রবৃত্তি.  
 এবে পরিণতি কালে এই অভিশাপ,  
 প্রেমসীর উপহাস, আমার দুর্কৃষ্টি ;  
 কিই বা করি, অপেক্ষায়ই থাকা যাক ।  
 আহা, বালকের সেহ সুন্দর বান,  
 সেই একাগ্রতা আরাধন, মনে হ'লে—  
 থাক, স্থখা হোক ।

[ এহান ]

পঞ্চম দৃশ্য ।

মথুরা ।

রাধা ও তৎসখীগণ ।

সখীগণ ।

( নৃত্য ও গীত )

মোরা কি অমৃত অধিকারী !

বাহা চাহে মন করি তা' অবাধে

নয়নে শয়ন স্মরি !!

চোখ চেয়ে দেখা বুঝি বা অপেক্ষা

চোখ বুজে দেখা পরম স্কৃতি

চোখে দেখা ধন ক্ষয়েরই কারণ

বেদনা—বক্ষ বিদারি !

চোখের অতীত সে ধন শাখত

অবিকৃত—ব্যথাহারী !!

চরণেতে আর দিব না অঞ্জলি

পূজা ব'লে হ'রি কুসুম স-কলি

ব্যথা দিয়ে একে ব্যথা দূর আশে  
 বঞ্চনা সার করি!  
 দেখে শুনে তাই ব্রজের গোপাল  
 ড়য়ারে ড়য়ারে ভিখারী!!

রাধা । তোরা তো আছিস বেশ,  
 কিন্তু আমার যে কি জালা,  
 মনে পড়ে সেই শ্রীদামের অভিশাপ,  
 শতবর্ষ বিরহিনী হ'য়ে  
 ঘুরিতে ফিরিতে হবে দীপ শিখা ধ'রে ।  
 বিরজা ! বিরজা ! তোর মনে ব্যথা দিয়ে,  
 তোরে করি— প্রণয়ে বিচ্ছেদ, স্রোতঃরূপে  
 বহাঠয়ে, আমার এ দীন দশা আজ ।

সখী । তা সত্যি, আগোদে ডুবিয়ে রাখতে আমরা যে এত  
 প্রয়াস পাই, তবুও এত তুচ্ছ তাচ্ছিল্য, হেনস্তা ? আমরা  
 যে দাসী ।

রাধা । তোরা দাসী, তোরাই যে ঐশ্বর্য্যাদিকারী ;  
 প্রকৃত প্রেমের যদি স্বার্থ দ্বান্দ্বাদ  
 পেয়ে থাকে কেউ ত' তোদের ব্যক্ত এই—  
 ভাব ও ভাষার ছন্দে অব্যক্ত লহরী ;  
 সত্য সখী ! জীবন ইহাট ।

সখী । তবে আমরা এলে আগাদের তাড়িয়ে দাও কেন ?

রাধা । কেন দিষ্ট, কি বলবো ? এক কথায় বলতে গেলে তোদের  
 আশা অল্প, আমার আশা অনন্ত, তোরা অল্পে সন্তুষ্ট হোস্,  
 আমার সম্মুখে ব্রহ্মাণ্ডটা ধরলেও আমি যে তৃষিত, সেই  
 তৃষিতই । তোরা ফিরে যা, তোরা মনে করিস্—চাঁদের  
 কিরণ আর কথার অমৃত ঢাললেই চিত্তের সন্তোষ উচ্ছলিত  
 সমুদ্রবক্ষের মত, অনল স্পর্শে দুষ্করাশিরই মত সমধিক  
 ক্ষীত হ'য়েই উঠবে ।

সখী । তবে আমরা ফিরে যাই ?

রাধা । যা, যা, কতবার বল্‌বো, যা ।

সখী । আস্‌বার সময় হয়েছে কি না !

[ পশ্চাৎ কটাক্ষে সকলের প্রস্থান ]

( গীত )

রাধা । অমৃত অমৃত ব'লে পাগল সকলে শুনি  
কোথা এ অমৃত আছে

জেনেও তবু না জানি

খুঁজি খুঁজি করি জীবন পাসরি

জীবন অন্ধে পুনঃ !

নূতন ধরিয়া আসিব জগতে

আমি যে কে সেই পুরাতন !!

কেহ মনে করে দেহ ব্যাধির আধার

কেহ মনে করে চির স্নেহ পারাবার

কেহ দিতে চায় অকালে বিদায়

কেহ রাখে কালে ধ'রে !

কেহ যায় দীপ নিৰ্কাণ ক'রে

কেহ পথে আলো ধ'রে !!

( কৃষ্ণের প্রবেশ )

কৃষ্ণ । প্রিয়ে ! এ কি গীত, এ নিৰ্কাণ উচ্ছ্বাস কেন ?

রাধা । না, এইদার বাঁধ্‌বো, পেয়ে পেয়েও যখন স্থির থাকি  
পারিনে, স্থির রাখতে পারিনে, তখন না পেতে  
যাতে স্থির থাকি—জগতের এমন কঠোরতা সব  
বেছে অঙ্গ আভরণ কর্‌বো, যাতে কলঙ্কিনী অপবা  
প্রতিহত হ'য়ে তরল প্রবাহে ব'য়ে যাবে ।

কৃষ্ণ । রাধা । রাধা ! কলঙ্কিনীই যদি হবে, তবে অপবাদ  
তার সঙ্গে থাকবে কেন ? এ কলঙ্ক আদর্শের ।

- রাধা । কলহও আদর্শের—শুনলে লোক হাসবে না ?
- কৃষ্ণ । অপবাদ শব্দেও কি বুঝবে না ?
- রাধা । তাই, তাইতো চলেছি, অবাধ প্রবাহে চলেছি, চরণে কঠোর নিগড় দিয়ে বাঁধতে চেষ্টা করলেও চলেছি ।
- কৃষ্ণ । তাইতো এত অগ্রসর হ'য়েছ, পশ্চাতের দিকে ফিরে চাইলে কি গন্তব্যে পৌঁছাতে এত শীঘ্র পারতে ?
- রাধা । অগ্রসর হয়েছি, না পেছিয়ে পড়েছি ? অজ্ঞান পরিহার করেছি, না বাড়িয়েছি ? তোমাকে যে কেন লোক বিশ্বাস করে ?
- কৃষ্ণ । তুমি কর না ?
- রাধা । আমি করি, করি ব'লেই তো বলছি—পাব পাব ক'রে ছুটে না গিয়ে পেয়েছি পেয়েছি ব'লে ছুটলে ধরা দিতেই ব ; চোর !
- কৃষ্ণ । ধরা দিতে কি কেউ চায় ?
- রাধা । না, চায়—মজিয়ে মজা দেখতে ।
- কৃষ্ণ । কলহাস্থরিতা, ক্রুদ্ধা । গোলোকের বিরজা থেকে আরম্ভ ক'রে রুশ্বিনী, সত্যভামা প্রভৃতি সকলেরই উপর যে একটা বিদ্রোহ পোষণ ক'রে আসছে—
- রাধা । আমি তাদের প্রতি বিদ্রোহ পোষণ করি নি ।
- কৃষ্ণ । না, আমি ভুল করেছি, আমারই উপর করেছ ।
- রাধা । তুমি শঠ, প্রবঞ্চক ; তোমার উপর করতে গিয়ে আমি আমার নিজেরই উপর করেছি ।
- কৃষ্ণ । অভিমানিনী !
- রাধা । ভুল ভেঙ্গেছে, চোখ ফুটেছে, আর আমি মুখের আদরে—
- কৃষ্ণ । আমি কোথায় বাব ? আর তো সে বয়স নেই—“দেহি পদপদ্মবমুদারং” ব'লে জগৎ হাসাব ?

- রাধা । না, কুরুক্ষেত্রে শত শত নরশোণিতে ধরণীবক্ষঃ রঞ্জিত  
ক'রে—প্রাবিত ক'রে পাষণ হ'তেও পাষণত্ব অর্জন  
করবে ।
- কৃষ্ণ । সবই কি আমি করি ?
- রাধা । দুর্ঘোষন এসেছিল, তাকে নারায়ন সেনা দিয়ে পাণ্ডবের  
পক্ষ নেবার জন্যই পক্ষপাতিত্ব ক'রে—
- কৃষ্ণ । আমি যে আগেই অর্জুনকে দেখেছি ।
- রাধা । দুর্ঘোষন আগে আসে নি ?
- কৃষ্ণ । সে আমাকে চায় না, আমার সমযোদ্ধা অসুত সংখ্যক  
নারায়ন সেনাকেই স্বেচ্ছায় বরণ ক'রে নিয়েছে ।
- রাধা । তাদের পরস্পর মৃত্যুর উপায়ও তো বিহিত ক'রে  
রেখেছ ।
- কৃষ্ণ । তা' রাখতে হ'য়েছে 'ব'কি ।
- রাধা । সাথে কি আর শঠ বলে ।
- কৃষ্ণ । এট মাত্র তো বললুম—পিছনের দিকে না তাকিয়েই ছুটেছ,  
আমিও তো তোমাকে ছেড়ে নয় ।
- রাধা । মুখে আকাশের চাঁদ হাতে দিতে এমন ষোড়া যদি দ্বিতীয়  
থাকতো ।
- কৃষ্ণ । দুর্ঘোষন কলির অংশ, এট কলির প্রভাব রোধ করবার  
জন্যই কুরুক্ষেত্র । কিন্তু ভাবনা, সমগ্র পার্শ্বিক শক্তি একত্র  
হ'য়ে অষ্টাদশ দিন ব্যাপি যে লোমহর্ষণ ব্যাপার সংঘটিত  
হবে, ভীষ্ম ও পরশুরামের ত্রয়োদশদিনের দুটি শক্তিরই মাত্র  
প্রবল সংঘর্ষে দেবগণ সম্মুগ্ধ, চঞ্চল হয়েছিল, পৃথিবী টলান-  
মান—বাসুকী অবনত হয়েছিল । বাসুকীর আধার কচ্ছপ,  
কচ্ছপের আধার বায়ু, বায়ুর আধার আমি,—আমি  
পর্যন্ত এতে এমন উদ্বিগ্ন হব,—



- রাধা । বে ভীষণ সমরে সব যাবে, মরুভূমি হবে ।
- কৃষ্ণ । সে দিকেও পাষণের খ্যাতি অর্জনে কেন আর থাকি  
থাকি ?
- রাধা । না, তাও কি হয় ; অষ্টাদশ দিনেই তাকে নিঃশেষ কর্ত্তে  
হবে ।
- কৃষ্ণ । পৃথিবী সমুদ্র, অমৃত জন-মন, মস্থনরও রিপুসমুদ্র,  
রজ্জু বিবেকাদি ।
- রাধা । আর প্রয়োজক তুমি ।
- কৃষ্ণ । যুরিয়ে ফিরিয়ে সেই একই কথাই, এস ।
- রাধা । এ যে কি ! ( বাহ্যবেষ্টনে প্রহানোত্তম )

ষষ্ঠ দৃশ্য ।

শিবির ।

অস্ত্রসজ্জায় রত ভীষ্ম ও বিদুর ।

- ভীষ্ম । বিদুর ! বিদুর !  
না এসেও পারিলে না তুমি, আর আমিও—  
রতিলাম পাশে বন্ধ আমরণ দেখি ।
- বিদুর । তথাপি যে কাল রণ—
- ভীষ্ম । করিতেছি তথাপি প্রতিজ্ঞা,  
প্রতিনিঃ দশ সহস্র অধিক  
করিব বিপক্ষ সৈন্য বিনাশ নিশ্চিত ।
- বিদুর । ওই কৃষ্ণ পাঞ্চজন্য বাজায় ফুৎকারি,  
ওই ধনঞ্জয় দেবদত্ত করে  
মুহূর্ক্ষু হু উচ্চ নিনাদ ঘোষিছে,—  
করিছে আহ্বান রণে কৌরবে বিদারি ।
- ভীষ্ম । সত্য ইহা, ধনঞ্জয়-বিপক্ষে দাঁড়ানো  
কৌরবের সাধ্যের অত্যন্ত ; কিন্তু আমি

প্রত্যাবৃত্ত নাহি হব রণে, শিখণ্ডীয়ে  
 যদি নাহি চেরি—চলিবে নৃশংসকার্য  
 ঠিকই সমভাবে ; হউক পাণ্ডব,  
 তথাপি কার্পণ্য নাহি, নাহি কাতরতা ।

বিদুর । দেখে ইহা বুঝিতেছি বেশ ;

ভীষ্ম । কি দেখিছ এমন এখন ?

দেখিবে তখন—যখন বিপক্ষ মাঝে  
 উন্মুক্ত কৃপাণ করে মত্ত করি সম  
 করিব কদলীবৎ ছিন্ন তিন্ন সব ;  
 একা বৃদ্ধ শত হ'য়ে দাঁড়াবে সন্মুখে ।  
 তুমি যাও, দুর্যোধনে করত নিষেধ,  
 সে যেন আসিরা আর বারে বারে মোরে  
 নাহি করে বিরক্তির প্রদাহ জালায়ে  
 আরও ফুর, উত্তেজিত—শত্রু বধ শীঘ্র  
 হবে ব'লে, আমি জানি অস্ত্রের সমরে  
 শাস্ত্রনন্দন ভীষ্ম দৈব-অমুগ্রহী ।

( দুর্যোধনের প্রবেশ )

দুর্যোধন । পিতামহ ! পিতামহ !

ভীষ্ম । আবার ! আবার !

দুর্যোধন । শুনিতেছি, পাণ্ডবেরা নাকি—  
 আসিতেছে বৃদ্ধের প্রারম্ভে  
 পিতামহ পদধূলি নিতে ?

ভীষ্ম । তারা সৎ, সততার তাই অনুরাগী ।

দুর্যোধন । (স্বগতঃ) এই বৃদ্ধ সেনাপতি মোর !

ভীষ্ম । দুর্যোধন ! সন্দেহ ক'রো না মোরে ;  
 ভীষ্মের শপথ বিশ্বে কত শক্তি ধরে,  
 আজি কি নূতন ক'রে পরিচয় তার

দিতে হবে পরীক্ষার নিকষ পাথরে ?  
তুমি যাও, জেনো—নির্ম্মম যুদ্ধার্থী ভীষ্ম ।  
(ভীষ্মের প্রস্থান, বিহ্বরের অনুগমন, নেপথ্যে  
হৃন্দুতিধ্বনিও বেগে অরুদ্রধ্বরের প্রবেশ)

অরুদ্রধ্ব । কোন চিন্তা নাই হৃষ্যোধন,  
নিমেষে পশিবা মাত্র পিতামহ তব  
অযুত শত্রুরে করি বিধ্বস্ত ভূতলে  
আচ্ছন্ন করেছে দিক্ শরজালে ভরি

হৃষ্যোধন । অরুদ্রধ্ব ! অরুদ্রধ্ব !  
আত্মীয়স্বজনে সবে—  
দেখা হ'লে বিপদের কালে  
কি আনন্দ হয় ভাষা কি জানাবে ?

অরুদ্রধ্ব । একাদশ অক্ষৌহিনী করেছ সংগ্রহ,  
পৃথিবীর খ্যাত বীর সমাগত সবে,  
কর্ণ, শল্য, সোমদত্ত তনয়, অন্তান্ত  
প্রাণ তুচ্ছ ক'রে অবতীর্ণ রণে,—  
র'বে জয় কতক্ষণ ত্যজি হৃষ্যোধনে ?  
ওঠ শুন ভীষ্মদেব সিংহনাদ স্বনে  
সৈন্যগণে উদ্ভেজিত, উৎসাহিত করি  
চির শুভ্র কর্ত্তিধ্বজা শুভ্র শীর্ষে ধরি,  
বার্কিক্য ও অবসাদ আধার না মানি  
পুনঃ পুনঃ হানিছেন কোদণ্ড শায়ক,  
বক্ষোভেদে অরাতির নিরস্ত হতেছে ।  
এইভাবে যুদ্ধ হ'লে—  
পাঁচ দিনও লাগিবে না,  
কর্ণ বাহা বলেছিল দস্ত পুরঃসরে ।

হৃষ্যোধন । ওকি, ওকি ওঠ,  
সহসা কেন বা হেন সময় নিবৃত্তি !

গাণ্ডীবী গাণ্ডীব তাজি বিষয় কেন বা!  
কি যেন বলিছে কৃষ্ণে কাতর বচনে—

জয়দ্রথ । বুঝি বা হয়েছে ভীত ।

দুর্যোধন । তাও কি সম্ভব, তাও কি সম্ভব ?  
সত্যইতো, রথ হ'তে অবতীর্ণ হ'য়ে  
শোকাচ্ছন্ন ভাবে করে  
পুনঃ পুনঃ কৃষ্ণেরে মিনতি । জয়দ্রথ ! জয়দ্রথ !  
সন্ধির প্রস্তাবে—কিছুতেই সন্মত হব না ।

জয়দ্রথ । হেরি সৈন্ত সমাবেশ, বিরাটবাহিনী,  
বিচিত্র কি—শোকাকুল হইয়া পাণ্ডব  
আত্ম সমর্পণে হবে উদ্‌ব্যস্ত এখনি ।

দুর্যোধন । প্রতিশোধ, প্রতিশোধ ।

জয়দ্রথ । আমিও সঙ্কল্প স্থির ।

দুর্যোধন । ওহ শুন বলিছে অর্জুন—  
চাহিনা সমৃদ্ধ রাজ্য,  
চাহিনা উন্নত পদ, স্বর্গ সিংহাসন,  
চাহিনা বিজয়ী নাম, স্বধর্ম অক্ষত ।  
একা কৃষ্ণ কতক্ষণ র'বে ? কতক্ষণ  
যুঝিবে সমরে? আছে তার প্রতিদ্বন্দ্বী  
নারায়নী সেনা, এই নারায়নী সেনা—  
অমৃত, অসংখ্য, তারই দত্ত ধন ।

জয়দ্রথ । দুর্যোধন ! দুর্যোধন ! শত্রু দিগে  
শত্রু উৎপাটন, চমৎকার—চমৎকার ;  
ভেদনীতি সত্যই সুসার ।

দুর্যোধন । আর কে করিবে রণ, ওই দেখ—  
সমর নিরুত্তি তরে উচ্ছিত পতাকা ।

জয়দ্রথ । রণজয়, রণজয় ।

হর্ষোথন । উজাস, উজাস, আঙ্গুস সে শৃঙ্খলিত ;  
হাঃ হাঃ হাঃ হাঃ ।

---

## তৃতীয় অঙ্ক ।

প্রথম দৃশ্য ।

হস্তিনা ।

ধৃতরাষ্ট্র । সব গেল, সব গেল ; ধৃতরাষ্ট্র শত  
পুত্রের জনক—নাম মাত্র অবশিষ্ট,  
চিহ্ন না রহিল ; সব গেল, সব গেল ।  
পাণ্ডবও প্রিয়পাত্র—বড় প্রিয়পাত্র,  
কোথা ভীম—কোথা মোর আদরের ধন,  
পুত্রহীনে ভ্রাতৃপুত্রই শেষের সম্বল ।  
আয়, আয়, বক্ষঃভ'রে করি আলিঙ্গন,  
স্নেহপাশে রাখি তোরে আবৃত করিয়া ।

( ভীমের প্রবেশ )

ভীম । এই যে এসেছি আমি পিতৃব্য ! সকাশে ।

( ক্রত কৃষ্ণের প্রবেশ )

কৃষ্ণ । (অনাস্তিকে) থাম, থাম,—বেওনা, বেওনা ।

ভীম । কেন কৃষ্ণ ?

( কৃষ্ণ কোন উত্তর না দিয়া লোহময় ভীম

ধৃতরাষ্ট্রের সম্মুখে ধরিলেন )

ধৃতরাষ্ট্র । এসেছিস্ ?—আয়,—আয় ।

( বাহুপাশে বেঁধেন করিয়া মড় মড় করিয়া তাহা তাদিয়া  
কেলিলেন, সঙ্গে সঙ্গে নিজেও মুচ্ছিত হইয়া পড়িলেন )

- কৃষ্ণ । দেখিলে কি, কি ব্যাপার ?
- ভীম । তবে কি কৃত্রিম উছা !  
স্নেহের ভিতরও হেন সন্দেহের বীজ ?
- কৃষ্ণ । চূপ্ ।
- ধৃতরাষ্ট্র । ( হস্তাব্যর্ষণে ) আহা, হ'য়েছি স্ নিঃশেষে নিহত  
ভীম ! ভীম !
- কৃষ্ণ । না পিতৃব্য ! নিহত সে হয় নাই,  
সম্মুখে দাঁড়ায় ।
- ধৃতরাষ্ট্র । কে, কে, কৃষ্ণ ! লীলাখেলা হয় নাই শেষ ?
- কৃষ্ণ । সত্যই পিতৃব্য ! ভীষিত সে, ভীম ব'লে  
আলিঙ্গিয়া—করিলেন নিহত যাহারে,  
লৌহময় ভীম তাহা ; দারিদ্র্যে  
হুৎখ্যাধন—রেখেছিল যারে, প্রকৃতির  
বিনিময়ে—প্রতিমূর্তি নির্মিত করিয়া ।
- ধৃতরাষ্ট্র । লৌহ ভীম ! লৌহ ভীম !
- কৃষ্ণ । হ্যাঁ পিতৃব্য, কৃতকর্মফল, কৃষ্ণ নহে  
দোষী সেখা ; কৃষ্ণ এসে বেচেছিল  
পঞ্চগ্রাম মাত্র ভিক্ষা পাণ্ডবের তরে,  
কৃষ্ণ চেয়েছিল সন্ধি কৌরব-পাণ্ডবে,  
স্বাস্ত জীব—তদুও বোঝে না, দোষী আমি  
তাদের বিধানে ।
- ধৃতরাষ্ট্র । শতপুত্র করেছি নিহত, স্বীর ভুলে  
শতপুত্র করেছি নিহত ।
- কৃষ্ণ । এখনও শান্তি যদি করেন প্রত্যাশা,  
স্নেহক্রোড়ে স্থান দিন মেহাধী পাণ্ডবে ।
- ধৃতরাষ্ট্র । এখন কি আদেশের করিবে অপেক্ষা !  
যোগ্য কালে পরিহাস শোভনীর বটে ।

কৃষ্ণ । না পিতৃব্য ! এখনও সেই সে পাণ্ডব,  
বাল্যোচিত চিরাত্যস্ত সরলতা সার,  
এখনও পূজ্য জনে  
অবিশ্বাস করিতে শেখেনি, এখনও  
কৃতঘ্নতা—নাহি জানে কারে বলে তারা ।

ধৃতরাষ্ট্র । কৃষ্ণ ! পেয়েছ সময়, শুনাও—শুনাও,  
বত পার শুনাও এখন, ধৃতরাষ্ট্র  
প্রস্তর সদৃশ, প্রস্তরেও বহে  
গৈরিক নিঃশ্রাব, তার চেয়ে  
আরও কঠিন, স্থাবর,—নির্ম্মম ।

কৃষ্ণ । তথাপি পাণ্ডব চাহে আশুগত্য চির,  
দাসত্ব করিতে তব—শাস্ত্রাবাহী সম ।

ধৃতরাষ্ট্র । ভীম ! ভীম ! আছিস্ জীবিত ?  
আছিস্ জীবিত ? পিতৃব্য করেনি তবে  
বধ ? রাখে নাই নিদর্শন অমুরূপ ?

কৃষ্ণ । উত্তেজিত সব পারে, এই জন্ত  
উত্তেজনা হ'তে—থাকে দূরে সতত বিবেকী ।

ধৃতরাষ্ট্র । সত্য কৃষ্ণ ! সত্য আমি হারামে বিবেক,  
হ'য়েছিহু উন্মাদ তখন, এতই উন্মাদ—  
পুত্রসম ভ্রাতৃপুত্রের বধিতে উদ্ভত ।

( দ্রৌপদীর প্রবেশ )

দ্রৌপদী । আর্ধ্য ! প্রণাম চরণে ;  
হৃৎখণ্ডে একাকী কি আপনার ভাগে,  
পাণ্ডবেরও আপনার বলিতে কি আছে ?—  
তন্মৌক্ত হ'য়েছে যে সবই কোতানলে ।  
পূজ্য মনে ব্যথা দিবে—এই ফল ল'য়ে  
আসিতে দ্রৌপদী চিত্ত—

ধৃতরাষ্ট্র । এস মা কল্যাণী ! কুরুলক্ষ্মী বিসর্জন  
দিয়ে, আমিই করেছি কুল অন্ধকার ;  
এখনো যা' আমার বলিতে—অন্ধ হ'য়েও  
দেখিতেছি চক্ষুর সম্মুখে,  
তোমারই সত্য দীপ্ত কারণ সেখানে ।  
আর আমি ছাড়িব না, পেয়েছি যখন—  
আর আমি ছাড়িব না হারানো এ ধন ।

ক্রোধিনী । ( স্বগত : ) কার কাছে আসিতে সঙ্কোচ  
করিলেন আৰ্য্যপুত্র ? এ কি সেই ধৃতরাষ্ট্র,  
যার কুটিলতা—হোমকুণ্ড করিয়া নিৰ্ম্মাণ.  
করিল আহতি দান সমগ্র পাণ্ডিব,  
পৃথিবী ভূষণ—অষ্টাদশ অক্ষোহিণী সেনা,  
বিনা মাত্র এ পঞ্চ পাণ্ডব, আর কৃষ্ণ,  
সাত্যকি — এ সপ্ত মহারথী, শুনিলেও  
রোমাঞ্চিত হয় যাহে তনু, সেই কুট—

ধৃতরাষ্ট্র । যুধিষ্ঠির আসে নাই বুঝি, দেখিবে না  
ব'লে আর—অধার্মিক ধৃতরাষ্ট্র মুখ ?  
পাপ স্পর্শে পাছে হয় ধর্ম কলুষিত ?  
ধার্মিকের চুড়ামণি—অশনি সমান  
আলা বন্ধে ল'য়ে, স'য়ে, এখনও  
বিবেকের লেশ মাত্র করেনি পোষণ,  
ধন্য সে জীবন, ধন্য সে দুর্লভ তপঃ ।

( যুধিষ্ঠিরের প্রবেশ )

যুধিষ্ঠির । পিতৃব্য ! স্বার্থ অভিযান যাহা,  
তপঃ নামে কর অভিহিত ?

ধৃতরাষ্ট্র । যুধিষ্ঠির ! যুধিষ্ঠির ! ভয় নাহি হ'ল,  
অহ্লাদ পিতৃব্যপাশে আসিতে তোদের  
ভয় নাহি হ'ল ?



- কৃষ্ণ । সত্য কথা বলেছে দ্রৌপদী ;  
কে বলিবে সেই ধৃতরাষ্ট্র,  
শ্নেহের সম্পর্কে পুনঃ শ্নেহেরই সমুদ্র ।
- ভীম । পিতৃব্য ! পিতৃব্য ! বাহুপাশে বেষ্টন করিয়া  
চেয়েছিলে নিধন আমার, হঠতেছে  
ইচ্ছা যে এখন—থাকি অনুক্ষণ  
শ্নেহক্রোড়ে ধরা দিয়ে স্বেচ্ছায় আবার ।
- ধৃতরাষ্ট্র । আয়, আয়, বক্ষে আয় সব, পঞ্চ প্রাণী  
পঞ্চ বায়ু হ'য়ে, মৃত প্রাণে ফিরে আয়  
সব ; জ্যেষ্ঠ পাণ্ডু—তোরা যে সন্মান তার,  
রাজ্য অধিকার—তোদেরই গায়তঃ প্রাপ্য.  
আমি শুধু বলাৎকারে ধরিয়া রেখেছি ।
- কৃষ্ণ । না পিতৃব্য ! এখনও ইচ্ছা যদি হয়—
- ধৃতরাষ্ট্র । না—না ; সঞ্জয় ! সঞ্জয় !  
নিরে আয় সত্ৰাট মুকুট,  
স্বহস্তে পরায়ে দিই রাজা যুধিষ্ঠিরে ।  
( নিজেই মুকুট আনয়নার্থ গমন ও যুধিষ্ঠিরে পরিধাপন )  
লহ বৎস ! লহ শিরে,  
ভীষ্মের সাধনা পূতঃ দুর্লভ মুকুট,  
এতদিন ছিল স্নান ধার্ত্তরাষ্ট্র-করে ।
- যুধিষ্ঠির । এ রাজ মুকুট এতই সম্মান শ্রম !—  
যার তরে ঘটোৎকচ, অভিমহ্যু ধন,  
পাঞ্চালীর পঞ্চ পুত্র দ্বিতীয় জীবন,  
পৃথিবীর সার রত্ন বীরেন্দ্র মণ্ডলী  
দিছি ডালি—
- কৃষ্ণ । যুধিষ্ঠির ! যুধিষ্ঠির ! কাস্ত হও,  
মূর্ছা এসে আক্রমিবে এখনি তোমারে ।

যদিও নিশ্চিত জানি,—সুখে দুঃখে তুমি  
সমভাবে—বিপদেও বহু সম স্থির,  
সম্পদেও হও না চঞ্চল. তথাপি এ—

যুধিষ্ঠির । কৃষ্ণ ! কৃষ্ণ ! ভাবিতেছি এ রাজমুকুট,  
কিষ্ণা ওই রাজা চরণ কমল তব,  
কে বিজয়ী পরম্পর স্পর্ধা জিগীষায় ?  
কার স্থান সর্বাপেক্ষা উচ্রে সমধিক,  
কিবা কাম্য মানবের নশ্বর জীবনে ।

কৃষ্ণ । যুধিষ্ঠির !  
কুরুক্ষেত্র রণে করি নৃশংসতা এত,  
এখনও পূজ্যের আসনে—স্থান দিতে,  
করিতে আদর, কুঠাবোধ নাহি হয় ?—  
সংশয় জাগে না মনে ? নেহাৎ নিম্নজ্ঞ,  
তাই এখনও আছি দাঁড়িয়ে এখানে,  
এখনও থাকি যেখানে সেখানে,  
এই রোগ, জান কি এ—কি চিকিৎসা তার ?

যুধিষ্ঠির । বোগী, ঋষি বার তব নিরূপণে  
অক্ষয়, অসিক,—আমি কি উত্তর দিব তার ?

কৃষ্ণ । ( হাত হইতে মুকুট কাড়িয়া পরাইয়া দিয়া )  
এই তার উত্তর ধীমান্ !  
পার যদি রাখিবারে মান ; যুধিষ্ঠির ! যুধিষ্ঠির !

দ্বিতীয় দৃশ্য ।

নদীতীর ।

অর্জুন । মৃত্যুকালে দুর্বোধ্যন—সহ অশ্রুযোগ  
ব'লে গেল সত্য এই কথা,—  
অস্তায় সমরে মোরা লভেছি বিজয় ।  
যথা ধর্ম—তথা জয়,

সত্য যদি হয় অভয় এ বাণী,  
তবে কেন আমার জীবনী—দৈনন্দিন  
ঘাত-প্রতিঘাতে, কুরুক্ষেত্র রণে হত  
আত্মীয়-স্বজন, উঠিছে ভাসিছে চক্রে ?  
পুত্র হ'তে রাজ্য বড়,  
আত্মা হ'তে সম্ভোগ প্রধান ; কৃষ্ণ ! কৃষ্ণ !

( কৃষ্ণের প্রবেশ )

- কৃষ্ণ । কেন ধনঞ্জয় ! জীবদেহে করি ভোগ ব'লে  
জীব কি না ল'য় তার আশ্রয় ও অস্তরে ?  
হয় কি এতই আত্ম-বিশ্বতও তারা ?
- অর্জুন । আত্মার বিশ্বতি বুঝি কখনো না হয়,  
তা যদি হইত—জয়দ্রথ বধ সনে  
মুছে যেত' নিবিড় কালিমা । শত্রুবধ,  
রাজ্যপ্রাপ্তি—এ সকল কিছু নয়, কৃষ্ণ !  
শক্তি দাও—যাহা শাস্তি, শ্রীতির আধার ।
- কৃষ্ণ । শক্তিমান্ ! কর্ম্মী ও কর্ম্মার্থী হ'য়ে  
শক্তি চাও—বাঁধা যেরা নিয়ত সকাশে ?
- অর্জুন । কৃষ্ণ ! কৃষ্ণ ! ক্ষমা কর, সখা ব'লে  
করিয়াছি পাপ, তত্পরি দাস ব'লে— ( চরণাবনত )
- কৃষ্ণ । ধনঞ্জয় ! প্রভুত্বই দাসত্ব জগতে । ( আলিঙ্গনে উত্থাপন )
- অর্জুন । বুঝিছ কি অপূর্ব মহিমা ! কি সম্পদ  
মহৎসাম্রিধ্য ! দেবস্থান কেন করে  
আকাঙ্ক্ষা সমাজ, সমাজ কেন বা চার  
গড়িতে সমষ্টি ।
- কৃষ্ণ । কি বলিলে, নারিলাম বৃষ্টিতে বথার্থ ;  
সমাজ সমষ্টি গড়ে, কিছা গড়ে  
সমষ্টি সমাজ ?

- অর্জুন । মীমাংসার তুমিহিতো আশ্রয়,  
আমাকে জিজ্ঞাসা কেন ?
- কৃষ্ণ । আমারে বিদায় দাও ?
- অর্জুন । এর চেয়ে বল না আমারে—  
ভুলে যেতে আপনি আপন ?
- কৃষ্ণ । সখা !
- অর্জুন । কৃষ্ণ !
- কৃষ্ণ । প্রতিদান হয় না ইহার ।
- অর্জুন । নিজেরই সে গুণ ।
- কৃষ্ণ । আমাকেও যেতে হয় লোকানুবর্তনে,  
কিন্তু এই স্বাধীন, সংঘত—
- অর্জুন । তোমারই চরণ স্পর্শ ।
- কৃষ্ণ । কেবা বড় প্রমাণ এতেই,  
ভগ্নী করে করিয়া অর্পণ  
কে করেছে সম্বন্ধ স্থাপন ?  
কাজক্ষণীয় কেবা এ জগতে,  
কেবা করে কার আকিঞ্চন ?
- অর্জুন । মণি সূত্রে যথা ।
- কৃষ্ণ । তাই যদি হয়,  
গুণের সমষ্টি গত কারণ তুমিই ।
- অর্জুন । কি উত্তর দিব ? চতুর কি একদিকে ?
- কৃষ্ণ । সত্য যাহা, চতুরতা কোথা !
- অর্জুন । পেতে গেলে এ অমৃত আশ্বাদ জীবনে  
বিনা অনুগ্রহ তব—হয় কি তা' লাভ ?
- কৃষ্ণ । আমাকেই খুঁজে নিতে হয় ;  
পাত্ৰাধার গুণই বিকংগ ।

অর্জুন । সৌজন্য—বিনয়ই শোভা, পরমার্থ, সার ।

কৃষ্ণ । হাসালে অর্জুন, হাসালে জগৎ ;  
এইমাত্র বুদ্ধিটিরও ঠিক এই কথাই  
উচ্চারিল—সত্যকণ্ঠে স্পষ্টগর্বে বাহ্য ।  
( স্বগতঃ ) অশ্বেষ্টব্য কেন যে পাণ্ডব !  
দুর্যোধনও এই সমবায়,  
সমুৎপন্ন এ আকর হ'তে ।

অর্জুন । কৃষ্ণ ! কৃষ্ণ ! জ্যেষ্ঠে নাহি ধ'রে রাখা যায়,  
বনবাসে সতত উদ্যত ।

কৃষ্ণ । রজঃ তম অভিজুত হ'য়ে,  
হ'য়ে থাকে সত্ত্বই উৎপন্ন ;  
সত্যই সংশয় ছিল,  
না থাকিত যদি ভ্রাতৃপ্রীতি ।

অর্জুন । সত্য কৃষ্ণ !  
গাঙ্গীর্যের মহোদধি স্নেহৈকসর্কস্ব  
এমন জ্যেষ্ঠেও আমি ব'লেছি কটু  
সেইদিন, যেইদিন কুরুক্ষেত্র রণে  
উত্তেজনা সহিতে না পেরে, অস্ত্রে অস্ত্রে  
পরিচয়েও হইনি কুণ্ঠিত ; মনে হ'লে  
সে এখন, লজ্জানত বদন আমার—  
ঘৃণার, ধিক্কারে, অপবশে হয় স্নান ।

কৃষ্ণ । সাময়িকী—স্বরণেরও বাহিরে, ধীমান্ !

অর্জুন । কয়জন পারে ?

কৃষ্ণ । আদর্শ—কি হেতু তবে অর্জুন জগতে ।

অর্জুন । শিষ্য ব'লে সদা পক্ষপাতী ।

কৃষ্ণ । পক্ষপাত মনে করে সেইজন,  
সেইজন অকুণ্ঠেই সর্বথা অক্ষম ।

অর্জুন । কৃষ্ণ ! কৃষ্ণ !

কৃষ্ণ । ইহাই বৈশিষ্ট্যযুগ, প্রভাত লক্ষণ ।  
আত্মা হ'তে আত্ম ক্রয় অতি নিন্দনীয় ।

অর্জুন । কুরুক্ষেত্র রণ তবে নিজেদেরই সৃষ্ট ?

কৃষ্ণ । এখনো কি বাঁকি বুঝিতে সে কথা !

অর্জুন । কি বলিছ ?

কৃষ্ণ । সত্য বাহ্য বলিহু গোচরে ; হ'তে পারি  
উপলক্ষ্য তুমি আমি বটে, কিন্তু—

অর্জুন । অবসাদে তবে যদি না করিয়ে রণ,

কৃষ্ণ । সত্য হ'ত পৌরুষেয়ে বিচ্যুতি—গাণ্ডীবী !

অর্জুন । হে কৃষ্ণ ! হে কৰ্ম্ম সারথি !

রণ তবে উপলক্ষ্য, প্রেরণা অন্তর ?

কৃষ্ণ । ( স্বগতঃ ) শঙ্কর ! শঙ্কর !

অর্জুন । কৃষ্ণ ! কৃষ্ণ !

কৃষ্ণ । নহে শুধু মনোবৃত্তি পূরণ কারণ ?

অর্জুন । কৃষ্ণ ! কৃষ্ণ !

কৃষ্ণ । ( প্রকাশে ) কেন ?

অর্জুন । কি বলিলে ?

কৃষ্ণ । বলিলাম কি ছু ! আমার তো স্মরণ নেই ।

অর্জুন । বিনা স্মৃতি বাক্যের উদ্ভব, বিনা চেষ্টা

প্রয়োগ তাহার,—

কৃষ্ণ । তুমি তা' শুনেছ ?

অর্জুন । শুনিলে কি হবে, নারিলাম বুঝিতে তা' ।

ক্ষতিমাত্র বোধ, দৃষ্টি মাত্র অধিকার,

প্রাপ্তিমাত্র সমস্বয়,—এ কভু সম্ভব ?

কৃষ্ণ ! কৃষ্ণ ! শক্তি দাও । ( করবোধ )

- কৃষ্ণ । ( করচ্ছেদে কর গ্রহণে )  
অবুঝে কে বুঝাইবে বল ।
- অর্জুন । অবুঝ কি সকলেই ?
- কৃষ্ণ । যাহা বল ।
- অর্জুন । তবে কি এ আত্ম-অনুভূতি ?
- কৃষ্ণ । হবেও বা ।
- অর্জুন । ও, বুঝেছি ।
- কৃষ্ণ । কি বুঝেছ ভাই ?
- অর্জুন । বলিব না ।
- কৃষ্ণ । বল না আমারে ?
- অর্জুন । নির্ণয়ের ভার নহে আমাদের পরে ।
- কৃষ্ণ । অর্জুন ! অর্জুন ! নহ শিষ্য, সখা—সখা ।  
[ টানিয়া লইয়া প্রস্থান ]

## ( ব্রাহ্মণের প্রবেশ )

- ব্রাহ্মণ । রাজ-পরিবর্তনের সঙ্গে সঙ্গে যুগ পরিবর্তনও কেমন  
অলক্ষ্য হ'য়ে যায় । রাজ-পরিবর্তনেই কি যুগ  
পরিবর্তন হয়, না—যুগ পরিবর্তনেই রাজ-পরিবর্তন হয় ?  
ব্রাহ্মণ ! তুমিও যদি এর মোমাংসা না করবে, তবে  
করবে কে ? চোখ বুজিয়েই যদি পেয়েছি ব'লে হাত  
বাড়াও, ফলে হাতটা কোথায় গিয়ে ঠেকেছে বুঝেছ কি ?  
কুশ তুলতে আর কাদা মাখতে হয় না, অস্তিত্বটিও  
রোধ হ'য়ে গিয়েছে, রাজ-মাহাত্ম্য এমনই ।

## ( পশ্চাদ্ভাগে বিহুরের প্রবেশ )

- বিহুর । কি ব্রাহ্মণ ! হাস্ছ যে ?
- ব্রাহ্মণ । প্রকৃতিই হাস্ছে ।

- বিদুর । ছর্ঘোধানকে অধঃপাতে পাঠিয়েই হাস্ছ—তা বলবে না ।
- ব্রাহ্মণ । ( সভয়ে দৃষ্টি বিস্ফারণ ও কপাল কুঞ্জে ফিরিয়া )  
রাজপুরুষ ! ছর্ঘোধানতো প্রজা উৎপীড়ন করেন নি ।
- বিদুর । উৎপীড়িত হও নি ?
- ব্রাহ্মণ । হ'তে পারি, তিনি করেন নি ।
- বিদুর । আচ্ছা, রাজপুরুষকে তোমরা এত ভয় কর কেন ?
- ব্রাহ্মণ । শূন্যনাঞ্চ নদীনাঞ্চ নথীনাং শস্ত্রপাণিনাং ।  
বিশ্বাসো নৈব কর্তব্যঃ স্ত্রীষু রাজকুলেষু চ ॥
- বিদুর । স্ত্রীকেও বিশ্বাস কর না ? মন্ত্র পড়ে নিয়ে আসতো ?  
তোমরা সব পার । একদিনও কি বিপন্ন হ'য়ে রাজ-  
পুরুষের শরণার্থী হও নি ?
- ব্রাহ্মণ । হ্যাঁ, হ্যাঁ, তা' হয়েছিলুম ।
- বিদুর । তবে ?
- ব্রাহ্মণ । রাজাই যে ধর্মের আশ্রয় ।
- বিদুর । ধর্মত্যাগী তবে কারা ?
- ব্রাহ্মণ । (স্বগতঃ) এতো ভারী বিচক্ষণ !
- বিদুর । ব্রাহ্মণ ! এসেছ নূতন বুঝি ?
- ব্রাহ্মণ । গৃহিনীর আকিঞ্চন,  
রাজধানী করিতে দর্শন ।
- বিদুর । তার বেলা তো বেশ আস্তামাত্র ছুটে এসেছ ; ও, হাতে  
কুশ, সাগ্নিক বুঝি ?
- ব্রাহ্মণ । ব্রাহ্মণের নিত্যকর্ম তুমি কি বুঝবে ?
- বিদুর । আহা, ক্রোধ কেন ? শুধু ধর্মী নও, কর্মীও ।
- ব্রাহ্মণ । তব সনে বাক্য ব্যয়ে  
বৃথা হয় অপচয় ছর্ঘূল্য সময় । (প্রস্থান)



বিজয় । আলাপেরও অযোগ্য ! কিম্বা ভয়ে !  
সংসারে নিরীহ জীব দ্বিতীয় এ নাই । ( প্রস্থান )

---

তৃতীয় দৃশ্য ।

কক্ষ ।

যুধিষ্ঠির ও দ্রৌপদী ।

যুধিষ্ঠির । প্রিয়ে ! প্রিয়তম অর্জুনেরে—পাঠালাম  
কৃষ্ণানুগমনে, পাছে সে বিষণ্ণ হ'য়ে  
অভিমন্যু শোকে, বিতৃষ্ণ হইয়া পড়ে  
জীবন সাফল্যে ; এও এক নিগূঢ় কারণ ।

দ্রৌপদী । সত্য প্রিয়তম ! শোক সম শানিত শারক  
সর্কেষ্ট্রিয় দাহকর দ্বিতীয় দেখি না ।

যুধিষ্ঠির । কিন্তু কি আশ্চর্য্য দেখ, ফিরে এসে  
বলিল আবারে—অশ্বমেধ কর আয়োজন ।  
সম্রাট মুকুট পরাইয়াও শিরে মোর,  
হয় নাই তৃপ্তি বুঝি এখনো তেমন ।  
আয়োজন করিবি তোরাই,  
আমাকে বলাই বা কেন ?

দ্রৌপদী । ঠিক কথা ।

যুধিষ্ঠির । বিধিমত সজ্জা যার অঙ্গের কৃষণ,  
চিরশুভ্র এ বদন—হাস্ত্য নিকেতন  
এতদিন অম্বতনে যথাযোগ্য অভ্যর্থনে  
না করিয়ে নারীত্বের প্রিয় আরাধনা,  
না অর্পিয়া সৌন্দর্যের পূজা উপচার  
ব্যর্থতারে ল'য়েছি বরিয়া, তবু লোকে  
ব'লে থাকে—পুণ্যশ্লোক রাজা যুধিষ্ঠির ।  
রাজা যদি হ'য়ে থাকি—সত্য প্রিয়ে !

তোমার এ অপরূপ রূপের প্রভায় ।  
একবার ভেবে কি দেখেছি, সাথে সাথে  
বেড়ায়েছি ল'য়ে—যুরায়ে গহন বন !

দ্রৌপদী । তুমি এবে সস্তুষ্ট যেমন, আমিও যে  
সেই সাথে সাথে থেকে—প্রিয়তম !  
ততোধিক ছিলাম সস্তুষ্ট ।

বৃথিষ্ঠির । সাথে সাথে থেকেই যে প্রফুল্ল কমল  
এ আনন—একদিনও হয় নি বিকৃত,  
একদিনও পারিনে বলিয়া—অবসাদে  
হইয়া কাতর, হয় নাই অসহায়  
খৈর্যক্ষা সহরে আমার ; রাজ্য—বন,  
পুষ্প শয্যা—ধূলি আশ্রয়ণ, সমজ্ঞানে  
করে নাই অভিমানও স্বামীত্বের পরে,  
অলৌকিক এ মর্ধ্যাদা—সে কি ভুলিবার ?  
সে কি মুখে বলিবার ? প্রিয়তমে !

দ্রৌপদী । দ্রৌপদী কি গরীয়সী শুধুই তাহাতে ?  
স্বর্ঘ্য যার কর্তব্য পালন, প্রিয়াপ্রীতি  
করিয়া দর্শন, বিস্মিত হইয়া দিল  
স্থালী এক—দ্রৌপদীর রাখিতে সম্মান,  
কারণ কি নহে এই নরদেব ?

বৃথিষ্ঠির । শুধু কি তাহাই ? যার ভোজ্য অবসানে  
বনবাসেও ষড়শীতি সংখ্যক—সশিষ্ট  
আসিয়া দুর্কাসা তৃপ্ত হইল নিমেবে  
একা কৃষ্ণ করিয়া ভোজন, সে অপূর্ব  
সত্যত্বের গর্ভভরা অমিত প্রভাব  
স্বর্ভব্য কি নহে দিবানিশি ?

দ্রৌপদী । দাসী চিরদিনই দাসী ।

- যুধিষ্ঠির । কি অপূর্ব বচন ভঙ্গিমা !  
লালিত্য নিবন্ধ তব শুধুই রূপেতে ?
- দ্রৌপদী । রহে পড়ে প্রতিবিম্ব এ চির প্রসিদ্ধ ;  
কিন্তু গুণী গুণরাশি ল'র,  
হংস বধা জলভাগ করিয়া বর্জন  
দুষ্করাশি করে পান সানন্দে বিহ্বলে ।
- যুধিষ্ঠির । প্রিয়ে !
- দ্রৌপদী । পাণ্ডব গৃহিনী আমি,  
নহি রাজেন্দ্র মহিষী ।
- যুধিষ্ঠির । এত সাধও হয় বনবাসে ?
- দ্রৌপদী । হই যেন জন্ম জন্ম হেন ভাগ্যবতী,  
থাকি যেন চিরদিনই এমনই গৌরবে ।
- যুধিষ্ঠির । এখন যে অশ্বমেধে তৎপর সকলে,  
অর্জুন লইল করে অশ্ব রক্ষা ভার ;  
সবে মাত্র এই দীর্ঘ প্রবাস হইতে  
আসিল সে পুরী, পরীক্ষিৎ জন্মোৎসবও  
না মানিয়া প্রীতির আধার, প্রীতিসার  
অর্জুন আমার—হইতেছে স্মসজ্জিত  
দিগ্বিজয়ী অশ্বগতি অচ্যুত তরে ।
- দ্রৌপদী । দু'দিনও না থাকিয়া—  
ওই আসে তৃতীয় পাণ্ডব । ( প্রস্থান )
- যুধিষ্ঠির । কখন শিজন—গজেন্দ্রবিক্রম  
ক'রে গেল এই স্থান যেন মুখরিত ।

( অর্জুনের প্রবেশ )

- অর্জুন । ধর্মরাজ !
- যুধিষ্ঠির । ধর্মরাজা প্রোধিত করিয়া—ধর্মরাজ

নাম সার্থক করিতে, করিতে প্রচার—  
যে আয়াস করিছ স্বীকার, বিভূপদে  
প্রার্থনা আমার, নাহি হয় মর্যাদার হীন ।

অর্জুন । আসি তবে, প্রণতি চরণে ।

যুধিষ্ঠির । কিন্তু শোন ; বসুমতী একে দানা,  
তত্পরি অশ্বরক্ষা তরে  
হয় যদি কারও সনে বাদ-বিসম্বাদ,  
প্রাণ বধ ক'রো না কাহারও । প্রিয়তম !  
হাতে ধ'রে মিনতি বচন —রক্ষা ক'রো  
এ আদেশ শ্রেষ্ঠ, সার জেনে ।

অর্জুন । যতক্ষণ থাকিবে জীবন, করিতেছি  
পণ, করিব না কারও অঙ্গে অস্ত্রের প্রহার,  
সহিব আঘাত—নীরবে মস্তক পরে ।

যুধিষ্ঠির । জানি বৎস ! এই আদেশই আঘাত ;  
মেনে নেবে নত শিরে সমগ্র পাণ্ডিব—  
বিশ্বাস্য না, বীর শূন্য হ'লেও পৃথিবী ।

অর্জুন । তথাপি না অশ্ব আমি ত্যজিব জীবনে ।

যুধিষ্ঠির । অর্জুন ! আমি জানি, বিঘ্নাহত হ'লেও  
হবে না সঙ্কলচ্যুত অনাহত দেহে ।

অর্জুন । আসি তবে, আশীষই সর্বস্ব । ( প্রস্থান )

যুধিষ্ঠির । সহিতে বিদায় দৃশ্য হবে না সক্ষম,  
তাই প্রিয়া দ্রৌপদী পূর্বেই—করিয়াছে  
পলায়ন ত্যজি এ সান্নিধ্য, আকাঙ্ক্ষিত  
হ'লেও সর্বথা ।

( দ্রৌপদীর পুনঃ প্রবেশ )

দ্রৌপদী । চলে গেল ?

যুধিষ্ঠির । কন্ঠসখা, কৃষ্ণের সেবক,  
 কর্তব্যে চিরদিনই বড়ই রেখেছে ।  
 ( মৃদুস্বরে দ্রৌপদীর প্রস্থান )  
 যেই স্থান ক্ষণপূর্বে মুখরিত ছিল,  
 সেই স্থান বিষাদে শয়ান ; যেই প্রাণ—  
 এই মাত্র আনন্দের ফোয়ারা ছড়িয়ে  
 অফুরন্ত রূপ, প্রেমের লহরী,  
 সেই প্রাণই ব্যথাহতা লজ্জাবতা লতা ;  
 যেই কুরঙ্গিনী—বংশী শুনে প্রধাবিতা,  
 পরক্ষণে পাশবদ্ধা—সাক্ষ বিগলিতা ।  
 ( প্রস্থান )

চতুর্থ দৃশ্য ।

হিমালয়েকদেশ ।

যুধিষ্ঠির । এই সেই স্থান, ব্যাসদেব করিলেন  
 আদেশ আমারে —আছে বহু ধনরত্ন  
 এই স্থানে, অপৰ্যাপ্ত যাহা যজ্ঞ আরাধনে ।  
 মরুভূ রাজার দান ব্রাহ্মণ সমূহে,  
 ব্রাহ্মণ অক্ষয় হ'য়ে বহিতে সে ধন  
 ফেলে গেছে এই বনভূমে ; লই যদি  
 সেই ধনে—নাহি হবে ব্রহ্মণ্ড ভঙ্গ,  
 একথাও বলেছেন তিনি ; আরও ইহা,—  
 মহেশ্বরে সন্তুষ্ট করিয়া, নিতে হবে  
 অনবদ্য ক্ষমতা হরিয়া, পূর্ণ যাহা  
 মনোরথে । সঙ্কল্পও করিয়া এসেছি,  
 দীক্ষিতও হয়েছি বিধিমত, অর্জুনও  
 পৃথ্বী পর্যটনে—সাহায্য কারণে মোর  
 হয়েছে বাহির, ভ্রাতা ভীমও

সতত উত্তোগী, নকুল ও সহদেব  
বন্ধপরিকর এই ব্রত উদ্‌ঘাপনে ।

( ব্রাহ্মণের প্রবেশ )

ব্রাহ্মণ !

ব্রাহ্মণ । কে আপনি ?

যুধিষ্ঠির । আমি হস্তিনার রাজা ।

ব্রাহ্মণ । ধর্মপুত্রে যুধিষ্ঠির ?

যুধিষ্ঠির । সবই দেখি রাখেন গোচরে ।

ব্রাহ্মণ । একাধারে তেজস্বিতা, শোভিছে বিনয় ।

যুধিষ্ঠির । আশীর্বাদই কারণ সেখানে ।

ব্রাহ্মণ । জিজ্ঞাসিতে পারি কি এ কথা,  
কিবা হেতু শুভ পদার্পণ ?

যুধিষ্ঠির । কি হেতু আপনি ?

ব্রাহ্মণ । বয়ঃ অভিক্রমে বানপ্রস্থ বিধি ।

যুধিষ্ঠির । আমি কিন্তু এসেছি ব্রাহ্মণ !  
এ বয়সে অর্থ আহরণে ।

ব্রাহ্মণ । অর্থ আহরণ যার প্রজার সন্তোষ,  
অর্থ আহরণ যার ধর্ম অক্ষুণ্ণ,  
এ ভোগ যে ত্যাগেরও উপরে ; নয়দেব!

যুধিষ্ঠির । তুদেব !

ব্রাহ্মণ । এস, ল'রে বাই সাদরে সে স্থানে ;  
মহেশ্বরে অর্ঘ্য দানে—ইচ্ছামত  
করহ গ্রহণ ।

যুধিষ্ঠির । ব্রাহ্মণ !

ব্রাহ্মণ । কি দেখিছ বিস্ময়ে এ মুখে ?

যুধিষ্ঠির । দেখিতেছি এখনও সৃষ্টি করে  
ব্রাহ্মণই অগতে, রাজা শুধু উপলক্ষ্য ।

ব্রাহ্মণ । রাজাই রক্ষক,  
যোগ্যকরে—নিহিত হইবে ব'লে  
ফেলে গেছে এখানে ব্রাহ্মণ,  
রাজারই প্রদত্ত ধন—  
পুনঃ হবে ব্রহ্মমুখে ব্রাহ্মণে নিহিত ।

যুধিষ্ঠির । ব্রাহ্মণ ! ব্রাহ্মণ ! কি বলিছ ?

ব্রাহ্মণ । সত্য যাহা বলিছু সকল, এস সাথে । [ উভয়ের প্রস্থান ]

( কুশহস্তে ব্রাহ্মণের পুনঃ প্রবেশ )

ব্রাহ্মণ । ভাগ্যবান্ রাজা যুধিষ্ঠির,  
পৃথিবীর ক্ষণজন্মা মহান্ পুরুষ ।  
অগণিত ধন সমুদয়—অপগত  
ব্যবহারে, কতদিন ছিল হেথা প'ড়ে ;  
মহেশ্বরে সন্তুষ্ট করিয়া, যথাযোগ্য  
বাহনে বাহিয়া, পুনঃ যার রাজকোষে ।  
বেদমাতা স্থির হও, পৃথি !  
অধৈর্য্য হ'য়ো না, যজ্ঞোদ্ভূত হবির্গন্ধে  
পূর্ণ হবে কুরুক্ষেত্র আঘাত অচিরে । [ প্রস্থান ]

( যুধিষ্ঠিরের পুনঃ প্রবেশ )

যুধিষ্ঠির । ব্রাহ্মণ ! কুশ পেয়ে এতই সন্তুষ্ট,  
দাঁড়বারও না হ'ল সময়,  
প্রণতি করিব পদে তাও মহিল না ?  
মহেশ্বরে পেলাম দর্শন,  
পেলাম করুণা তাঁর,  
তুমি যে কারণ দেব ! বুঝিয়াছি—  
নাহি চাও প্রতি উপকার, নাহি চাও

বিনিময়, নাহি চাও স্তুতি-আরাধনা ।  
 কিন্তু হে প্রকৃতি, জগদ্ধাত্রী, তুমি জগন্মাতা,  
 কি কহিব অস্তরের উন্মুখ বারতা,  
 রেখো সদা ফুলে ফলে সুশোভিত ধরা ;  
 নহে ইহা রাজ-আজ্ঞা—রাজ-অনুরোধ,  
 নহে ইহা আকাজক্ষা আমার, চরণে মিনতি । [প্রস্থান]

( গাহিতে গাহিতে বনাধিষ্ঠাত্রীর প্রবেশ )

বনাধিষ্ঠাত্রী । ( গীত )

কে এসে চলিয়া গেল দিয়ে গেল মোরে চেতনা !  
 কার শুভ পদার্পণে সুশোভিত ধরা খানা !!  
 অপরূপ রূপ—অনিন্দ্য প্রকৃতি  
 চির স্মৃতি পুতঃ প্রিয় অমুভূতি  
 আবেশে অবশ শিথিল সংবতি  
 মরমে মরমে বিলীনা !  
 রূপ, রস, রব, পরশ, সুরভি  
 সবই যেন নিমগনা !!

---

পঞ্চম দৃশ্য ।

সিন্ধুদেশ ।

অর্জুন । কুরুক্ষেত্র রণে হত নরপতিগণ ;  
 তাদের সন্ততি সব  
 কেহ ক্রোধে, কেহ ক্রোভে,  
 কেহ বা প্রাধান্নগর্ভ সহিতে না পেরে,  
 বধাশক্তি অগ্রসর—  
 বাধা দিতে স্বেচ্ছাচারী অশ্বের গমনে ;  
 আমিও তাদের সব অব্যাহত রেখে  
 কোনরূপে আত্মরক্ষা করিয়া চলেছি ।



পরাজিতে আঘাত না ক'রে, ক্রোড়ে ল'য়ে,  
 কি যে তৃপ্তি জানিলাম—আজি তা' নূতন ।  
 কেতুধর্ম্মা, বজ্রদত্ত আদি—সকলেই  
 নিমন্ত্রণ করেছে গ্রহণ, অশ্বমেধে  
 করিতে গমন । এষ্ট সেই সিন্ধুদেশ,  
 যার আধপতি—অত্যাচারী দ্রৌপদীর প্রতি ।  
 দেখ কি আশ্চর্য্য ! দুঃশলা যে  
 ভগিনী আমার, বারেকও না পড়িল স্মরণে,  
 পড়িল স্মরণে—সকাগ্রে বৈবতা কিন্তু ।

( শিশুপৌত্র ক্রোড়ে দুঃশলার প্রবেশ )

দুঃশলা । রক্ষা কর, রক্ষা কর ভ্রাতা ।

অর্জুন । কেন ভয় ! কেন কাঁদুরতা ?

দুঃশলা । চিনিতে যে পেরেছে আমারে,  
 এই মোর সৌভাগ্য অপার ।

অর্জুন । শিশুক্রোড়ে কি হেতু এ পথে ?

দুঃশলা । না জেনে সৈন্ধবগণ যজ্ঞ-অশ্ব তব  
 ধরেছে ; করহ ক্ষমা—ক্ষমাপ্রার্থী আমি ।

অর্জুন । পুত্র ?

দুঃশলা । কি বলিব ? শুনিলাম,—  
 করেছে সে প্রাণ বিসর্জন ।

অর্জুন । অকারণে ?

দুঃশলা । নহে অকারণ, গাণ্ডীবী আসিছে শুনে—

অর্জুন । শুনে দিল প্রাণ বিসর্জন ? ভয়ী ! ভয়ী !  
 ওহো, ভাগিনেয় বধে  
 করিহু মূতন পাপ অর্জুন আবার ।

দুঃশলা । শিশু পৌত্র ক্রোড়ে ল'য়ে মাগিতে করুণা

এসেছি সকাশে তব, নিদয় হ'রো না ;—  
এই শেষ বংশের ছলল ।

অর্জুন । সত্য বটে নাশিরাছি ভগিনীপতিরে,  
সত্য বটে করিয়াছি বিধবা তোমার,  
সত্য বটে স্বার্থে অন্ধ হ'য়ে—

দুঃশলা । না—না, অত্যাচারী করেছ দমন ।

অর্জুন । কিন্তু এই ভাগিনেয়ে অকালে নিধন,

দুঃশলা । সেও তো আতঙ্কে, ভয়ে,—

অর্জুন । খাসবন্ধ হ'য়ে ?

দুঃশলা । ইন্দ্রিয় শৈথিল্য তার প্রধান কারণ ।

অর্জুন । না—না, ভগ্নী, আমারই এ আগমন ।  
তুমি মোরে ক্ষমা কর ; অধম,—পাতকী ।

দুঃশলা । অস্ত্রান সৈন্যবগণ

অশ্বগতি করেছে নিবোধ,  
তার জন্ত ক্ষমার্থী যে আমি ; শিশু, নাবালক,  
অহুগ্রাহ্য সর্বদা, সর্বতোভাবে ।

অর্জুন । দাও ভগ্নী ! বক্ষে দাও পোত্রে তব,  
পরীক্ষিৎ সম সম আদরের । [দুঃশলার তথাকরণ]  
( মুখচুম্বন করিয়া ) কি আর বলিব,  
নিম্নে যেও অশ্বমেধে—আনন্দবর্ধনে ।

দুঃশলা । বজ্রোরাখ উন্মোচনে হবে না বিবাদ ?

অর্জুন । তার জন্ত পূর্ব হ'তে প্রতিশ্রুত আমি,  
করিব না কারও অঙ্গে কতু অস্ত্রাঘাত ।  
ভগ্নী ! অশ্ব গেছে বহু দূরে, বিলম্বিতে  
নাহি হবে গতি নিরূপণ ; আসি এবে । [প্রস্থান]

দুঃশলা । বিশ্বাসী স্রাতার গৌরবে

আনন্দে এ বক্ষঃখানা উদ্বেল, বিস্তৃত ।

( একদৃষ্টে তদীয় পথপানে চাহিয়া )

চলে গেল দৃষ্টি অতিক্রমে ; কে বলিবে

সহোদর ভ্রাতা নয়, কে বলিবে—দুর্যোধন

হ'তে হয় স্নেহ পরিচয়ে ; ভ্রাতা ! ভ্রাতা !

( দুইফোটা অশ্রু গড়াইয়া পড়িল )

কি দেখিস্, হতভাগ্য অজ্ঞান বালক !

মনে ক'রে রাখিস্ সতত,

প্রাণ তোর কৃপালক, পাণ্ডবের দান ।

হাসি, তথাপি মুখেতে হাসি,

কি হাসিই শিশুর বদনে ; ভগবান !

( জনৈক সৈন্যের প্রবেশ )

সৈন্য । সমবেতে করি আক্রমণ,  
নারিলাম রোধিতে ঘোটক ।

দুঃশলা । উদ্ভমই হয়েছে ।

সৈন্য । কিন্তু কি আশ্চর্য্য,  
বারেকও না করিলেন প্রতি আক্রমণ ।

দুঃশলা । এ রাজ্যের তিনিই বক্ষক ।

সৈন্য । তিনি রাজা ?

দুঃশলা । পৃথিবী ঈশ্বর । অশ্ব কোন্ দিকে গেল ?

সৈন্য । মণিপুর অভিমুখে ।

দুঃশলা । পিতা পুত্রে হইবে সাক্ষাৎ ।

সৈন্য । পুত্র তাঁর মণিপুররাজ ?

দুঃশলা । সপ্তরথী প্রতিদ্বন্দ্বী  
অভিমুখ্যে পুত্র তাঁর ?

সৈন্য । তৃতীয় পাণ্ডব ? অর্জুন ? কৃষ্ণের সখা ?

দুঃশলা । এই সেই ইন্দ্রজয়ী, খাণ্ডব বিজয়ী ।

সৈন্ধব । করেছে যা—তাহ'লে গাণ্ডীব ?

দুঃশলা । দেবাসুর যুদ্ধে উহা অগ্নিদত্ত ধন ।

সৈন্ধব । হয়েছিল মোরা কি উন্মাদ !  
কাহার সন্মুখে গেছি, ধরেছি শায়ক !

দুঃশলা । বজ্রও বিকাশে যেথা,  
তাহ'তেই বারি ধারার উদ্ভব ।

সৈন্ধব । বুঝেছি তখনই তাহা ;  
ভূজঙ্গে বেষ্টিত ব'লে চন্দন আশ্বাদ  
নিতে গেলে ভয় পেলে তা ব'লে কি চলে ?

দুঃশলা । মঃতের সঙ্গই এমন ।

সৈন্ধব । তা না হ'লে বোঝা' তখনই উচিত ছিল,  
যখনই না বুঝে অশ্ব—

দুঃশলা । বালক কস্তব্য সদা ।

সৈন্ধব । তাই প্রাণে পেয়েছি নিস্তার,  
নতুবা এ অজ্ঞানতা ফল—

দুঃশলা । চল এবে,  
যেতে হবে অশ্বমেধে নিমজ্জনে সবে ।

সৈন্ধব । সিদ্ধুর্নাসী সকলেই ?

দুঃশলা । ভ্রাতা মোর তাতেও কি কতু পরাশুখ ?

সৈন্ধব । তাহ'লে কি ভয় আর ; বাইব নিশ্চয়,  
বাইব নিশ্চয় । ( দুঃশলার প্রস্থান ও সৈন্ধবের অহুগমন )

পটপরিবর্তন । মণিপুর ।

বক্রবাহন ও উলুপী ।

উলুপী । তাতে কি হ'য়েছে ?

- বক্র । গিয়াছিল নিরস্ত্র বলিয়া,  
পিতা মোরে দিলে গালি অপদার্থ ব'লে ।
- উলুপী । এইবার প্রতিশোধ লও ।
- বক্র । মাতা ! ভয়েতে কাতর ব'লে নর,  
কিন্তু এই পুত্র হ'য়ে অস্ত্র পরিচর  
পিতৃসনে—চিরদিন থাকিবে স্মরণে ।
- উলুপী । স্মরণার্থে পিতা যদি করেন আহ্বান,  
পুত্র ! বৎস ! প্রিয়তম ! প্রতিদান দাও  
বথাযোগ্য কাম্য মৃত্যুও করিয়া বরণ ;  
জানতো এ কথা, রণস্থলে পলায়ন  
কত্রিরের গুণ্ডার, ধিক্কার,  
কলঙ্ক ছরপনের ?
- বক্র । মাতা !
- উলুপী । পুত্র !
- বক্র । অটল সঙ্কল্প আমি ।
- উলুপী । ভয় নাই, সাথে সাথে র'বে  
অক্ষয় কবচ সম মাতার আশীষ ।
- বক্র । সত্য মাতা ! নাহি জানি বিমাতা বলিয়া ;  
গর্জর জননী মোর, ধনঞ্জয় পিতা,  
মণিপুর সিংহাসন আসন আমার,  
আমি যদি নাহি দিই যোগ্য প্রত্যুত্তর  
অসার কি ক্ষৌভ বন্ধে দাঁড়াবে বিপক্ষে ?
- উলুপী । যোগ্যতারে করিতে বরণ  
পাষণ্ডও বচপি আসে রোধিবারে গতি,—
- বক্র । জননীরে করিয়া প্রণতি, করিতেছি  
অঙ্গীকার—
- উলুপী । এইতো আমার পুত্রযোগ্য কথা ।

বক্র । ধনজয়ে অশ্ব ল'য়ে ফিরিতে দিব না ।

উলুপী । পুত্র ! পুত্র ! নাগকন্যা আমি, উত্তেজনা  
দিলাম তোমারে, যতক্ষণ না হবে বিরতি ।

বক্র । বিরতি তখন হবে—

হয় পিতা না হয় পুত্রের বধে । ( প্রস্থান )

উলুপী । জানি আমি কলঙ্ক কিনিব,  
জানি আমি বিমাতার ভূষণে সাজিব,  
জানি আমি সপত্নী আসিয়া—  
অহুযোগে, তিরস্কারে  
বহিষ্কৃত করে দেবে তীব্র অপমানে  
রাজ্য হ'তে অসতী আখ্যায় ; স্থির ইচ্ছা—  
হয় যদি পুত্রের নিধন, বিমাতৃত্ব  
কারণ সেখানে । আর— ( বস্ত্রাঞ্চলে চকুরাবরণ )  
হয় যদি পতিঘাত, তাতেও নিদ্রা নাই ।  
একদিকে বিমাতৃত্ব, অন্যদিকে অসতীত্ব,  
দুই পন্থে কলঙ্ক মণ্ডিত । [ প্রস্থান ]

পটপরিবর্তন । সিন্ধুদেশকপাশ্ব ।

( যুদ্ধ করিতে করিতে অর্জুন ও বক্রবাহনের প্রবেশ )

বক্র । পিতা তুমি—চেহেছিলে অস্ত্র পরিচয়,  
লহ ফল—লইও না পুত্র-অপরাধ । ( অর্জুনের পতন )  
কি করিলাম, সত্যই কি পিতৃবধে পাপী !  
( অস্ত্রত্যাগ ও সন্নিকটে উপবেশন )

পিতা ! পিতা !

অর্জুন । পুত্র ! অন্তিম আশীষ—( মৃত্যু )

বক্র । চিরদিন স্মরণীয় রহিবে কাহিনী ;  
কক্রবংশ—রাজবংশ, রণগর্ভ এত  
অধিক তাহার, পিতা ব'লেও অব্যাহতি নাই ।  
ধিক ।

## চতুর্থ অঙ্ক ।

প্রথম দৃশ্য ।

বজ্রাদন ।

- বজ্র । মাতা ? কোথা সেই পেয়েছিলে মণি,  
বাহাতে রহিল পিতা পুত্রের সম্মান ?
- উলুপী । অন্তর সমরে ভয়ে করিয়া নিপাত,  
পেয়েছিল অস্তিত্ব নাজ ক তোমার  
অস্তিত্বে নরক বদা ষটিবে তাঁহার ।
- বজ্র । শুনিয়াছি হৃদয়বী দেন অভিশাপ ।
- উলুপী । তাই পিতা - বংশে সহস্রে করিয়া  
জন মাগি সম্মানের মণি, পাচ পায়—  
আদরিণী কণা তার বৈধব্যের জালা ।
- বজ্র । পিতৃবধে উত্তেজিত হ'য়ে বালরাছি  
কটু কত, জননীও অশ্রাব্য ভাষায়  
আক্রমিয়ে দেছে মনস্তাপ,  
অভিশাপ পাই নাই শুধু মাতা ব'লে,  
শুধু—থাকে সেথা স্নেহের সম্বন্ধ ব'লে ।  
কিন্তু মাতা! এবে অতীব বিরল,  
স্বামী সুখ সৌভাগ্যে বঞ্চিত, সপত্নীর  
পুত্র তরে—দিতে তারে বশস্বী মুকুট,  
এত আকিঞ্চন, এত আগ্রহ উদ্ভম ।
- উলুপী । হ'লেই বা সপত্নীর ছেলে, নহে কি সে  
স্বামীর আশ্রয়, স্বামীর গৌরব কেতু ?
- বজ্র । ( অর্দ্ধস্বগতঃ ) কেন লোক সাপিনী বলিয়া

রেখেছে যে জিঘাংসার উপমার তরে,  
 পারে কি অপিতে তার সহজ উত্তর ?  
 দেবী ও মানবী মধ্যে কয়জন আছে,  
 কয়জন হ'তে পারে সমকক্ষ তার,  
 কয়জন এ আদর্শের দীপশিখা ধ'রে  
 হাতে ক'রে গড়ে তোলে সাধের সংসার ?  
 নহে স্বপ্ন—প্রত্যক্ষ এ সবার সম্মুখে ।  
 জননী ! জননী !

( অর্জুনের প্রবেশ )

অর্জুন । দেখিতেছি এ কি এ স্বর্গীয় ! এ কি দীপ্তি,  
 একি অপরূপ ! একি সত্য, কিম্বা  
 স্বপ্ন সমাবেশ ! বিমাতা—সপত্নী পুত্র !

বক্র । পিতা ! এই সেই জননী আমার,  
 যার জন্ত ধনস্বয়ং গরিমা অক্ষত ।

অর্জুন । পুত্র ! বিজয় পতাকা ! যশস্বী দুলাল !

বক্র । জননী কারণ তার । [ প্রস্থান ]

অর্জুন । সছোষিব কি ব'লে যে, কি বলিলে  
 হবে সমধিক প্রীতি, ভাষায় এমন উক্তি  
 খুঁজিয়া না পাই । শুধুই কি নাগবংশ,  
 নারীকুলও নহে অলঙ্কৃত ?  
 সীতা ও সাবিত্রী, দময়ন্তী আদি  
 স্মরণীয় সকলেই গৌরব গাথায়,  
 কিন্তু এই উলুপীর অলোক চরিত্রে  
 স্বর্গে, মর্ত্যে, রসাতলে বৈশিষ্ট্য আনিয়া  
 সমগর্বে সমুজ্জ্বল রেখেছে ত্রিলোক,  
 ভোগময় এ সংসারে নহে কি বিচিত্র ?

উলুপী । স্বামী !



অর্জুন । গর্বিতার লজ্জানত বক্র এ বদন  
সমধিক রমণীয়, চির শোভাকর ।  
প্রিয়ে ! প্রতিদান কি আছে যে দিষ ?

( কর নিপাড়ন )

উলুপী । ( মুখাবলোকনে )  
প্রতিদান ? স্ত্রীকে দেবে স্বামী প্রতিদান ?  
নারীপ্রাণ চরণে আশ্রয় পাবে,  
আরও কি প্রত্যাশা করে জানিনা, শিখিনি ।  
কেহ করে প্রত্যক্ষের পূজা, কেহ করে  
নাম আরাধনা, কেহ দেয় পাত্ত, অর্ঘ্য,  
কেহ থাকে স্মৃতি নিমগনা ।

অর্জুন । তাই গর্ব এত কাজ্জণীয় ?

উলুপী । স্বামীগর্বিই নারীদেহের চরম আকাজ্জা ;  
স্বর্ণ, রত্ন অলঙ্কার আদি পরিধান  
একই সে কারণ ।

( দ্রৌপদীর প্রবেশ )

দ্রৌপদী । ভগিনী,  
চিজ্ঞান্দামুখে শুনি গৌরব কাহিনী,  
বুঝিলাম—মাতা হ'তে বিমাতা অধিক ।

উলুপী । আপনাদেরই সৌজ্ঞাতা বিকাশ সেখানে ;  
নতুবা এ নগণ্যসজিনী, এমন কি  
ভাগ্যাধিকারিণী,—সবায়েরই মুখে শুনি  
নাগেস্কন্দিনী—নব যুগ প্রবর্তিনী ।

দ্রৌপদী । কেহ ভাগ্যে করে আকিঞ্চন,  
ভাগ্য কারও করে অন্বেষণ,  
এই বিধি, বিধিলিপি, অধস্ত—শাস্ত ।

অর্জুন । এরা কি সতীন ?

সত্যনের এ কি এ সংসার ?  
অতিক্রম করিরাছে ইহার প্রতাপ  
কালধর্ম্যে কালে উপেক্ষিয়া ।

দ্রৌপদী । একই পতাকাভলে আশ্রয় মোদের,  
একই গৌরবরশ্মি পতিত এ মুখে,  
একই ঔজ্জ্বল্য দিকে দিকে প্রসারিত  
একই ভিত্তি রাখিতে স্মৃঢ় ।

অর্জুন । দ্রৌপদী, ভাল কীর্ত্তি রাখিলে জগতে  
তুঁষি সমভাবে সমবেত সর্ব জনতারে ;  
অতিথি সন্তুষ্ট নাহি হয় নোজ্যে, পেয়ে,  
কিন্তু পেয়ে এই মিষ্ট ব্যবহার,  
বিনা সূত্রে গাঁথা হার—বিনা বস্ত্র,  
অমূল্য সম্পদ—অমৃতের প্রতিবন্দী ।

উলূপী । আদর্শ গৃহস্থ সাংগেই আদর্শ গৃহিনী !

দ্রৌপদী । আর বুঝি আদর্শের নহে সন্যাস—

অর্জুন । পাণ্ডব ! পাণ্ডব ! রাজহুম, অশ্বমেধ  
আরও ফল কি প্রত্যাশা করে ?

দ্রৌপদী । নাহি ছিল ফলের প্রত্যাশা, তাই এত  
ফল—একত্র মিলন, একত্রে সন্ডাব ।

উলূপী । কৃষ্ণ সেবা কল,  
যথা ধর্ম্য তথা জয়—তারই নিদর্শন ।

( কৃষ্ণের প্রবেশ )

কৃষ্ণ । কিম্বা কৃষ্ণ সেথা,  
যেথা নয়, যেথা ধর্ম্য অধিষ্ঠিত ?

অর্জুন । এসেছ কেশব ?

কৃষ্ণ । সখা কি ত্যজিতে পারে সখা কোন দিন ?

বখনই আহ্বান করে, আকুলতা  
জানার বিহ্বলে,—আমারে আসিতে হয়  
দেহে কিথা দেহ অনাশ্রয়ে !

অর্জুন । জগদাদিরনাদিস্বঃ জগদেকমহেশ্বরঃ ।  
জগৎসত্ত্ব তু তৎসৎ। জগদ্ধিতৈতককারণঃ ॥

কৃষ্ণ । সখা ! সখা !

অর্জুন । আরও সখা বলিতে চাহিব ?  
অপরূপ বিশ্বরূপ তব, দেখিয়াছি  
আছ তুমি নিখিলে ব্যাপিয়া, দেখিয়াছি  
মহাময় রথ অপভ্রুত  
কুম্ভকত্র রণ অব্যানে, বুঝিয়াছি  
কেবা তুমি, কিবা লক্ষ্য, কিবা উপাসক ।

কৃষ্ণ । সখা !

অর্জুন । এই হাসিই সরলতা ।

কৃষ্ণ । যেথা সরলতা সেথায়ই আমি ।

অর্জুন । সরলতাই কি তবে পবিত্রতা ?

কৃষ্ণ । এ ভিন্ন আর কি ?

জৌগদা । কৃষ্ণ ! কৃষ্ণ ! অলক্ষ্য থাকিয়া—করেছিলে  
একদিন লজ্জা নিবারণ, আর আজ—

কৃষ্ণ । আনন্দ বর্ধন,—শঠতা কারণ ।

উলূপী । সজীবনী মণির প্রয়োগে. করিয়াছ  
জীবন রক্ষণ ; কে তোমার বলে শঠ ।

কৃষ্ণ । উলূপী ! উলূপী !  
তুমি তাহা করিবে খণ্ডন ?

উলূপী । ইহজন্মে পাপ ভোগে—বার সেই জন  
পরলোকে স্মৃতি লইয়া,—

অর্জুন । উলুপী ! উলুপী ! তবে কি করিতে মুক্ত—

কৃষ্ণ । তাই সখা ।

অর্জুন । নহে জ্ঞী—ইহলোক সন্নিহিত কেবল ;  
পরার্থদীপিকা, পরলোক উদ্ভাসিনী ।

(উলুপীর লজ্জাবনমন)

জৌপদী । ভগ্নী ! ভগ্নী !

কৃষ্ণ । জানিত এ নাগেন্দ্রললনা  
যুত্যা যদি হয় বক্রবাহনেরও,  
বাঁচাতে সক্ষম হবে মণির পরশে ।

অর্জুন । শুনেছি সে কথা ; স্বীয় স্বার্থে বলি দিয়ে—

উলুপী । অবাস্তুর এ প্রসঙ্গ ।

কৃষ্ণ । (স্বগতঃ) কেমন চতুর, ঢাকা দিলে কথা ।  
(অর্জুনের প্রতি) এস বাই সেইদিকে,  
সেই দিকে বক্রীর আছতি ।

( অর্জুন সহ প্রস্থান )

জৌপদী । চল ভগ্নী ! আমরাও বাই ;  
চিহ্নাদনা যেইখানে বসারেছে হাট,  
করিতেছে যশোগান দশের মাঝারে ।

উলুপী । আমি যেন কি হয়েছি ।

[ উলুপীর অগ্রসরে জৌপদীর প্রস্থান ]

( বক্রবাহনের পুনঃ প্রবেশ )

বক্র । কাকেই বা বলি ?—বক্রভূমে এক  
মকুল আসিয়া করিতেছে বিচরণ,  
স্বর্ণময় অর্ধ অঙ্গ । মাকুষের স্বরে  
কহিছে সে স্পষ্ট কথা, হয়নি সন্দেহ  
অপার্থিবও বক্র দরশনে ; সেই যজ্ঞে

প্রতি লক্ষ ব্রাহ্মণের ভোজনাবসানে  
 হইতেছে কত তুর্ধ্যধ্বনি ; তার ইচ্ছা—  
 অপর্যক কেন হ'ল না সুবর্ণময়,  
 হ'য়েছিল যেই অর্ক মরুত বস্ত্রতে ।  
 কাকেই বা বলি ? কাকেই বা বলি ?  
 শুনেছে সকলে দেখি ; ঐ, ঐ,  
 সমবেতে ধায় সেই দিকে ।

( প্রহান )

দ্বিতীয় দৃশ্য ।

বনভূমি ।

বিহর । দুর্লভ মানব জন্মে কেহ দিকি পায়,  
 কেহ নেমে যায়—তিথ্যক্ ষোনিতে ।  
 বুঝতে সে পারে বেশ ; তখন বাড়ায়  
 হাত কোথা ধর্ম ব'লে, বধন শমন এসে  
 দাঁড়িয়েছে ঘারে ; চোখে মুখে স্প্রকাশ,  
 তবু না করিবে ব্যক্ত ভাষায় কেহই !  
 আসিয়াছি ধৃতরাষ্ট্রে ফেলে, বনফল  
 আহরণে বস্ত্র এ প্রদেশে ; আছে তাঁর  
 সহায়ে গাঙ্গারী একা, বৃদ্ধা তহুপরি ?  
 ত্বরা করি এ কাণ্ড সমাধা,  
 সাহচর্য্যে যাই তাঁহাদের ।

[ প্রহানোত্তম ]

( ব্রাহ্মণের প্রবেশ )

ব্রাহ্মণ । কি রাজপুরুষ ! যোগে অস্ত্রে তহুত্যাগ  
 শাস্ত্রীয় নিদেশ—মাথা পেতে নিয়ে আজ  
 অকস্মাৎ আগমন গহন কাস্তারে ?

বিহর । সর্বত্রই বিরাজ তোমার ?

ব্রাহ্মণ । তুমি কোন্ আহ এক স্থানে ?

বিহুর । ব্রাহ্মণ ! ব্রাহ্মণ ! তুমিই কি সেদিন তাহ'লে  
ধনরত্ন বৃধিষ্টিরে করেছ প্রদান,  
দেখারেছ হাতে ধ'রে ঐশ্বর্য ভাণ্ডার ?

ব্রাহ্মণ । সে খোঁজে কি প্রয়োজন তব ? আসিরাছ  
কল আহরণে, অস্ত্রমে বৃদ্ধেরে সেবি  
পারত্রিক পথ আরও করিতে সুগম,—

বিহুর । ব্রাহ্মণ ! ব্রাহ্মণ ! গণনায় তব  
কি বলে দেখনা, পাব কি না লক্ষ্যহীনে  
লক্ষ্য ক্রবতারা ?

ব্রাহ্মণ । ধর্মরূপ এতকাল কুরুগৃহ বাসে  
ধার্মিকের করে দিয়ে রাজ্যরক্ষা ভার,  
অস্ত্রিমের পাথের সম্বলে—আসিরাছ  
বানপ্রস্থে—নির্ঝিবাদে কাটাইতে কাল,  
এখনই দেখিবে গিয়া  
কুন্তীদেবীও আগত সেখানে ।

বিহুর । ব্রাহ্মণ ! ব্রাহ্মণ ! কেমনে জানিলে তুমি ?

ব্রাহ্মণ । পাছে পাছে আসিছেন তিনিও অলক্ষ্যে  
সন্ধান করিয়া লক্ষ্য কিবা মুক্তি পথ ?  
হ'তে পারে ধৃতরাষ্ট্র কূট ও কোশলী,  
তা ব'লে সে ধর্মত্যাগী নয় ।

বিহুর । ব্রাহ্মণ ! ব্রাহ্মণ !

ব্রাহ্মণ । ধর্মভ্রষ্ট হ'ত সে তখন, যদি বা সে  
না আসিত—বৃধিষ্টির অন্ন উপেক্ষিয়া ।

বিহুর । নহে শুধু বন-অধিষ্ঠাতা,  
রাজগৃহেও সমধিক গতি !

ব্রাহ্মণ । এস দিই কলের সন্ধান,  
সঙ্কর বা বর্তমানে তব ।

[ উত্তরের প্রহান ]

( গাহিতে গাহিতে বনাধিষ্ঠাত্রীর প্রবেশ )

বনাধিষ্ঠাত্রী । ( গীত )

আসিছে সে হেথা নিপুণ নাবিক ইহ পরকাল নেতা !

রাখিয়াছে যেন বাঁধিয়া ধরণী ধরমে করমে নতা !!

এক হাতে আছে শাসন দণ্ড

অপরেতে শোভে অভয় ভাণ্ড

ভাণ্ডারী সে যে কাণ্ডারী পথে গৃহবনজন পরিপাতা!

আমার যা আছে শক্তি সম্বল

নিষ্ঠ মন্থন পরিণত বল

শ্রামল প্রভার প্রভাবে বিরচি দিক্‌বধু শোভা ভূতা!!

রেখেছি আবৃত্তা জড়তা যতক অবভূতে প্রকাশিতা!!

[এস্থান]

( যুধিষ্ঠিরের প্রবেশ )

যুধিষ্ঠির । কতদিন হ'য়ে গেল,—

এসেছেন পিতৃব্য অরণ্যবাসে ;

আমি কিন্তু নারিলাম সেবিত্তে চরণ,

সেবিছে বিচুর—ধর্মসার যিনি ।

সকলেই ঙ্গ যোগাবলম্বনে,

তনুত্যাগে কৃতসঙ্কল্প শীঘ্রই !

আশ্রম সদৃশ তাঁর আশ্রয়ে পশিয়া,

না দেখিয়া প্রথমে তাঁদের, মনে হ'ল—

স্বতি বুঝি সাথে ল'য়ে ফিরিতে হইল।

তারপরে গজাতীরে হ'ল দরশন,

পিতৃব্য বিচুর সেথা নাই, তনিলাম—

আসন্ন নির্বাণ দেখে তিনিও পূর্বেই

আপন নির্বাণ পথ খুঁজিতে তৎপর ।

প্রায় তিন বৎসর হইল—সেবা তার

করিয়া বহন, মেহপাশ হ'তে দূরে  
রয়েছেন সমাহিত—দেখা নাহি হ'ল ।

( ব্রাহ্মণের প্রবেশ )

ব্রাহ্মণ । দেখিবারে যদি চাও এস মোর সাথে ।

যুধিষ্ঠির । কোথা তিনি ?

ব্রাহ্মণ । যোগাশ্রমে প্রাণবায়ু করিয়া সঙ্কোচ,  
তপোমগ্ন, বাহুজ্ঞান প্রায় তিরোহিত ।

যুধিষ্ঠির । চলুন, চলুন, দেখান আমারে । [ উভয়ের প্রস্থান ]

( কিয়ৎপরে ব্রাহ্মণের প্রবেশ )

ব্রাহ্মণ । দেখিয়া উন্মাদ ব'লে হ'ল ভ্রম মোর ;  
দৃষ্টিমাত্র উদ্ধ্বাসে ক্র ৩ পলায়নে  
বৃক্ষলগ্নগাত্র হ'য়ে দাঁড়াল চকিতে ;  
এ যেন বিস্ময়কর, বিচিত্র, নূতন ।  
কিন্তু এই পলায়ন—কি উদ্দেশ্যে  
বুঝিতে নারিছ, তবে কি এ মারাত্যাগ ?

নেপথ্যে । পিতৃব্য! পিতৃব্য!  
আমি যে তোমার সেই প্রিয় যুধিষ্ঠির ।

ব্রাহ্মণ । তাই হবে, পাছে মেহাতুর বৃক্ষ  
হয় মারাকুষ্ঠ, তাই মেহার্থী বর্জন ;  
ওই তার নিদর্শন দর্শন আগ্রহ! [ ক্রতপ্রস্থান ]

( যুধিষ্ঠিরের পুনঃ প্রবেশ )

যুধিষ্ঠির । দেখিলাম বৃক্ষ সন্নিধানে গিয়ে  
বিগতজীবন—লম্বমান শূণ্ড দেহ ;  
তদ্রূপ ব্রাহ্মণগণ বলিলেন মোরে,  
যতিদেহ দাহ অসুচিত । কিন্তু এই  
তপোবন—পরিপূর্ণ কি মাহাত্ম্যে



এক ফোঁটা অশ্রু নাহি পড়িল মরমে ।  
 পিতৃব্য ! পিতৃব্য ! শাপত্রষ্ট দেব !  
 চলে গেলে দেবত্ব বিকাশেই ; ভীষ্ম ! ভীষ্ম !  
 দাসীগর্ভজাত ভ্রাতা ভুলিতে নারিলে,  
 তাই নিলে স্নেহক্রোড়ে টেনে । পাণ্ডব !  
 হারালে বিশিষ্ট বন্ধু নুতন করিয়া ।  
 ( বন্ধু শব্দ উচ্চারণে সহসা উৎকর্ণ হইয়া  
 চিন্তাশক্তি প্রসারিতে )

কিন্তু কেবা এ ব্রাহ্মণ !—পরিচিত ব'লে  
 ভ্রম, অযাচিত বান্ধবের ভূমিকা গ্রহণে  
 ভাগ্য সম যুধিষ্ঠির ভাগ্য প্রবর্তনে  
 ঘোরে ফেরে নিরন্ত সাহায্যে ?  
 এখন প্রধান কাষ,  
 নিয়ে যেতে হবে ফিরাইয়ে সবে ;  
 কে দেখিবে—ধৃতরাষ্ট্র, গান্ধারী, কুন্তীরে ?  
 নাহি জানি—অনুকূল হবে কি না হবে । ( এহান )

তৃতীয় দৃশ্য ।

বনভূমি ।

কৃষ্ণ । উপদেশ দেওয়া খুবই সহজ ; কিন্তু  
 উপদেশ মতে চলা কত যে কঠিন,  
 চিন্তা যেবা করে নি অধীন, পারে নাই  
 রাখিতে স্বায়ত্তে, দীপশিখা সম হির  
 থাকে কি সে নিবাত নিষ্কল্পে ?  
 পরিণত বয়ঃক্রমে—কর্ম অবসানে  
 আত্মীয় বিচ্ছিন্ন হ'রে সাবহিত থাকা,  
 রেখে একা—জ্যেষ্ঠ ভ্রাতা  
 স্মৃতি সমষ্টি ল'রে করেছে প্রাণ ।  
 মনে পড়ে গান্ধারীর ক্রোধ, অতিশাণ,

সতীবাক্য—বহুবংশ ধ্বংস হুনিষ্ঠর ।  
 এসেছিল কতিপয় কথ আদি ঋষি  
 মহান্ তেজস্বী, তপস্বী,—সংযত বাক্,  
 তাঁদেরও উত্ত্যক্ত ক'রে পরিহাস ছলে  
 বৃষ্ণিবংশ বালকেরা পূর্ণ গর্ভাকারে  
 শাঘরে সাজায়ে জিজ্ঞাসিল—ঋষি! বল,  
 কি সন্তান করিবে প্রসব ? কষ্ট হ'য়ে  
 ঋষিরা উত্তর দিল—মুঘল অধম ।  
 সত্য সত্যই সে মুঘল উপোদ্ঘাতে  
 বহু বংশ ধ্বংস হ'ল—করে পরিণত ।  
 আমিও কি হব না আহত ?

( অর্জুনের প্রবেশ )

- অর্জুন। কৃষ্ণ ! করিয়া সন্ধান বহু, আসিয়াছি—  
 ধরিয়াছি পুনঃ, যাইতে দিব না তোমা ।
- কৃষ্ণ। সখা ! অত্যজ্য এ বন্ধন যদিও,  
 তথাপি যাইতে হবে ; সেও বে অত্যজ্য ।
- অর্জুন। বলদেবেও হ'ল না দর্শন,—
- কৃষ্ণ। বাস্তব অতীত তিনি ।
- অর্জুন। লোকান্তরে ?
- কৃষ্ণ। কর্ম অবসানে ।
- অর্জুন। যে দ্বারকা—এতদিন সৌভাগ্য সস্তারে  
 ছিল পূর্ণ গর্ভ, পূর্ণ গর্ভ, আজ সেই  
 কারুণ্যের কৌণরশি ধ'রে—এখনও  
 রয়েছে দাঁড়ারে হির পূর্বস্বতি ল'রে ।
- কৃষ্ণ। তুমি যাও, ত্যজ মোরে অন্তিম সমরে,  
 প্রহর্যের প্রিয়পুত্র বন্ধকে বন্ধনে  
 শিখাইও নীতিতত্ত্ব—যা তব আয়ত্তে ।

অর্জুন । একান্তই বাবে তুমি ।

কৃষ্ণ । গীতাবাক্য করহ স্মরণ,  
কোথা শোক, কিবা শোক হৃদয় শোষণ  
এই যে নখর দেহ নহে ইহা আমি,  
ইহাতেও না ছিলাম, না র'বও কভু ।  
এই যে দেখিছ তুমি স্থাবর, জঙ্গম  
এ সকলই আমার বিকাশ ।

অর্জুন । বুঝিয়াছি সেই দিনই—  
প্রকৃতির স্রষ্টা তুমি, যাহ'তে প্রবৃত্তি ।  
কিন্তু এই যোগারূঢ়, সদা সমভাব,  
সবিকারে নির্ঝিকারে অচল অটল,  
হেন ধৈর্য্য, এত বল—গাণ্ডীবী তা পারে ?  
ছিল সে যে চক্রগতি অক্ষুণ্ণত পথে,  
অঙ্কিত যা' রেখেছিল আদর্শরূপেতে ।

কৃষ্ণ । অর্জুন ! অর্জুন ! করিছ কি অকৃতব ?  
এ নহে নিখর ভাব বাহ প্রকৃতির,  
অস্তর স্তিমিত হ'য়ে আসে ; ওই শুন—  
সমুদ্র কল্লোল, ওই শুন আবাহন গীতি !  
তুমি যাও হারকার, পিতা বসুদেব  
রয়েছে সেখানে, বুঝাও তাঁহারে গিয়া  
বথাযোগ্য সাধনা প্রদানে ; সখা তুমি,  
সম্ভাবের নাহি কর হানি ।

অর্জুন । এর চেয়ে চের বড় আশ্চর্য্যবিসর্জন । (প্রহানোচ্চম)

কৃষ্ণ । ( ছুটিয়া গিয়া ) সখা ! সখা ! ব্যথা কিন্তু  
মনে নাহি ক'রো । ( অর্জুনের না কিরিয়াই প্রহান )  
বুঝিয়াছি—দেখিলে না চেরে,—  
প্রত্যেকে ধৈর্য্যের বাধ স্বতঃই শিখিল । (ভিন্ন পথে পলায়ন

চতুর্থ দৃশ্য ।

দ্বারকা ।

অর্জুন । অবসাদ হ'তে  
 অবসাদ নিবিড় গহ্বরে  
 টেনে নিয়ে যায় মোরে নিরস্তর,  
 তথাপি থাকিতে হবে নিদেশ পালনে,  
 কর্তব্যে বড় ক'রে রাখিতে হইবে ।  
 কৃষ্ণবার্তা ল'য়ে—বসুদেব সনে দেখা  
 করিতে যাইয়া, তাঁর সেই বিগলিত,  
 ঋণ বর অশ্রু সনে বিষাদে মিলিয়া,  
 বিষাদেরও মাঝে সেই কর্তব্য ইঙ্গিত,  
 কর্মের প্রেরণা—অচিরে ভাসিয়া যাবে  
 জলোচ্ছ্বাসে এ দ্বারকা ভূমি, রক্ষা কর  
 তুমি—শিশু, নারী, বৃদ্ধ অসহায় জনে ।  
 জানিত সে কৃষ্ণ বেশ, কি ভাবে করিতে  
 হয় চালিত সকলে ; কি বলিছ,  
 এখনও আছ তুমি অস্তরে ব্যাপিয়া  
 উৎসাহের সনে সদা বাধি আপনারে ?  
 ওই আসে সমুদ্র-উচ্ছ্বাস, ভাসাইয়া  
 নিয়ে যেতে দ্বারকা প্রদেশ, তবে কি এ  
 সন্ন্যাসীনা, পুজ্যজন উঠে গেলে  
 ল'র বধা নত জনে শিরে পদধূলি ?  
 শিশু, নারী, পাঠাইয়া দিয়াছ সকলি,  
 বাকি কিছু আছে কি না দেখিতে আসিয়া  
 অকস্মাৎ আসিল এ অপূর্ব প্রাণ ;  
 আমি যাই, আমা'পরে সমুদ্র ভার ।  
 ( অর্জুনের প্রস্থান ও জলোচ্ছ্বাসে সেই স্থান পরিপূর্ণ )

পটপরিবর্তন ।

বনপথ ।

দম্ভ্য । যার যত দ্বারকার বর্জিত রমণী  
 নানাবিধ অলঙ্কারে সুসজ্জিত হ'য়ে ;  
 সুবর্ণ সুযোগ, আক্রমিলে কোনমতে  
 দম্ভ্যবৃত্তি করিতে হবে না । ( বংশীধ্বনি )  
 ঐ, ঐ সব আসিয়া পড়েছে, ঐ—ঐ  
 বিধ্বস্ত করিছে, লইছে বিচ্ছিন্ন করি ;  
 ঐ শিশু উঠিছে চাৎকারি, ঐ নারী  
 ধুলার লুটায় । [ বেগে প্রস্থান ]

( অর্জুনের প্রবেশ )

অর্জুন । কিছুতেই ঘাইতে দিব না,  
 বাঁকি আছে যেই সব শিশু ও রমণী  
 অঙ্গস্পর্শ করিতে দিব না ।  
 আমি কি গাণ্ডীবী সেই ?  
 কোদণ্ড টঙ্কারে যার কুরুক্ষেত্র রণে  
 জনে জনে দিল প্রাণ  
 ভীষ্ম, দ্রোণ, কর্ণ আদি মহারথি সবে,  
 যার বীর্যে মহেশ্বর সন্তুষ্ট হইয়ে  
 পাণ্ডপত অস্ত্র দিল পুরস্কার রূপে,  
 ইন্দ্রাদিদেবতা যার সান্নিধ্য, সাহায্য  
 সতত গৌরব জানে করিত প্রার্থনা,  
 যে গাণ্ডীব করে আছে বলে,—  
 যুদ্ধের প্রারম্ভে আমি দস্ত সহকারে  
 বলেছিহু বৃধিষ্ঠিরে—ইচ্ছা যদি করি  
 পলকে করিতে পারি কৌরব নিপাত—  
 হউক সে একাদশ অকৌহিণী সেনা ।

( দস্যুর পুনঃ প্রবেশ )

দস্যু । এর নাম পঞ্চনদ, নহে কুরুক্ষেত্র । ( প্রহারোত্তম )

অর্জুন । ( ধমুতে জ্যা-আরোপণ করিতে বাইয়া, বৈকল্যে )

এ কি, গাণ্ডীব শিখিল, শূন্য অক্ষর তুণীর,—

কৃষ্ণ ! কৃষ্ণ !

দস্যু । আর কৃষ্ণ !

কৃষ্ণ হত ব্যাধহস্তে—বাণের প্রহারে ।

অর্জুন । দস্যু হস্তে আমারও এ পরাজয়—

সকলই বিস্ময়কর, বিচিত্র, অদ্ভুত ।

দস্যু । কার্যকালে সকলেরই ক্ষয়,

বিচিত্র কিছুই নয় ।

অর্জুন । তথাপি থাকিতে দেহ, দেহে ক্ষীণ শ্রাণ,

দিব না তোমারে পথ আশ্রিতে ত্যজিয়া ।

দস্যু । প্রাণে মোর নাহি প্রয়োজন,

প্রয়োজন ধন, রত্ন সংগ্রহ কেবল । ( প্রস্থান )

অর্জুন । এর চেয়ে প্রাণে বধও ছিল গৌরবের ।

গাণ্ডীব ! গাণ্ডীব ! বৃথা দর্পে—হতগর্বে

তুমি আমারে তুমি করিলে নিপাত,

হ'ল না কি তব মানও ম্লান, পরাহত ?

কি কহিব, বন্ধু তুমি, অত্যজ্য আমার,

সুসময়ে বন্ধে ধ'রে করেছি চূষন,

কক্ষে ল'য়ে করেছি বহন, আর আজ—

ওঃ ! [ ধমুকোপরিঃমন্তকরকা ]

( দস্যুর পুনঃ প্রবেশ )

দস্যু । আর আজ—আমারই সম্মুখ হ'তে

ঐশ্বর্য্য হরিয়া, ল'য়ে যার দস্যুগণ

নগণ্য, সামান্ত বেবা অবশ্যোপজীবী ।

অর্জুন । গাণ্ডীব ! গাণ্ডীব ! এখনও সাতা দাঁও,  
 এখনও যার ওই আমারই সম্মুখে । ( দস্যুর প্রস্থান )  
 তথাপি নীরব ? তথাপি না ছাড়িব তোমারে ।

মেগথ্যে । কার্যকাল নিঃশেষ তোমার ,  
 চলে এস স্বর্গের দুয়ারে ;  
 প্রয়োজন হ'লে পুনঃ জন্মিও ধরায় ।  
 ( অর্জুনের উৎকর্ষ হইয়া অবস্থান )

## পঞ্চম অঙ্ক ।

প্রথম দৃশ্য ।

স্বর্গপথ ।

যুধিষ্ঠির, ভীম, অর্জুন, নকুল, সহদেব ও দ্রৌপদী ।

যুধিষ্ঠির । স্নাতক প্রাতি জীব,  
 ঋষিদেরও হ'রে থাকে ভ্রম ;  
 কৃষ্ণে পেয়ে অবহেলা করেছি তখন,  
 উতঙ্ক নামেতে ঋষি  
 তিনিও অমৃত পেয়ে হাতের উপরে  
 মূঢ় জানে ত্যজিলেন উপেক্ষিয়া তাহা ।

ভীম । তাব'লে চণ্ডাল মুখে—

যুধিষ্ঠির । নহে সে চণ্ডাল, দেবরাজ ইন্দ্র তিনি ;  
 দেবতা প্রচ্ছন্ন হ'রে মানবের সাথে  
 দেখা দেন এই মত ।  
 কৃষ্ণ তাহা হ'রে অবগত  
 হইলেন উপস্থিত সে ঋষি সম্মুখে ।  
 ঋষি পুনঃ নিবেদিল সমস্ত ঘটনা,  
 চাহিল করুণা—পাই যেন মরুভূমে  
 জল, হই যদি তৃষ্ণার্ত কখনও ।

তথাস্ত্ব বলিরা কৃষ্ণ হলেন স্বীকৃত,  
উত্ক মেঘের নামে বাহা অভিহিত ।

অর্জুন । সখা রূপে মোরা তাঁরে করেছি গ্রহণ,  
খ্যেয় জ্ঞানে ঋষিগণ, বশোদা গোপাল,  
ব্রজাঙ্গনা গণে সবে ব্রজের সর্বস্ব ।

যুধিষ্ঠির । তাঁর সেই চিরপুণ্য সান্নিধ্যে, সংস্পর্শে  
চলেছি স্বর্গের পথে সশরীরে মোরা ;  
নতুবা এ অসাধ্যসাধন, পারে নাই  
ত্রিশকুণ্ড বা, নহুমণ্ড হইয়া ব্রহ্ম  
ছিলেন ভূজঙ্গ রূপে বামুন পর্কতে ।

ভীম । অগস্ত্যের অভিশাপই কারণ সেখানে ।

অর্জুন । আমি ববে স্বর্গ হ'তে ইন্দ্র অকুগ্রহে  
শিখিরা সর্বাঙ্গবিছা আসিলাম ফিরে,  
তখনতো আপনারই পবিত্র সম্পর্কে  
উদ্ধার হলেন তিনি সর্পদেহ হ'তে ।

ভীম । না আসিলে আপনি সেখানে, সে বিরাট  
অজগর— করিত আমারে গ্রাস  
সেই দণ্ডে—সেই ব্যাস্ত বদন গহ্বরে ।

যুধিষ্ঠির । আমিও বস্তুপি তাঁর বিহিত উত্তর  
না দিতে পারিলে, তিনিও আমারে  
গ্রাস—করিতেন বিনা আপত্তিতে ।  
প্রশ্ন তাঁর—ব্রাহ্মণ কাহাকে বলে ;  
সত্য, দান, তপঃ, ক্ষমা, দয়া যার  
অঙ্গের ভূষণ, জগতে ব্রাহ্মণ সেই ।  
তিনি সেই বাণী—আশীষ অর্পণে তিনি  
মুক্ত হ'রে গেলেন অক্ষয় স্বর্গে ।

ভীম । একাসনে ব্রাহ্মণের সমূহবেশনে  
স্বর্গচ্যুতি—এই তুচ্ছ কারণ সেখানে ?



- যুধিষ্ঠির । সমুপবেশন নহে কারণ, কারণ  
তুল্য বোধ, স্পর্ধা তাঁর মনে ।
- দ্রৌপদী । ধর্মরাজ ! আপনারই পুণ্যের সম্পর্কে  
চলিরাছি আমরাও স্বর্গীয় আবাসে ।
- যুধিষ্ঠির । দ্রৌপদি ! গৌরব তব দিগন্ত বিস্তৃত,  
তথাপি সর্বদা তব অক্ষমতা ভাব  
ক'রে থাকে বিনয়ই প্রকাশ ; বিনীত বে—  
সর্ব সুখ সৌভাগ্য আধার, স্বর্গ তার ।
- দ্রৌপদী । এতদিন একসঙ্গে করিয়া বসতি,  
একদিনও দেখি নাই গর্বের আভাষ  
মুখে, চোখেও ফুটিয়া উঠিতে ; বার থাকে—  
বুঝি বা সে দেখেও দেখে না ।
- অর্জুন । শুধু কি তাহাই ? বিচারের  
পক্ষপাতহীন ব্যবহারে—উড়াইয়ে  
কৌন্তিল্যজা, সমেথলা পৃথিব্যক্ষে  
সাক্ষীরূপে ইন্দ্রপ্রস্তে বসারে বজ্রেরে,  
পরীক্ষিতে হস্তিনায় করিয়া স্থাপন  
শৃঙ্খলা ও সংঘের বাধিয়াছ বাধ,  
করিয়াছ দৃঢ়ভিত্তি অক্ষয় স্বর্গের ।
- যুধিষ্ঠির । ভাই ! ভাই ! রাজ্য কি আমার ?  
সে যে তোমাদেরই কৌন্তিল্যক ধন ;  
নতুবা এ সূর্য্যবংশ প্রখ্যাত গৌরব  
পারিত কি যুধিষ্ঠির রাখিতে অক্ষত ?
- অর্জুন । রাখ নাই অক্ষত কেবল,  
করিয়াছ উন্নত, বর্জিত ।
- যুধিষ্ঠির । রাজসূয় যজ্ঞ আরোজন, অখমেধে  
কুতিত্ব স্থাপন, কার সাধ্য—  
বিনা এই সত্রাত্মক ভাই ভীমার্জুন ?

জ্যোপদী। আশ্রয় আশ্রিত, পূজ্য ও পূজক,  
রাজা প্রজা, ভূমি জল নিত্যৈকসম্বন্ধ।

যুধিষ্ঠির। জ্যোপদী! জ্যোপদী!

ভীম। ক্রম রাজা, ক্রম অপরাধ,  
যুতরাষ্ট্রে দিই নাই দিতে  
ঠাঁহার প্রার্থিত অর্থ অস্তিম সময়েও,  
যুঝিলাম—অর্থ নহে বড়, বড় প্রীতি।

যুধিষ্ঠির। তার তরে করিয়াছি বহু তিরস্কার ;  
কিন্তু তুমি পরীক্ষিতে সর্বস্ব অর্পিয়া  
কি ত্যাগের পরাকাষ্ঠা দেখায়ে এসেছ,  
তুলনা কি হয় তার? নকুল ও সহদেব!  
মাতৃপদে অর্ঘ্য দিতে—  
সাথে ল'য়ে এনেছি যে আজ, এর চেয়ে  
যুধিষ্ঠির—নাহি জানে বড় গর্ব আর।  
মাদ্রী! মাদ্রী! সহযুতা জননী আমার!  
ত্যাগি পুত্র, ল'য়ে স্বামী সেবা ভার  
কুস্তী হ'তে বড় দৃষ্টান্ত ধরেছ,—  
করেছ নারীর জন্ম সার্থক ধরায়।

নকুল। ষোগ্য পাত্রে ভারই কারণ ;  
কুস্তীদেবী না করিলে সম স্নেহ দান,  
সমান আদরে পুষ্ট না করিলে তিনি,  
এমন আশ্রয় পেয়ে সমৃদ্ধ না হ'লে,  
মাতৃপদে অর্ঘ্য দিতে হ'ত কি সক্রম  
পিতৃমাতৃ হীন—দীন যুগ্ম এ অমুজ ?

যুধিষ্ঠির। নহে তোরা অমুজ আমার,  
তোরাই অগ্রজ—পথ প্রবর্তক।

জ্যোপদী। স্বামী! দেখ,—দেখ,

আসিছে কুকুর এক প্রথম অবধি  
অবিশ্রান্তে পাছে পাছে পথ অনুসরি ।

বুধিষ্ঠির। সত্যই বিষয় কর । ( সকলের প্রহানোভোগ )

দ্বিতীয় দৃশ্য ।

স্বর্গের অপর পথ ।

বুধিষ্ঠির। হারামাম একে একে সমস্ত সম্পদ  
সজীব, মেধাবী, কর্ম সচিব বাহারা ;  
প্রথম জ্যোপদী, জিজ্ঞাসিল ভাম—  
জ্যোপদী হ'লেও সতী কেন বা অগ্রেই  
গমনে অক্ষম হ'ল ? দিলাম উত্তর—  
অর্জুনের প্রতি তার সমধিক প্রীতি,  
এই পক্ষপাতে তার ঘটেছে বিচ্যুতি ।  
দ্বিতীয় সে সহদেব কনিষ্ঠ হ'লেও  
অস্তরে অস্তরে তার ছিল অহমিকা—  
আমি জানী, অননুধা, বিজ্ঞ, বিচক্ষণ ।  
তৃতীয় নকুল—রূপগর্বী, অভিমানী ।  
চতুর্থ অর্জুন—বীর্ষবান্, তৃণজ্ঞান  
করিত সবারে, বলিত সে পারি আমি  
পলকে করিতে পাত ত্রিলোক গাণ্ডীবে ।  
পঞ্চম সে ভীম—নাহি দিত ভক্ষ্য, ভোজ্য  
অপরে সহসা, একাকীই উদরস্থ  
করিতে চাহিত ; কিন্তু সেই অনুসৃত  
কুকুর এখনও—চলিছে আমার সাথে,  
কখনো পিছারে পড়ে—কখনো বা কাছে ।

( ধর্মের প্রবেশ )

ধর্ম। নাহি আমি কুকুর, ধর্মজ্ঞ !  
আমি ধর্ম, সহযাত্রী, পৃষ্ঠ সংরক্ষক ।

যুধিষ্ঠির। কি বলিলে, নারিলাম বুঝিতে স্বার্থার্থ্য ।

ধর্ম্য। বুঝাইরা দিতেছি তোমারে ; মনে পড়ে—  
একদিন বনবাসে প্রবেশ উন্মুখে  
হঁতামে কাতর হ'লে, সূর্য্যরূপে আমি  
দিরাছিহু স্থালী এক সম্পন্ন, স্বচ্ছল ?

যুধিষ্ঠির। সে বে মোর জীবনের প্রথম স্মারক ।

ধর্ম্য। তারপরে বৈতবনে ভ্রাতৃগণ হারা,  
রাজ্যোদ্ধার মুখ্য উদ্দেশ্য হ'লেও  
চাহিলে নকুলপ্রাণ ত্যজি তোমার্কুম,  
সর্ব্বাঙ্গে সকল আশে দিয়া জলাঞ্জলি ?

যুধিষ্ঠির। মনে আছে ব্রাহ্মণের মন্বদণ্ড  
করিতে উদ্ধার, যুগেরে করিতে বধ  
করেছিহু আদেশ নকুলে ।

ধর্ম্য। আমি সেই সূর্য্য, সেই যুগ, সেই সে কুকুর ।

যুধিষ্ঠির। সেই বক্ষ পূর্ব্বহিতৈষী আমার,  
করেছিল যেবা পঞ্চ ভ্রাতৃপ্রাণ দান ?

ধর্ম্য। তোমারে তো পারিনি বধিতে ; কিন্তু  
বিস্মিত পরম,—এখনও সেই  
সমতাব, সেই ভ্রাতৃপ্রীতি,  
সেই ভক্তবৎসলতা, ধর্ম্মানুসরণ,  
যুধিতেও অত্যন্ত্য ভাব—বক্ষে আলিঙ্গন ।

যুধিষ্ঠির। আশ্রিতে কি থাকে কহু বিরুদ্ধাবকাশ ?

ধর্ম্য। ইন্দ্র এসে করে নাই তোমা অহুরোধ ?

যুধিষ্ঠির। করেছিল, বলেছিল ত্যজ এ কুকুরে,  
দিতেছি বিমান এক সুখগম্য ঘান ।

ধর্ম্য। এইমাত্র ?

যুধিষ্ঠির। হ্যা, এখনই ।

- ধর্ম । তবু মা চাহিলে স্বর্গ দুর্লভ, নিজস্ব ?
- বুধিষ্ঠির । আমি করি নাই ত্যাগ ভ্রাতৃগণে,  
ভ্রাতৃগণ ভাঙ্গিল আমারে ।
- ধর্ম । দেখিতে কি চাও তুমি পূর্বপুরুষেরে,  
স্বর্গগত ধারা—উপবিষ্ট দেবসনে ?
- বুধিষ্ঠির । দেবসনে বসিবার স্পর্ধা নাহি ধরি,  
পাই যদি চরণে আশ্রয়, থাকি যদি  
ভ্রাতৃসম্বারে, সেবিব অনন্তমনে,  
করিব দাসত্ব চির সৌভাগ্য ভাবিয়া ।
- ধর্ম । ভাগ্যবান্ ধর্মসেবি ! ধর্মৈক নামক !  
ধর্মসার স্কন্ধতি সমষ্টি—রাধিয়াছ  
সবই স্বীয় আয়ত্তে—আবাল্য ;  
ধন্য তুমি. ধন্য তব কৃতিত্ব কোশল ।  
ইন্দ্রও আসন ত্যাজি তব আবাহনে  
গৌরবে গৌরবরাশি চাহে বিনিময় ।
- বুধিষ্ঠির । গৌরবই দ্বিতীয় স্বর্গ কল্পাস্ত বিহিত,  
যদি নাহি থাকে সেথা অহমিকা বোধ ।
- ধর্ম । সন্দেহ তোমারও তাহে ?
- বুধিষ্ঠির । সন্দেহ যে প্রতি জীব ।
- ধর্ম । আশ্রয়ার্থে কৃষ্ণও যাদের—
- বুধিষ্ঠির । কে কার আশ্রয় ? —কি বলিছ,  
শুনিতে চাহিনা তব দ্বিতীয় বচন ।
- ধর্ম । আত্মশ্লাঘা শোনা পাপ,  
বুঝিয়াছি ধর্মবেত্তা ! ধর্মৈক নির্দেশ ।  
সর্ববিধ পরীক্ষায় সমুত্তীর্ণ তুমি,  
আসিছে বিমান ওই—কর আরোহণ ।

যুধিষ্ঠির। বলিরাছি একবার, বলিতেছি পুনর্বার,  
চাহিনা—

ধর্ম। পাণ্ড যদি ভ্রাতৃগণে সেথা দরশন ?

যুধিষ্ঠির। সেই মোর স্বর্গবাস, কাঙ্ক্ষিত আসন। ( বিমান আগমন )

ধর্ম। চাহ নাই যেতে তুমি ত্যজিয়া কুকুরে,  
এস সেই কুকুরেরই সাথে।

( ধর্মের আরোহণ ও যুধিষ্ঠিরের অঙ্গুগমন )

তৃতীয় দৃশ্য।

স্বর্গ।

কৃষ্ণ। কেন ধর্মরাজ। কেন এ বিরক্তি ?

যুধিষ্ঠির। চাহি না এ স্বর্গ আমি।

কৃষ্ণ। বিরাগের কারণ কি শুনিতে পাই না ?

যুধিষ্ঠির। এই কি বিচার ? এই কি বিচার ?  
বেইজন জন্মাবধি ক্রুরতা সহায়ে—

কৃষ্ণ। কার কথা বলিতেছ ? দুর্ব্যোধন ?  
সমরে যে বীর দেয় প্রাণ বিসর্জন  
স্বর্গ যে তাহারও প্রাপ্য।

যুধিষ্ঠির। শ্লেষাত্মক স্বরে যেনা এখনও তোমা—

কৃষ্ণ। বলিতেছে—সুখক্রোড়ে দুর্ব্যোধন  
চিরদিন করিয়াছে বাস, সুখভ্রষ্ট  
কাকে বলে নাহি জানে কত ?

যুধিষ্ঠির। কেননা বলিবে।

কৃষ্ণ। কেন, দেখে হিংসা হ'ল ?  
প্রতি নর সুখে দুঃখে সম অধিকারী ;  
আলোকে যে করে বাস  
রাজি কি না দেখে সেইজন ?

হৃষ্যোধন হ'ত যদি রণে পরানুখ  
করাস্ত নরকবাস ঘটত তাহার ।

যুধিষ্ঠির । তাই সে করিছে দম্ব, বলিছে নির্ধোষি—  
কি কপট ! কি দেখ আমার প্রতি ?

কৃষ্ণ । শুন তবে ক'হ তব্বকথা, যেইজন  
অন্ন পুণ্য উপার্জন অধিকারী, সেই  
করে অগ্রে স্বর্গভোগ, পরে দীর্ঘকাল  
আজন্ম নরকভোগে কাটায় জীবন ।  
তুমি যে দেখিলে গিয়া নরক—বীভৎস,  
কিন্তু তার পুণ্ড্রিগন্ধ আবর্জনা আদি  
পারে নি ইন্দ্রিয়পথ রোধিতে বারেকও ।  
নিজ্রাতুর নাহি যদি প্রভাত আশ্বাদ  
পায় তার জীবনে কখনও,  
পার্ধক্য, মাধুর্য্য কিবা কেমনে বুঝিবে ?  
কেন সে চাহিবে পুনঃ পরিত্যজ্য পথ ?  
এই ঘাত, প্রতিঘাত—সুকৃতি, দুকৃতিই কর্মফল ।

যুধিষ্ঠির । কৃষ্ণ ! কৃষ্ণ ! গীতা হ'তে গের এ বে,  
ধ্যের হ'তে স্মর্তব্য সতত ।

কৃষ্ণ । পাত্র ভেদে শিকার আদান,  
আধেয়েই পূর্ণতা বিকাশ ;  
এরি জন্ত ক্ষেত্র ও ক্ষেত্রজ  
আকাঙ্ক্ষিত নৈতিক জীবনে ।

যুধিষ্ঠির । কৃষ্ণ ! কৃষ্ণ !

কৃষ্ণ । বাস্তবই যে বলবান্, পরীক্ষা আগার ।

যুধিষ্ঠির । কৃষ্ণ ! কৃষ্ণ !

কৃষ্ণ । কর্মবীরে ধর্মবীরে ইহাই পার্ধক্য,—  
অজ্ঞান ও যুধিষ্ঠির । ( যুধিষ্ঠিরের অবনমন )

কর্মময় জ্ঞান আরাধনা,  
জ্ঞানময় কর্ম আরাধনা  
পার্থক্য যে কত সূক্ষ্ম ; হে সূক্ষ্ম সাধক !  
নহ তুমি সেবক কেবলই,  
সেবাই সাধনা—সাধনাই সেবা ।

যুধিষ্ঠির । গীতা হ'তে অতি গীতা শুনালে আমারে,  
শুনিলু অপূর্ব গাথা,  
বুঝিলু নেতৃত্ব তব কেন নিরবধি ।

কৃষ্ণ । আমারেও নিতে হয় জন্ম ধরাতলে  
মানব আকারে মনুসংহিতা বিধানে ।

যুধিষ্ঠির । কৃষ্ণ ! কৃষ্ণ !

কৃষ্ণ । আমিও তো বড় নয়, বড় হ'তে  
অতি বড়, পর হ'তে পরাংপর,  
কার্য হ'তে অতিকার্য পাই দর্শন,  
করি তাঁর আদেশ পালন,  
ইহাই শ্রেষ্ঠত্ব মোর ।

যুধিষ্ঠির । তম রজঃ অতীত সে ধন,  
সেই পুণ্য, চির পূর্ণ শাস্ত্রত চৈতন  
চিন্ময় আধার মাত্র, আনন্দে মগন ।

কৃষ্ণ । সে আনন্দ অধিকারী কয়জন হয় ?  
তুমি, আমি তারই উপাসক ।  
আরও কি দেখিতে চাও করহ প্রকাশ,  
ভোগ যাহা অনেক নীচের ।

( ধর্মের প্রবেশ )

ধর্ম । সত্য ইহা, এর পরে স্থান  
ধর্ম, অর্থ, কাম, মোক্ষ একে অবস্থান ।

কৃষ্ণ । শুধুই ঐচ্ছন্য, শুধুই গৌরব ময় ।



যুধিষ্ঠির । পাণ্ডু ! পাণ্ডু !

কৃষ্ণ । অন্ন তব ধর্মের ঔরসে,  
সেই ধর্মই পাণ্ডব পতাকা,—  
লক্ষ্য, নিত্য সহচর ।

ধর্ম । কৃষ্ণ বেধা ধর্ম সেধা, পতাকা ইহাই ।

চতুর্থ দৃশ্য ।

গোলোক

অর্জুন ও কৃষ্ণ বেশে পার্শ্বতী ।

অর্জুন । কৃষ্ণ ! সখা !

পার্শ্বতী । তুমিই করেছ সখা ! ভূভার হরণ ।

অর্জুন । তুমি তবে গিয়াছিলে কেন ?

পার্শ্বতী । এ কেন'র উত্তর অর্পণ,  
স্মরণ অতীত মোর ;  
বহু চিন্তা করিয়াছি, বহু অন্বেষণে  
এরও দূর লক্ষ্য প্রতি ছুটিয়া গিয়াছি,  
শ্রুতি লুপ্ত, মেধা অপারগ ! তুমি প্রিয় !  
বলনা আমারে, জান যদি এর পরে ?

অর্জুন । এ কি এ বিশ্বাসি, এ কি উন্মাদনা !

পার্শ্বতী । বল, বল, সত্য ক'রে বল ?

অর্জুন । তুমি যদি নাহি জান আমি কি বলিব,  
আমারে চালিতে তুমি সারথির বেশে,  
আমারই কর্মের পথে ঋবতারা রূপে,  
আমারই সন্মুখে ধরি লক্ষ্য অল্পমম—

পার্শ্বতী । আমি কিছুকরি নাই, আমিও চালিত ।

অর্জুন । কি বলিছ, সবই প্রহেলিকা ।

পার্বতী । বিশ্বয়ই জগত ।

( রমণী মূর্তি ধারণ )

অৰ্জুন । এ কি ! এ কি ! কে তুমি ?  
রাধিকা ! রাধিকা !

( নারায়ন মূর্তি ধারণ )

পার্বতী । নারায়ন !

অৰ্জুন । কেন প্রিয়ে ! কেন মোরে করিয়া গোপন,—

পার্বতী । আমি কি কারণ ? আমি কি কারণ ?

( অঙ্গে অঙ্গ সমাবেশে )

যদ্বী তুমি, তুমি নারায়ন. কৰ্মসখা—  
জগতজীবন, বাহু জগতের সাথে  
পরিচিত হ'তে, উৎকর্গ করিতে গুণ,  
বশোরাশি বিকীরণে—

অৰ্জুন । কি বলিছ, সবই শুনি বিপরীত বাণী,—

পার্বতী । নারী নর, নর নারী, কার বে ইজিতে—

অৰ্জুন । কেবা নাহি জানে এ জগতে

তুমি নারায়ন, ধনঞ্জয় সখা,  
তুমি কৰ্ম প্রবর্তক, পাণ্ডব সারথি,  
তুমি নিখিলের সার, সমষ্টি বিচার,  
পারাবার কর্ণধার, সংসার তরণি !

পার্বতী । জানিবারও পরে বুঝি আছে জানিবার,  
এ জানা'র কিছুতেই শেষ নাহি হয় ।

অৰ্জুন । জন্মও কি সেইরূপ ?

পার্বতী । একই রূপ ; আমাদের এ বিজ্ঞানী কেন বা,  
এখনও উত্তর আমি দোব ?

অৰ্জুন । আমি আর কারে চিনি ? তোমা বই কারে জানি ?

পার্কতী । ( বাহুপাশ হইতে বিচ্ছিন্ন হইয়া )  
আমি দূরে, বহু দূরে । ( ক্রমশঃ অপসারণ )

অর্জুন । কোথা যাও, কোথা যাও ?

পার্কতী । অংশ তুমি, চলিলাম পূর্ণ হ'তে । (মিমোলন)

পটপরিবর্তন । শিবলোক ।

## হরপার্কতী ।

মহাদেব । প্রিয়ে !

পার্কতী । লজ্জা কি করে না ?

মহাদেব । লজ্জা কি আবার,  
গোলোকে শ্রীরাধা তুমি—

পার্কতী । তার জন্ম নয় ;  
নারী হ'রে নররূপে লভিয়া জনম,—

মহাদেব । আমি পারি মর্ত্যলোকে  
নারী হ'রে সেবিতে চরণ,—

পার্কতী । তাইতো যমুনা তটে—হ'য়েছিল  
বলিতে আমারে, “দেহি পদপল্লবমুদারম্” ।

মহাদেব । প্রিয়ে ! হ'ল না কি নূতন আনন্দ ?

পার্কতী । উপভোগ, পূর্ণ উপভোগ ।

মহাদেব । মান' এই কথা ?

পার্কতী । উদ্দেশ্য বিহীন নয়, ইহাই বৈচিত্র্য ;  
বহুরূপে লক্ষ্যপথে নারায়নে পেয়ে  
কুরুক্ষেত্রে সংশোধিয়ে ক্ষেত্রের জড়তা,  
অনাবিল, পঙ্কোদ্ধৃত হয়েছে জগত ;  
পৃথিবী শস্তায়মানা, প্রকৃতি সুকলা ।  
কিন্তু অজ নাম করিয়া বিলোপ,—

মহাদেব । মহে প্রিয়ে ! শিবস্ব নাশিরা,  
অংশরূপেই সর্বত্র বিকাশ ; শুধু কি তাহাই ?

পার্বতী । আরও কি ?

মহাদেব । একমাত্র কন্ডা হ'য়েও  
পার নাই করিতে সন্তুষ্ট,  
পূর্ব জন্মে জনক জননী—

পার্বতী । সে কি ?

মহাদেব । নন্দ দক্ষ, পিতা তব, বশোদা—জননী !

পার্বতী । করিরাছি আমি তো গীড়ন ।

মহাদেব । তাঁরা তো সন্তুষ্ট ।

পার্বতী । হে সর্বস্ব ! আশুতোষ !

মহাদেব । করিলাম সে আশা পূরণ ব'লে ?

পার্বতী । অর্জুন যে দাঁড়ারে এখনও ।

মহাদেব । বলভদ্র আগেই এসেছে, অর্জুনেও  
করি আকর্ষণ ; অর্জুন ! অর্জুন !

অর্জুন । ( উৎকর্গ হইয়া )

একি, একি এই আশ্র-উপবোধ !

একি এ অদ্ভুত স্মৃতি, বিচিত্র আশা !

একি, কার এ ইঙ্গিত ? হুর্কোথ্য, হুস্ত্যভ্য । (প্রহান)

মহাদেব । দেখিলে সে অন্তর্হিত, মিলিত আশাতে ?

( পার্বতীর বিস্মিতাবলোকন )

বিস্ময়ের কিছু নাই ;

আমারই অপর মূর্তি বিকুশক্তি স্বয়ং

বলভদ্র, ধনঞ্জয় নামেতে বিখ্যাত ।

মনে কি পড়ে না যখন সাহায্য তরে

নারায়নে সঙ্গীরূপে করিলে প্রার্থনা ?

পার্বতী । কেবা আমি, কেবা আমি ?

মহাদেব । তুমি সেই পূর্বপ্রিয়া দক্ষকন্যা সতী,  
অপূর্ণ আশ্বাদে যেবা অকালে, ঘোবনে  
দিয়েছিল আশ্বার অর্ছতি, স্ফুটোশুধ  
কুম্বকোরক তুল্য এ চাক্র প্রতিমা ।

পার্বতী । পড়িতেছে মনে, পিতা মোর বিদেহ বশতঃ  
করেছিল শিবহীন বজ্র আয়োজন ।

মহাদেব । আমারই অপদ মূর্তি রুদ্রদেহ হ'তে  
রুদ্রগণ আবিভূত—উন্নত হইয়ে  
করিলে সে বজ্র পণ্ড, বধিলে দক্ষেরে,  
তুমিই কাতর হ'য়ে স্বদেহ ত্যজিয়া  
চাহিলে পিতার প্রাণ, পূর্ণ বজ্র তাঁর ।  
পাছে আমি মৃত দেহ স্বন্ধে ল'য়ে তব  
করি দিকে দিকে—সবীভৎস নৃত্য অহোরহ,  
তাই বিষ্ণু চক্র সূদর্শনে  
খণ্ড খণ্ড করি সেই সূবর্ণ প্রতিমা  
নানা তীর্থে নানা অঙ্গ দিল ছড়াইয়া ।

পার্বতী । প্রিয়তম ! ওকি, আমি তো জীবিত ।

মহাদেব । অয়ি চিরজীবিত স্নানরী ! ( হস্তদ্বারা চিবুক স্পর্শ )

পার্বতী । বিকৃতেই এইরূপ হ'য়ে থাকে যদি,  
না জানি প্রকৃত যদি হইত প্রত্যক্ষ—

মহাদেব । অভিনেতা কুশল তাহ'লে ?

পার্বতী । হাসি দেখে অন্তর্হিত হইল আতঙ্ক ।

মহাদেব । সত্যই রোমাঞ্চে কুশ করিয়া ফেয়েছি ।  
এখনো চোখেতে যেন সচকিত ভাব,

পার্বতী । কিছু নয়, বিশ্বেরই প্রকাশ হবে বা ।

- মহাদেব । ( দীর্ঘনিঃশ্বাস ত্যাগ করিয়া )  
কিছু নয় ব'লে আজ উপেক্ষা করিছ,  
কিন্তু মনে হ'লে সেই দিন—
- পার্বতী । অকারণে সে চিন্তায় কেন ব্যথা পাও ?
- মহাদেব । না প্রিয়ে ! অমৃতত্বিই কারণ তাহার !
- পার্বতী । বুঝেছি তা' । ( বক্ষে হস্তাবমর্ষণ )
- মহাদেব । এ কি স্পর্শ—অমৃত সিঞ্চন,  
এ কি বাণী—সমুত্ত প্রলেপ ।
- পার্বতী । থাকি যেন জন্ম জন্ম আশ্রিত চরণে ।
- মহাদেব । পুনঃ বাবে, পুনঃ বাবে ?
- পার্বতী । এ কি এ আতঙ্ক ?
- মহাদেব । বলেছি তো—অমৃতত্বিই কারণ সেখানে ।
- পার্বতী । বামদেব নামই কারণ ।
- মহাদেব । কেন, করিলাম আমি উপহাস ?
- পার্বতী । বিপরীত অর্থ তো করিলে ।
- মহাদেব । প্রিয়ে ! বিপরীতই হয় যেন । ( পুনঃ দীর্ঘনিঃশ্বাস )
- পার্বতী । শঙ্কর ! শঙ্কর !
- মহাদেব । পাদবন্দনার নহে এ সময়,  
চল—পূর্ণচন্দ্রের পূর্ণতা সাধিগে ।  
( কক্ষবেষ্টনে অবতরণ )
- নগেন্দ্রনন্দিনী ! হিমালয়সুতা !  
কত ধৈর্য, চমৎকারিতা সকাশে ।
- পার্বতী । বিরূপাক্ষে শোভাই হয়েছে ।
- মহাদেব । শীর্ষে জটা—
- পার্বতী । ধৈর্য পরিচয় ।

মহাদেব । সেই একই কথা ;—  
 ষোগ্য সনে যোগ্যের মিলন,  
 পার্শ্বতী । বিধির নিকরু ।  
 মহাদেব । বিধি আর কাকে বলে ?  
 পার্শ্বতী । এও বিপরীত ।  
 মহাদেব । এত চতুরতাও জান ?  
 পার্শ্বতী । কিবা নাহি শিখায়েছ ।  
 মহাদেব । চলিছ, ফিরিছ বেন রাগিণী বন্ধার ।  
 পার্শ্বতী । নট দেখে সর্বত্র নৈপুণ্য ।  
 মহাদেব । ভাল, অভিনয়ই ।

( উত্তরেরই নিষ্কমণ )

পঞ্চম দৃশ্য ।

কক্ষ ।

সতী । ছেড়ে দাও, ছেড়ে দাও, আমি বাব ।  
 মহাদেব । কোথা যাবে প্রিয়ে ! বিনা নিমন্ত্রণ,  
 সতী । কক্ষা যাবে পিতারে দেখিতে,  
 বুঝিতে তাঁহার কিবা কক্ষাগতপ্রাণ,  
 এর মধ্যে থাকিতে পারে না—অভিমান,  
 কিম্বা নিমন্ত্রণ কথা উঠিতে পারে না ।  
 মহাদেব । তথাপি আমারে ত্যজি—  
 সতী । একদিন, একদিন প্রিয় ! চরণে মিনতি—  
 একদিন দাও অহুমতি,—  
 মহাদেব । একদিনই হয় যদি অনন্ত বিচ্ছেদ ।  
 সতী । হবে না ; আসিব, আবার আসিব আমি ।  
 মহাদেব । বলিছ যখন তুমি ;  
 না—না, কাষ নেই গিয়ে ।

- সতী । ফিরিব, নিশ্চয় ফিরিব ।
- মহাদেব । সতী! সতী! সৌভাগ্যসজিনী!  
নিরাশ্রয় করিয়া আমারে—
- সতী । আশ্রিত কি থাকে কভু আশ্রয় ত্যজিয়া ?
- মহাদেব । তুমি যে তা পারিবে না সহিতে কোমলে !
- সতী । খুবই পারিব ;  
শিব শীমন্তিনী আমি, আমি না পারিব ?
- মহাদেব । তাইই তো পারিবে না ।
- সতী । তাই বল—যেতে দেবে না আমারে ।
- মহাদেব । তোমারে বারণ করি সে সাধ্য আমার ?
- সতী । করিছ বারণ, মুখে বলিছ অশ্রুতা ।
- মহাদেব । প্রিয়ে !
- সতী । আসিব, নিশ্চয় আসিব আমি ।
- মহাদেব । আসিবে ?
- সতী । নিশ্চয় আসিব প্রাণাধিক !
- মহাদেব । জীবিত সর্বশ্রে !
- সতী । বুঝিয়াছি চিত্তকোভ দমন কারণ,  
না—না, তাহা নয় ;  
আমি উগ্র, আমি শূলধর,  
কণ্ঠে ধৃত কপাল মালিকা,
- সতী । তুমি যে আমার প্রিয়, নরন আনন্দ,  
সতীর গৌরব নিধি, বাহিত সর্বশ্রে ।
- মহাদেব । একান্তই বাবে যদি—
- সতী । প্রতিশ্রুত হইতেছি চরণ পরশে,



মহাদেব । ছেড়ে দেবে, পুনরায় ভ্রমিতে আমারে ।  
ছেড়ে দেবে শ্মশানে শ্মশানে ?

সতী । কেন এ অশ্রুধা মনে ?

মহাদেব । ধৈর্য্য যদি থাকে দূরে,

সতী । জটাবে ক্রমতা কি নেই ?

মহাদেব । দেখ—দেখ, কি প্রতিমা দিই বিসর্জন ।

সতী । লইতেছি পদধূলি অঁচলে বেড়িয়া,  
আবার আসিব ব'লে রাজ-অস্তঃপুরে ।

মহাদেব । সতী । সতী ! (দক্ষিণ হস্তে চক্ষুস্বর আবরণ)

সতী । কেঁদো না, কেঁদো না স্বামী !

( মহাদেবের প্রস্থান )

চলিয়া গেলেন শিব,  
সত্যই অশিবা আমি, অশুভ সাধিকা ।

নেপথ্যে । দেবী, প্রস্তুত পুষ্পক ঘান ।

সতী । চল, যাই ;  
স্বামী ! অপরাধ নিও না আমার ।  
( ঘন ঘন পশ্চাতে অবলোকন ও প্রস্থান )

পট পরিবর্তন ।

দক্ষালয় ।

সতী । কি দেখিতে এলাম এখানে,  
কি শুনিতে, কি করিতে পতিসদ ত্যজি ?

নেপথ্যে । সতী ! সতী !

সতী । বড় নর সন্তানের স্নেহ, বড় জেদ ;  
অবশেষে ছাগমুণ্ড করিয়া ধারণ,  
ছাড়িছ না তবু দর্প, গর্ভ, অহঙ্কার ।

নেপথ্যে । সতী ! সতী !

সতী । গর্জ শোভা পায় তার,  
শক্তি যার থাকে মূলে ;  
কিন্তু দর্প তাকে বলে—অযোগ্যে যা' আক্ষয় ।

নেপথ্যে । সতী ! সতী !

সতী । উভয় সঙ্কট মোর—পিতা, পতি ;  
একদিকে জন্মদাতা—অন্যদিকে  
জীবনের সাথী, একদিকে  
কর্তব্যবন্ধন—অন্যদিকে অত্যজ্য প্রণয়,  
একদিকে আত্মপাত—অন্যদিকে  
আত্মার উন্নতি ; সতী, সতী,  
বেছে নাও কোন্ দিক নেবে । (প্রস্থানোত্তম)

নেপথ্যে । সতী ! সতী ! বাস্নে, বাস্নে ।

[ সতীর প্রস্থান ]

( নারায়নের প্রবেশ )

নারায়ন । শূন্য কক্ষে প্রতিধ্বনি গুনিতেছি হ'তে  
বাস্নে, বাস্নে সতী,  
আকাশ, পাতাল করি সম বিকল্পিত  
সবাই বলিছে—বাস্নে, বাস্নে সতী,  
বাতাসও ঝড়ার তুলে করে নিবারণ—  
বাস্নে, বাস্নে সতী,  
মুখ ফুটে কথা যারা বলিতে পারে না,  
তারাও জানার ওই কাকলী ঘরেতে  
বাস্নে, বাস্নে সতী ।

নেপথ্যে । স্বামী ! স্বামী !

নারায়ন । ওই শেষ, নির্বাণ আভাষ ;  
 কি বলিছ—নহে ও নির্বাণ ?—জাগরণ ?  
 ঘটে বুঝি এখনই প্রলয়, ভয় হয়—  
 সখ-যদি বিকূতে দাঁড়ায়, সাবলম্ব  
 প্রতিশ্রুতি—ঘোরে ল'য়ে দিশিদিশি  
 বিভূতির বিনিময়ে অশ্রুধারা ঝরে,  
 পড়ে যদি মসিরেখা বিশ্বের শিবতে  
 অশিবে যে ভ'রে যাবে দিক্ ; কোথা যাই,  
 কি উপায়ে করি রোধ কালের ক্রকুটী,  
 কি অবলম্বনে—এই শেষ নিঃশ্বাসের দিনে  
 ত্রিলোকেরও রুদ্ধশ্বাস,—মহান্ আতঙ্ক ।  
 করিব কি সতীদেহ খণ্ড খণ্ড এবে,  
 করিব নিক্রিষ্ট কি তা' পৃথক প্রদেশে ?  
 নতুবা একত্র যদি থাকে সমাবেশ,  
 অশেষ দুর্গতি ; নিরুপায়, নিরুপায় ।

[ বেগে প্রস্থান ]

( ধর্মের প্রবেশ )

ধর্ম । পৃথিবী ! পৃথিবী !  
 ধৈর্য্য ধর ; উন্মত্ত, উৎক্লিষ্ট চক্র,  
 চক্রীও উদ্ভ্যস্ত ; ওই শিব উন্মত্ত হইয়া  
 ছুটে আসে স্বন্ধে নিতে মৃত সতী দেহ,  
 ওই তাঁর বিপর্য্যস্ত অঙ্গ সঞ্চালন,  
 ওই দীর্ঘ বিসর্পিত রুদ্ধ জটাতার—  
 নিরুপায়, নিরুপায় ।

( বেগে নারায়নের অহুগমন )

গটপরিবর্তন ।

দক্ষযজ্ঞ ।

( নিপতিত শব, বেগে চক্রহস্তে নারায়নের প্রবেশ )

নারায়ন । জাগো চক্র, কর স্বীয় কর্তব্য আপন,  
নিরন্তর বিঘূর্ণনে—কর্তনে এ দেহ  
হস্ত, পদ, সকৃথি, অস্থি বিচ্ছিন্ন করিয়া  
ভিন্ন ভিন্ন দেশ প্রতি করহ প্রেরণ,—  
তীর্থরূপে হোক পরিণত,—নর-নারী  
সন্ন্যাসী-সংসারী—দি'ক সেথা ভক্তিবারি,  
পূজা, অর্ঘ্য কালে কালে করুক প্রদান,—  
সতীদাহ হউক নির্বাণ ।

( নানাদিকে নানা অঙ্গ বিকীরণ ও চতুর্দিক  
রক্তিমাতায় সমাকীর্ণ )

( ধর্মের প্রবেশ )

ধর্ম । ০ যতদিন র'বে ধর্ম অক্ষত ভারতে,  
যতক্ষণ র'বে জীব জীবাণু সম্পন্ন,  
যে অবধি সৃষ্ট্যালোকে প্রত্যগ্র উৎসাহ  
এই তীর্থ সমুদ্রোপ, আগ্রত, বিজয়ী  
যেথা যেথা ছিন্ন অঙ্গে পবিত্রা পৃথিবী ।

নারায়ন । ধর্ম ! ধর্ম !

ধর্ম । নারায়ন ! স্থিতিধর !

জননিকা পতন ।





